

Sammlung plattdeutscher Werke Bd. 2.



Von de
Rügensche Kant.

Drei lustige Geschichten

in

rügensch-vorpommersche Mundart

von

Otto Wendler.

子
子
子
子

子
子
子
子

子
子
子
子

子
子
子
子

子
子
子
子

子
子
子
子

子
子
子
子

子
子
子
子

1894. 2534.

Von der Rügensch- Kant.

As

Drei lustige Geschichten

in

rügensch - vörpommersche Mundart

von

Otto Wendler.




1894.

Verlag von Ferdinand Beder
Bergen a. Rügen.

[Otto Wendler]

Alle Rechte vorbehalten!



Druck von Ferdinand Becker, Saffitz a. Mügen.

Inhalt.

- 1) Die Newerrafchung.
- 2) Los de Föß.
- 3) Dat Geburtsdagsgeschenk.



Die Aewerrschung.

35





Dat irste Kapittel.

Wran man einen Pasterkannedaten erkenn'n kann, un wat so ein all's bedriwen deht. Fräulein Margaretha.

Min Gründ, Krischan Koblhaaf, was mit de Wit¹ ut de Studentenjohren rut un in de Kannedatenjohren rinne kamen. He had up Paster studirt; un wenn jichtens² Einer to de Pasteri passen ded, was he dat; buten un binnen künn man em den tokünftigen Paster all anseihn. „Wo so?“ meint Einer? Je, dat will'k jung seggen. Lang as 'ne Bohnschacht³ was he un dünn as ein Hiring, sodat he dat Tüg⁴ all had, wat he sich up 'ne fette Parr⁵ nahsten allmählich rutepulstern⁶ künn; un 'ne glatt rasirt Wisasch⁷ had he, denn den Schmirrbort let he nich upkamen, wil he den för gorto weltlich un herutföddernd⁸ hüll⁹; un sin Hor let he alle half Zohr einmal schniden, nich wegen de Sporsamkeit, ne, wegen de Würd, de lange Hor em sine Meinung nah gewen deden. So sach¹⁰

¹) Zeit. ²) irgend. ³) Bohnenstange. ⁴) Zeug. ⁵) Pfarre.
⁶) heranspolstern. ⁷) visage, Gesicht. ⁸) herausfordernd. ⁹) hielt.
¹⁰) sah.

he buten ut, un wer em seg, de säd: Dat 's gewiß en Pasterkannedat. Un nu irst binnen. He was mit ganze Seel bi de Sak, un blot all¹ ut all de Moralpredigten, de he uns all as Student hüll, künn man schluten², up wat he toschneiden was³.

Na, he was nu also mit de Studireri farig un üm sich up sin tokünftig Amt as Menschenerteiker⁴ beten to präpariren, had he 'ne Städ⁵ as „Erzieher“ bi Kopmann Bohm sine Bören annahmen. De wahnte in Sagard. „Na“, dacht ick so bi mi, as ick dat hören ded⁶, „of ein Posten“. Un as ick grad wedder up Ferien von de Universität nah Hus trügg kamen⁷ was, dacht ick: Kiek, du kümst den ollen Knawen⁸ mal bi Gelegenheit besänken⁹ un nahseihn, wur he sich nu in de Welt utnimmt, un ob he sin lang'n Hor ümmer noch dröggt¹⁰.

Gedacht, gedahn. Ick führt ein's schönen Dags mit de Flunner von Stralsund nah de olle Fähr raewer; so heit de schmucke Damper, wil he so breit un kuffig¹¹ as so'n Flunner¹² is; nu steg in oll Fähr up den Anebus¹³ herup, denn an Isebahn würd dohn noch nich dacht; nu ist jo anners. Na, dat was eine erquickliche Fohrt mit den ollen Schinnerkasten, mör¹⁴ wir 'ck worden, as so'n Kottlett, de min Mudding

1) bloß schon. 2) schließen. 3) zugeschnitten war. 4) Menschen-
erzieher. 5) Stelle, 6) hörte. 7) zurückgekommen war. 8) Knaben.
9) besuchen. 10) trägt. 11) unförmlich. 12) Flunder. 13) Omnibus.
14) mürbe.

ümmer mit de Möserkül¹ bearbeiten ded, un lahm wir ick of dorfo. Denn in den hactermentschen Anebus, de ditmal drang² vull was, had 'ck kein Bein rühren künn, un so was mi denn mal de Linke inschlafen, un wenn de wedder upwakt³ wir, schlep de Rechte in. Un as ick denn nu endlich in Sagard ankem, duun güng de Qual irst an, denn up de Schasseh⁴ güng dat noch wenigstens eben⁵; aewer up dat sagardisch Plaster!⁶ Ick dacht doch rein, nu jüllen min Knaken⁷ of noch klein. Un as wi för Pankow'n sin Hotel hüllen un ick utsteg, güng dat mit mi ümmer: fort lang, fort lang, denn mit den inschlafen Rechten, de grad tolekt mit de Schlaperi⁸ an de Reih west was, künn 'ck man immer en lütten Schritt nehmen, un de upwakt Linke makte einen groten. So kem 'ck denn as ein wohren Hinkeldei⁹ bi Pankow rin.

„Gott bewohre, wat is Se?“ seggt Pankow.

„Se“, segg ick, „dit's 'ne Vergnügungsreis'. Wat jüll 'ck mi nich of mal dit Vergnügen gönnen¹⁰?“

„Na“, seggt Pankow, „denn geten Se man irst en lütten in dat Bein, denn ward he woll upwaken.“

Un ick lat mi dat denn bedäken¹¹ un markt of bald, dat dat den Bein god ded.

„Se“, segg ick, „up ein Bein kann 'ck woll nich stahn,

1) Mörserteule. 2) gedrängt. 3) aufgewacht. 4) Chaussee.
5) eben, gleichmäßig. 6) Steinplaster. 7) Knochen. 8) Schlaferei.
9) Hinfuß. 10) gönnen. 11) bedenken.

de anne will of sine Kock¹ hebben; ick möt woll noch einen nehmen."

"Dat wull 'ck meinen", seggt Pankow, de ni afraden ded², wenigstens in dese Beteihung³. Na, so kem ick denn of in de Gang un frog Pankow'n, wur ick nah Kopmann Bohmen henkem.

"Je", säd he, "Se gahn hier bi minen Hns glit⁴ links üm de Eck un denn . . ."

"Is dat hier of 'ne Strat?" frog ick, "ick dacht, dat güng hier nah Ehren⁵ Hof ruppe."

"Wat sull dat nich 'ne Strat wesen", seggt he. "Also hier links rüm, denn bögen⁶ Se rechtsch af un nah ungefähr hundert Schritt wedder links, un denn gahn Se gradto, de Strat rup, Se kän em gornich fehlen."

"Na, denn abjüs", säd ick un güng af. "Also", bed'te⁷ ick för mi hen: "links, rechtsch, links, gradto! Wenn 'ck nu nich henfinn!"

Neuer, aewer! In so'n Weltstadt, as Sagard noch mal warden will, sinnt blot ein Ingeburnen⁸ 'trecht. Ick güng ganz nah de Beschreibung: links, rechtsch, links, gradto un — dor stünn ick up Bumeister⁹ Pahl sinen Holtzof¹⁰, un de Kummie kem up mi los to störten un frog, wurmit he deinen künm.

"Je", segg ick, "um Bergewung, junge Herr, ick seih, ick

¹) Recht. ²) abrieth. ³) Beziehung. ⁴) gleich. ⁵) Thren.
⁶) biegen. ⁷) betete. ⁸) Eingeborener. ⁹) Baumeister. ¹⁰) Holzhof.

bün up'n Holtzof un up'n Holtweg dorto; wenn Se mi doch deinen will'n, wesen Se so god, un wisen Se mi nah Kopmann Bohmen."

"Mit Vergnügen", säd he, "woll Geschäftsreisender in Kolonial?"

"Ne" säd ick, "Vergnügungs-Reisender in Bisterniß."

He läd'te¹ mi denn von sinen Holtzof runne un von minen Holtweg bröcht he mi up den richtigen Weg, wedder links rüm, denn rechtsch un gradto, warrastig, dor stünn an dat eine Hus: Ludwig Bohm!

"Na, velen Dank, ick häd ahne² minschliche Hülp nich henfumen", säd ick to den jungen Sell³ und tred⁴ bi Bohmen rin.

"Gu'n Dag", säd ick to den Ladendeiner.

"Zu Diensten", säd he.

"Künm ick Herrn Kuhlhaf⁵ woll mal spreken?"

"Bitte", säd he un nödigte⁶ mi in dat lütte Lock⁶ rin, wat he Kontur neunen ded, "ich will sogleich 'rauslaufen und ihn holen."

"Danke sehr", säd ick, "ick will man solang in'n Laden bliwen, wat fall ick En dor noch in't Allerheilgste rinnepedden?"

"Bitte, bitte", säd he, verbindlich grinend, un dormit lep he af, un ick blew in'n Laden un tek in de Sep⁷ un Heringstunnen⁸, de dor stünnen, üm mi de Tid to verdrüwen.

¹) führte, leitete. ²) ohne. ³) junger Mensch. ⁴) trat.
⁵) nöthigte. ⁶) Lock. ⁷) hineintreten. ⁸) Seife- und Heringstommen.

„Kit“, dacht ick, „jo'n solten' Hiring is towilen² ganz god“, un had jo woll noch allerlei Betrachtungen aewer de Beister anstellt, dunn kem wat de Trepp dalstakt³ un 'rin in'n Laden.

„Oddo, Du?“ rep min Fründ Krischan in grote Upregung, denn ein Besäuk hier in Sagard was för em doch ein gruglich Ereigniß.

„Ja ick“, säd ick, „wirft Du Di wen anners vermoden⁴?“

„Dat grad nich, aewer wo kümmt Du in alle Welt her?“

„Je“, säd ick, dat segg man mal! Half dod; un verlopen hew ick mi ümmerto in dit Nest, denn wat hier Straten sünd, hew ick vör Höf' anseihn, wil dor mihr Hänner⁵ un Humm as Minschen 'rümlopen, un wat de Höf sünd, seg ick vör Straten an, un so kem ick in de Bisterniß un bün froh dat ick di endlich doch noch drapt⁶ hew.“

Un dorbi schowen wi denn beid nah haben⁷, ick vöran, obglük ick gornich Bescheid wüßt, aewer he had mi jo woll in sin Wunnern⁸ aewer den Besäuk ümmerto in'n Laden stahn laten.

„Hier nich rin“, säd he haben, as ick 'ne verkührte Dör apenmakte, „dor is min Stuw.“

Wi nu denn 'rin, ick vöran un plazirte mi up dat Sofa, denn nödigt had⁹ he mi doch nich.

¹) gefalzenen. ²) zuweilen. ³) herabgestolpert. ⁴) vermuthen.
⁵) Hühner. ⁶) getroffen. ⁷) oben. ⁸) Gewunder. ⁹) genöthigt hätte.

„Gottz Dunner!“ säd ick, as ick set, „is dat en Stück Arbeit, nah di hentofinnen.“

„Minsch“, säd he, „geht dat glük wedder mit Din abscheuliches Fluchen los?“

„Wo jo?“ säd ick, un wüßt gor nich, dat ick't dahn häd.

„Je, kümmt Du nich glük wedder mit'n Dunnerweder bi mi rin, grad so as in Berlin, wenn Du Dinen alldäglichen Kater hadst un mi nu toschwurst, dit wir dat lekt' Mal, dat Di dat passiren müßt? Hest Di noch gor nich betert¹?“

Dor wir denn de Moralpredigt wedder in'n Gang, grad so, as ick vörhen mit min Bein. Ick had aewer einen goden Kühr-di-an-nig un hörte² gor nich mihr hen bi em, wil ick dat of gor nich mihr anners gewennt bi em wir.

„Na Jung“, säd ick, „wur geiht Di dat denn up Dinen nigen Posten?“

Un nu güng't Bertellen los, wur em dat güng, un denn frog he, wur mi dat gahn had.

„Je“, säd ick, „Krischan, up't Lezt verdenwelt schlicht; Du weitst jo, de lekten twintig Dag in'n Mond³, ick had tum so vel, dat ick noch per Salomwagen standesgemäß nah Hus kamen künn.“

„Na, de Kneiperi was woll wedder dull in'n Gang, wat?“

„Je, as man't nimmt, Krischan. Toirst was ick inrig⁴

¹) gebessert. ²) hörte. ³) Monat. ⁴) eifrig.

in't Kolleg, aewer as mi dat dunn to dröhnig würd, schlog ick irst mal por Dag aewer un nahsten por Wochen, un schließlich was jo de Frühschoppen und de Lachs¹ dor to Einen so to Gewohnheit worr'u, dat dat nich mihr anners güng. Un denn! Ick segg Di, in'n „schwartzen Walsfisch“ is nu eine „Frieda“, Jung, ick segg Di“, un dorbi schmalzte ick orig² mit de Jung.

Na, nu was't Kalw in't Dg schlahn³. Nu füng he au, irst in'u allgemeinen un denn in'n besondern mi min sündhaftes Driven⁴ uteinander to fetten.

Ick hürte man half Uhr to un kramte up'n Disch mang sin Schriwels⁵ un sine Bänker rüm, de hier as Krut un Röhven⁶ dörrch einanne legen, denn he was bit Arbeiten to't Examen, un denn of bit Predigtmaken, denn Sünndag füll he, as ick hinweg⁷ lang hürte, för den ollen Paster Sabbel 'ne Predigt hollen.

„Jung“, säd he, „de verdammten Kneipen un de verdammten Dirs; wur oft hew ick Di dat seggt: lat dat; aewer . . .“

„Aewer?“ frog ick jo verluken, wil ick't eben noch hürt had. „Aewer“, säd ick, „wat sall dit? Hürt dit of mit to't Predigtmaken?“ Un dorbi hüß ick ein Kuwert in

¹) Bezeichnung für Bierstat. ²) ordentlich. ³) Redensart: nun war das Kalb ins Auge geschlagen. ⁴) Treiben. ⁵) Schreiberei. ⁶) Kraut und Rüben. ⁷) nebenbei.

de Hand, dat ick unuer all de Bänker un Schriwerien, ganz unne up'n Disch funn'n heb.

„Krischan“, frog ick, „wat sall dit? Wat bedüid't dit? Wat steiht dor up? Fräulein Margaretha . . .?“

Wider stünn dor nämlich nix up as dit un ein groten Dintenflux.

„Jung“, säd ick, „wat heit¹ dit?“ un schwenkte minen Fund hoch in de Luft. „Nu frag ick Di? Wat sall dit?“ Un dorbi futtraschirte² ick mit de anne Hand wider up'n Disch rüm un fund warrastig noch einen verunglückten Breisbagen, dor stünn of wat up: Geehrtes Fräulein Mar . . . mit en Dintenflux.

„Jung“, säd ick, „drivst³ Du sowat of? Ick dacht, Du schwävst⁴ in högere Regionen as unserein un nu is't richtig! Krischan, nu is de Reih au mi, to fragen, wat sall dit?“

Krischanen brok de Angstscheit⁵ ut, un mit mal stellte he sine Moralpredigten-Moehl⁶ af.

„Minsch!“ rep he, „Jung!“

Aewer ick sprung up von dat Sofa un lep in de Stuw herüm as ein Siegheld un hüß den Urteilspruch⁷ aewer den ollen Krischan hoch to Höchten.

„Oddo, ick bid⁸ Di!“

„Ach wat, bid Di? dörvst⁹ Du sowat of?“

¹) heißt. ²) fouragirte, suchte. ³) treibst. ⁴) schwebst. ⁵) Angstscheit. ⁶) Mühle. ⁷) Urtheilspruch ⁸) bitte. ⁹) darfst.

„Oddo, ick bid Di! So wes' doch nich so lud!¹ Wenn man dit hören ded!“

„Un wenn man dit lesen ded“, säd ick.

„Oddo, Oddo, so hör doch! dit is jo man blot . . .“

„Ach wat“, säd ick, „is jo man blot, hett sich wat to issen², dat is dat jo eben.“

„So hör doch blot, Du weitst jo noch gornich . . .“

„Weit“ all's“, säd ick, „blot noch nich ehren vullen Namen.“

„Oddo“, rep he wedder, as ick minen Triumfstog furtsetzen ded dörch de Stuw, un he jakte⁴ up 'n Stauhl dal, as wull he vercheiden. Dor satt⁵ he denn nu, half up'n Stauhl, as ein Klackierkanken, de ümstülpt ward un mit de ein Sid an de Pann⁶ fasthact is un mit de anne Sid so sachten uteinanneglitt⁷, un't künn einen schier duren⁸. Un't künn mi of duren.

„Krijschan“, säd ick, un stoppte vör em, „Krijschan, Du büßt doch noch ümmer so'n ollen Narr, as Du früher wirst. Nu, wur Du halfwegs up den Weg büßt, ein vernünftig Minsch to warden, sakt Di dat Hart⁹ wedder in de Büxen? Nu frigst Du dat wedder mit de Angst, dat Du wat Unrechtes dahn hadst? Du büßt doch sünsten jo klaut, aever in des? Sak büßt Du to dämlich un warst dat of woll bliwen. Nit mal hier in des? Biwel.“

¹) laut. ²) von „is“, ist. ³) weiß. ⁴) sank. ⁵) saß. ⁶) Pfanne. ⁷) auseinandergleitet. ⁸) dauern, leid thun. ⁹) Herz.

Un ick schlog em de Städ up: Es ist nicht gut, daß der Menich allein sei. „Du glöwst doch sünsten all's wat in dit Bank steiht, un grad dit vernünftigst Wurt willst Du nich glöwen?“

„Je, Oddo“, säd he ganz benaut¹ un mit'n deipen Süfzer², „ick wull dat jo of glöwen, aever dor steiht of: Es ist besser, wenn ihr bleibet wie ich, un dat seggt Paulus. Un so wüßt ick nich, wat ick dohn süll un schwencte³ twischen Bom un Bark⁴; aever ne, so'n Lütt godez, säntes Mäten, dat . . .“

„Haha, Krijschan, nu hör ick de Nachtigall pipen! Süh, wat so'n oll Junggesell, as de Paulus, is, de weit⁵ in dese Beteihung⁶ nich mittoreden un mittoraden⁷, an den mößt Du Di in dese Sak nich führen. Wat weit de von sowat. Aever mit so'n ranken⁸ Kirl as Du büßt, de lang 'nog 'rümmelopen is as en Pott ahn Stülp', mit den is dat wat anners.“

„Je, Oddo, 't steiht doch aever in de Biwel?“

„Ach wat“, säd ick, „steiht nich of in din Hart wat, un is dat luter Verbreken?“ Un nu bliwst Du dorbi un schriwst dese Gratulatschon farig¹⁰. Du kennst dat „Lütt säute gode Mäten“ doch woll all länger, un wat würd se woll

¹) kleinlaut. ²) tiefen Seufzer. ³) schwebte. ⁴) Baum und Borke. ⁵) weiß. ⁶) Beziehung. ⁷) mitzurathen. ⁸) schmuck. ⁹) lauter Verbreken. ¹⁰) fertig.



seggen, wenn Du ehr nich to'u Geburtsdag gratulirst? Is he hüt?"

„Ja, Oddo“, säd he langtoegsch¹, „wesen deht he hüt, aewer ne . . .“

„Na, wat nu noch aewer?“

„Ne, ne, wat süll se woll dorfo seggen, so dacht ick, un so denk ick; wenn se mi nu nich mag, wat würd se woll seggen, un denn de Dll; ne, ne, dat geht nich.“

„Doesbartel², wenn de Himmel inföllt, fall'n alle Sparlings dod; wat süll se Di nich moegen, en Pasterkannedaten nimmt jede girn. Hest Du denn noch gor nich so'n beten³ Gewißheit?“

„Minsch, wur fall ick woll!“

„Denn willt Di wat seggen: Du geihst hen un gratulirst ehr persönlich.“

Krischan sprung pil⁴ in'n En'n as hadt em vertellt, se hadden em to'n Papscht wählt.

„Minsch, büst Du uuklauf? Wat süll ick ehr seggen un wat süll se mi seggen?“

„Dat Du en Schapskopp büst, segg Du ehr mau; un wat se Di denn seggt, warst Du ja hüren. Is mi sowat vorkamen! Stellt de grot Paster sich au as en nigeuren⁵ Kalw. Sall se Di villicht hier up Dine Baud⁶ rücken un Di seggen, dat se Di mag?“

¹) langgezogen. ²) Dummbart. ³) bischen. ⁴) gerade. ⁵) neugeboren. ⁶) Bude.

„Ne, Oddo, aewer ick?! Un denn ehr Dll!“

„De Dll! de freut sich, wenn so'u tokünftig Paster künmt, un de Dllsch ward Di jo ok nich glik rute schmiten¹.“

„De Dllsch is dod, aewer de Dll is so'u ollen narischen Pötter².“

„Na, denn paßt he jo to Di. Un nu mak un tref³ di nobel an, ick kam ein En'n lang mit.“

„Ne, ne, wo geht dat woll.“

Aewer ick let nich locker un schließlich säd he: „Na, denn mit Gott, denn will ick schriwen; aewer sülwst hengahn — ne.“

„Na, denn schriw, aewer hier för mine Dgen, un ick willt woll henbesorgen, denn fünften⁴ kriggt se dat noch nich.“

Schworen Hartens⁵ verstümm he sich denn endlich dorfo, un nachdem he sich nochmal verschrewen had un noch einen nigen Breisbagen brukt⁶ had, wirt farig. Un as he mit inhännigen⁷ ded, säd he: „Aewer Oddo, seg ehr jo nix, jo nix wider⁸ von mi, wat süll se woll denken.“

„Ward alls all besorgen“, säd ick; un dormit sackte⁹ ick af, un Krischan blew up sine Stuw un schweite¹⁰, as wenn he 'n mägliches¹¹ Verbreden dahn had, un nu ein fürchterlich Wedder aewer em heruppetrecken ded.

¹) schmeißen. ²) sonderbarer Mensch. ³) zieh. ⁴) sonst. ⁵) schweren Herzens. ⁶) gebraucht. ⁷) einhändige. ⁸) weiter. ⁹) ging ab. ¹⁰) schwitzte. ¹¹) mächtiges.

Dat tweede Kapittel.

Wer se, Fräulein Margarethe, is, un worüm se sich roth anstecken¹⁾ ded. He is gor nich so, ick mein den Allen.

Ne, wur ick mi vörkem. Eben was ick irst in dit Nest herinnerarjolt, un nu spelt ick all Breiwdräger, un wat för einen! Na, dacht ick so bi mi, ok en Posten. An Fräulein Margarethe Buchholz, un twors²⁾: Einen herzlichen Glückwunsch zum heutigen Tage. Ja, ja, so'n Pasterkannedaten, den trug³⁾ man einer. Ni in sin Lewen had he bither⁴⁾ von Mätens wat hören wullt. Dat't ok wek gew⁵⁾, had he ni hören wullt, un dat man sich in ein lütt Mäten verleiven⁶⁾ künn, na! dormit häd em Einer kamen sullt! Un dat he sich mal in Ein verleiven süll, na, wer em dat tomauden⁷⁾ ded, den had he jo woll dodischlagen. Un nu was't richtig, ahn' dat Einer em toraden had, ganz von sülwst. All sin Reden un Dohn, all sin bumbenfaften Grundsätz, von de he uns as Student noch so oft wat to'n besten gewen had, wiren upfludert⁸⁾ as 'ne Strohmieth, nu, wur dit „lütt sänte Mäten“, as he se mi beschrewen had, mit ehren Blick em dor mal 'rimmekelen had. Ja, so'nen Theologen! Krijschan, Krijschan, wur oft hew ick Di seggt, dat kümmt mal en Uemschwung, aewer du wullst mi nich glöwen un hest mi verstött⁹⁾ as de

1) ansteckte, erröthete. 2) zwar. 3) trau. 4) bisher. 5) daß es welche gäbe. 6) verlieben. 7) zumuthete. 8) aufgefackert. 9) verstoßen.

Juden ehre Profeten. Nu was de Uemschwung dor, un nu müßt de Deuwel mi ok noch grad to rechte Tid herannekarren, süß¹⁾ had he't jo woll noch nich aewer sin Hart kregen, den irsten Schritt to dohn, ein vernünstig Wünsch to warden. Ne, so abelsch²⁾ un ungeschickt as sither, was he noch ümmer, aewer he was doch all sihr to Beterung³⁾, denn he was gruglich verleiw, so vel had ick rut.

Aewer, wat se woll was! Fräulein Buchholz! Hm, säd ick to mi, in Berlin hew ick't oft hört: Sie kennen Buchholzen slau, un so güng mi dat warraftig nu. Na, wi willen em schon krigen.

Un dormit frog ick einen lütten Bengel, ob he mi nich seggen künn, wur Herr Buchholz wahren ded, denn in de Upregung had Krijschan mi ganz vergeten to seggen, wur se wahren ded, un ick had ok gor nich an dacht; un ümführen wull ick ok nich, wil't jo nich god sin fall.

„Je, Herr“, säd de Jung, „wenn Se „rik⁴⁾ Buchholz“ meinen, de wohnt dor an't Enn von de Strat, dat leht' Hus, dor wur de Schaffsch anföngt.“

„Na, denn man to“, säd ick, „also rik? Süh, kük!“ un stürte⁵⁾ drup los.

Ick had dat Hus ok bald erreicht. Also unter diesem Dach, säd ick to mi, as ick dorvörstünn, ruht all sein Wohl und Ungemach. 'T was ein allerliebft Hütschen⁶⁾, sauber un

1) süß. 2) albern. 3) Besserung. 4) reich. 5) steuerte 6) Hütschen.

nett, un ein lütt nett Goren rings 'rüm. Süh, wenn se eben so hüdlich un nett lett¹, as ehr Hus, denn gratulir ick di of, Krischäning, denn heft du doch mihr Geschmack, as ick dacht hew. Ja, so'u Pasterkannedat, wat dor all iustekt.

Ich güng dörch de Gorenput² un in de Husdör³ 'rinne in't Hus. Ein oll Deiner kam mi entgegen un frog nah min Begehr.

„Künn ick Fräulein Margarethe Buchholz woll up en Ogenblick spreken? Ich hew ehr 'ne Bestellung to maken.“ Denn ick wull ehr dat persönlich gewen, irstens, dormit se dat of wirklich un richtig kreg, un tweitens, möt ick man ingestahn⁴, ick was doch wat niglich⁵ up Krischaneu sine Uterwählte un wull ehr, wenn't jichtens to maken güng, doch mal seihn.

„Ja“, säd de Deiner, „willen Se hier einen Ogenblick 'rinnegahn, ick will ehr furtjen⁶ ropen, se is haben up ehr Stuw“, un dorbi make he mi denn eine Stuwendör up un nödigte mi rin in de Stuw. Ich müßt em woll markwürdig⁷ frömd vörkamen, denn he kek mi ümmerto von haben bit unuern an, aewer he lep doch schließlich af; un ick stünn allein in de Stuw.

Of hier seg⁸ dat all'ns sihr sauber un nett ut; all'ns in beste Ordnung un fast nobel inricht⁹. „I is woll dat Staatsstimmer“, säd ick so to mi.

¹) läßt. ²) Gartenputte. ³) Hausthür. ⁴) eingestehen. ⁵) neugierig. ⁶) sofort. ⁷) merkwürdig. ⁸) sah. ⁹) eingerichtet.

Aewer nu irst up den Disch, wat för sine Saken! All's woll Geburtsdagsgeschenke, säd ick bi mi. Du fik, 'ne grote Tort, na, de dörrw jo an'n Geburtsdag nich fehlen; 'ne Busen-nadel, 'ne Schleus¹ — von Sid² sogor, nu fik mal; Por Hanschen³, en nigen Haut⁴, all'ns mögliche Saken; för't Unnödige schint se nich to sin, de paßt grad för di, Schoening! Ja, du olle Klas, hadst du ehr nu doch of ein Por Hanschen schenkt, oder so'ne Busenschleus, oll Fründing . . . Dunn güng de Dör up un — Fräulein Margarethe kem rin. Dat sach ick glif, dat was se.

„Den Dunner!“ had ick all up de Lippen, as ick ehr ansichtig würd, denn füll mi noch to rechte Tid in, dat ick jo von einen tokünftigen Paster schickt was un sot⁵ mi.

„Entschuldigen Sie, mein Fräulein“, säd ick un stellte mi ehr vör, „ich komme im Auftrage meines Freundes Christian Kohlhaas“, um Ihnen hiermit seine Gratulation zum heutigen Tage zu überbringen“, un dormit aewerreichte⁶ ick ehr dat Schriwststück.

Du wir ick aewer binah doch mit min Dunnerwedder ruteplatzt; wur roth stiekt⁷ se sich an bi sinen Namen! Hier was't also of richtig, dat markte ick sofurt⁸; denn dat Rothwarden müßt doch woll sin Bewandniß hebben un mi würd klor, dat se bi em sinen Namen doch woll wat denken un fählen müßt. Wat had se süß roth to warden?

¹) Schleife. ²) Seide. ³) Handschuhe. ⁴) neuen Hut. ⁵) sagte. ⁶) überreichte. ⁷) steckte, erröthete. ⁸) sofort.

Se maakte dat Kuwert apen¹, les de por Wüird, de dor up den Breisbagen stümm'n, sticte sich warrastig wedder roth dorbi an, denn ick tek nipp² to, as se't lesen ded, un bedankte sich bi mi „vielmals“.

Ja, dacht ick, dat ded ick of in dine Stell.

Un dormit nödigte se mi denn, doch einen Ogenblick Platz to nehmen, „Papa würde auch gleich erscheinen“.

Na, dacht ick so bi mi, den will ick jo eigentlich gornisch sprekken, aewer twei Fleigen³ mit ein Klapp, schad't jo of nix, un du orientirst di doch glik genau.

Ick säd denn: „Hoffentlich störe ich nicht?“

„O nein, bitte, heute am Geburtsttag stört der Besuch zu keiner Zeit.“

Ein Glück, dat de Dll 'rinkem, sünften⁴ had ick noch ein Gespräch anfangen un schließlich doch noch mihr seggt, as Krischan mi anbefohlen had.

De Dll kem also rin in'n langen Schlaprock un 'ne Pip in'n Munn. Se stellte mi em vör: Der Freund des Herrn Kohlhaas' bei Onkel Bohm“.

Also dat was de Dll, ehr Dll un min Fründ sin toekomstig Schwiegervadder. Na, wenn Krischan mi den as so'n ollen sonnerboren⁵ Pötter beschrewen had, so künn ick dat grad nich sinnen. He had denn hüt woll sin god Müß up, denn he nödigte mi wedder to'n Sitten, rep Friedrich, de müßt 'ne Buddel Rothspohn un Cigarren bringen, un ick müßt mi

¹) offen. ²) genau. ³) Fliegen. ⁴) sonst. ⁵) sonderbaren.

eine austicken, obglik ick Sperenzen¹ maken ded un säd, dat güng woll nich, in dese sine Stuw to qualmen. Aewer he sticte sich of eine an, sette de Pip in de Eck un schenkte uns drei ein Glas Win in.

Na, dacht ick, dit geiht; wenn't in Sagard aewerall jo gemüthlich togeht², denn lewt sich dat hier jo ganz nett; Krischan, wat büßt du för ein Klas west!

Wi stödden³ nu an, ick mit den Dllen un mit Frölen Grete, un ick erlauwte mi up dat Wohl von dat Geburtsdagskind to drinken. Un as wit 't Glas wedder dalset't⁴ hadden, güng't Reden los von dit un dat un natürlich of von Krischan. Worüm de denn woll nich einen Ogenblick had kamen künn, säd de Dll.

„Je“, log ick un säd ick, „he dacht woll, he würd stören⁵.“

„Ja“, säd de Dll, „he is ein sühr rücksichtsvullen jungen Herr; ick hew em öter all bi mineu Schwager Bohmen drapt⁶, he is ein recht verstännigen Wünsch un hett of nich mihr so vel Trödel in'n Kopp, as süß de jungen Lüd.“

Haha, dacht ick, Krischan, hörst du?

„He het mi ümmer sühr god gefallen“, red'te de Dll wider.

Ja, dacht ick, mi of, besonnens hüt.

Un Frölen Grete, de dat Reden von den Dllen jo allens

¹) Einwendungen. ²) zugeht. ³) stießen an. ⁴) niedergelegt. ⁵) stören. ⁶) getroffen.

mitanhürte, sticte sich hierbi wedder knallroth¹ an, as de Dll säd, he had em gefallen; 't kem aewer woll von de Hitt², denn wi hadden hüt recht schönes, warmes Augustwedder.

„Predigt hett he jo ok all“, säd de Dll, „un hett sihr anspraken.“

„Denn kann er“, säd ick, „hier möglicher Weise mal die Pfarrstelle bekommen, denn der alte Herr Pastor ist ja wohl schon ziemlich kränklich, wie ich gehört habe.“

Un Frölen Grete glängte³ wedder up, as ick se hierbi anke⁴; wat had ick ok to kiken.

„Ja“, säd de Dll, de Paster hier hölt' woll nich lang mihr ut, un wenn he sich denn üm de Stell bewarvt⁵, geht j' em woll nich fläuten.“

So red'ten wi denn ämmerto von Krijschan, un ein Bird kümt marken, dat de Dll em sihr gewogen was, blot min Fründ Krijschan had't in sin Unschuld oder in sin Schuldbewußtsein, as ick woll beter segg, nich markt⁶. Ick drüink denn min Glas ut, un as't grad Middagstid wir, empfohl ick mi. „Un bestellen Se ok einen Gruß von mi an Herrn Koblhaaf, un he süll sich man mal bi Gelegenheit seihn laten⁷“, säd de Dll to mi, as ick ut de Dör gahn wull.

„Und von mir danken Sie, bitte, herzlichst wieder“, flusterte mi Frölen Grete bi de Husdör noch to un lep dunn iligst⁸ weg, denn se had sich woll wedder roth anstickt.

¹) dunkelroth. ²) Spitze. ³) glühte. ⁴) ansah. ⁵) bewirbt. ⁶) gemerkt. ⁷) lassen. ⁸) lief eiligst.

Also herzlichst? wull ick noch fragen, dunn was se aewer all de Trepp halw rup.

Na, säd ick, as ick buten was, to mi, nu kennen wir aber Buchholzen. Aewer dese oll Krijschan is doch ein reinen Doeskopp, se is ganz amiers. Wenn 'ck dat blot bewarftelligen künn, dat ick em mal so orig¹ mit ehr allein tosam bringen künn!“

Un dorbi ke² ick haben nah ehre Gewelstuw³ ruppe. Ehr Finster dor haben stümm apen⁴, dat de schöne warme Augustluft herinnetreken⁵ süll un dor — eben ke⁶ se net Finster, un ick grüßte nochmal herup, dunn was se ok all wedder weg, denn se was sich woll nich vermoden west⁷, dat ick dor 'ruppe kiken würd. Dummerwedder! rep ick Inbhalf, wenn ick Krijschan dor so herinnebugsiren künn. Un ein Gedank⁸ schöt⁹ mi dörch den Kopp, ein richtigen Galgenknep⁷. Dor stümm 'ne Ledder⁸ an't Hus, de Lun⁹ ün't Hus was ok nich hoch — „Heureka, ick hew't!“ rep ick vergnängt, so möt' kamen, Krijschan, du fallst mi schon, ick will di schon to'n Minschen maken, un wenn du in din ganz Studententid kein Knep¹⁰ utführt heft, nu fallst du ran!

Un somit güng ick nah Krijschan sin Stuw torügg. As ick ankem, würd grad to'n Middageten ropen, un ick müßt miteten¹¹, wat mi ok ganz leiw was, denn ein Student nimmt girn allens mit, wat he för un süß¹² kriegen kann.

¹) ordentlich. ²) Giebelstube. ³) offen. ⁴) hineinziehen. ⁵) vermuthen gewesen. ⁶) schoß. ⁷) Galgenkniff. ⁸) Leiter. ⁹) Baum. ¹⁰) Kniffe, Streiche. ¹¹) mitessen. ¹²) umsonst.

Dat drütte Kapittel.

Wat se seggt hett, un wat Kriſchan ſäd. Em is ſo ſunrig¹, un id fall pipen un will of.

Nah Diſch ſeten wi beid haben up Kriſchan ſin Stuw un rokten 'ne Cigarr, de Herr Bohm uns offerirt had; denn eine rokbore Ort² had he.

„Na Oddo, wur is't aflopen?“ ſäd Kriſchan, un de Nigird³ un Ungeduld lücht'ete em man ſo ut de Dgen, „un wat ſäd se?“

„Je, Kriſchan, vel het se seggt, un wur't aflopen is? Veter, as Du Di dat ſichtens⁴ hadst drömen laten künnt.“

„So red doch blot, wat ſäd se?“

„Na, denn hör: Se bedankte ſich irstens „vielmals“, un tweitens ſäd se, ick süll Di „herzlich“ von ehr grüßen, verſteht Du? „herzlich“ ſäd se. „Vielmal“ un „herzlich“ hett se seggt.“

„Un dat is allens, wat se seggt hett?“

„Je, Du büßt denn doch ein wohren Klas, is di dat noch nich 'nog⁵? De twei Würd' würden ein annern Minschen schon to'n Gedicht begeistern un Di is dat noch nich 'nog? Ne, Kriſchan, in den Paſterikramt magst Du klauk ſin un

¹) ſonderbar. ²) rauchbare Art. ³) Neugierde. ⁴) irgend. ⁵) genug.

Bescheid weiten¹, aewer in Leinwgeſchichten, warrastig, dor büßt Du ſo doemlich as ein nigeburen Kalw.“

„Ja Oddo, dat seggst Du woll, wur fall ick dat of herhebben². Na, hett de Dll denn gorniz seggt?“

„Zerst recht, segg ick Di, hett de wat seggt, un twors³ irstens, dat Du em gefallen hadst un tweitens, dat Du em bi Gelegenheit doch mal besäuten⁴ fullst, verſteihst Du, wat dat seggt?“

„Ja, Oddo.“

„Ne, Kriſchan, dat verſteihst Du of nich, süß müßt Du vör Freund nu an de Deck springen un nich ſo dorſitten mit ein Geficht as so'n Lohgarwer⁵, den alle Fell wegdrewen⁶ sünd.“

„Je, Oddo . . .“

„Ach wat, Kriſchan, Du büßt to unbedarft⁷; un nu segg mi mal ein: Hest Du dat Mäten wirklich leiw, ſih leiw?“

„Ja, Jung“, sohrte⁸ he los as ein Bullenbiter⁹, „ja, ſo leiw! Aewer wur fang ick dat blot an, dat ick ehr dat seggen doh?“

„Dat's en Wurt, Kriſchan, un nu hör¹⁰, Du gehst einfach hen nah ehr un verflorft¹¹ ehr alls, un denn giwst Du ehr en Ruß, un se giwt Di einen wedder, un dormit is de Sak in'n Mores, un Zi sünd Brutlüd¹².“

¹) wissen. ²) herhaben. ³) zwar. ⁴) besuchen. ⁵) Lohgerber. ⁶) fortgetrieben. ⁷) unbeholfen. ⁸) fuhr. ⁹) Bullenbeißer. ¹⁰) höre. ¹¹) klar machen. ¹²) Brautleute.

„Mensch, wur güng dat, Du büßt woll nich klauß, wat redst Du von Küssen un Brutlüd!“

„Na, nu schlah¹ Einer lang dal! Wat ick von Küssen un Brutlüd red? Büßt Du denn so dämlich, dat Du noch nich weißt, dat ein Kuß dorto gehört, as ein Siegel unner den Breiw? Hett nich Isaaß sin Rebekka küßt, as he ehr to seihu kreg², un ehr Sak³ in'n Kloten was? Dat steiht doch in de Biwel, also — wullst Du Di schugen⁴ to dohn, wat dor steiht un wat dor dahn is?“

„Ja, Oddo, Recht heft Du, aewer dat was doch of wat anners.“

„Dor heft Du of Recht, wat anners was dat: He was ein Jud un Du büßt ein Pasterkannedat . . .“

„Ne, ick mein mit dat Küssen.“

„Je, dor heft Du nich Recht, dat was nix anners, as dat nu mit Di sin fall, denn he had mit ehr noch nich wider dorowewer redt, un Du heft noch nich mit ehr dorowewer redt, un ein Kuß gehört dorto, as Du an der⁵ Geschicht seihn kannst, wenn de Sak vullständig⁶ sin fall un en richtigen Abschluß hebben. Wat? schugst⁷ Du Di, so'n lütt schmuck Dirn en Kuß to gewen? Denn will ick't för Di dohn un paß up . . .“

„Ne, Jung, dat will'n wi doch man lewer sin laten?“

„Je, wat redst Du denn noch?“

1) schlage hin. 2) bekam. 3) Sache. 4) scheuen. 5) vollständig. 6) scheust. 7) lassen.

„Je, Oddo, wur geht dat blot an, dat is mi all so nig¹, so jurrig, ick weit nich, wur ick seggen fall.“

„Na, ick will Di ein seggen, willst Du mineu Rath nu folgen, denn paß up, dat geht; dat geht, seg ick Di, un Din Sak kümmt in'n Kloten.“

„Na?“

„Güt Abend, Klock halv negen, gahn wi beid hen, un Du . . .“

„Oddo, wat redst Du, det Abends, in'n Düstern, as so'n Röwer?“

„Je, dat verstehst Du nu wedder nich. Dat is de best Gelegenheit, un de All jäd jo, Du füllst bi Gelegenheit mal henkamen.“

„Ja, aewer in'n Düstern, un ick as tokünftig Paster.“

„Dat lat min Sak sin, ick segg Di, dat geht, un paß up, dat geht ganz licht², denn ick kann Di dat seggen, se mag di sihr girn liden⁴.“

„Ist mäglich? Wur kannst Du dat weiten⁵, wat ick noch lang nich weit?“

„Mensch, nich vergew's hew ick mal Romanen lest, un dit hier, dat müßt jo ein Klas sin as Du, de dat nich up den irsten Blick marken⁶ ded.“

„Na, ick hew dat noch gornich markt.“

„Ja, mit Di geht dat, as mit alle Berleiwten, mit

1) neu. 2) häuber. 3) leicht. 4) gerne leiden. 5) wissen. 6) merkte.

sehende Dgen kün se nich sehn, un wur se ehr Glück mit Lempel¹ eten können, dor stahn se un kluun² sich in de Hor³ un sehn den schönen Honnig nich in'n Bott, in den se den Lempel blot rinneftippen⁴ brufen, üm in Seligkeit to schwelgen. Un nu segg ick Di nochmal: Hüt Abend kümmt de Sak to'n Schwur, wenn Du mi folgen dehst, un Du fallst von ehr sülwst dat to weiten kriegen, wat Du noch nich weistf."

Nah vel Pratedemen⁵, nah vel Reden, nah vel vel Berfloreu was denn Krischan of dormit inverstahn, hüt Abend mit mi to kamen. Wat ick aewer in'n Kopp had, dat wüßt de oll Knaw noch nich, denn dorvon was ick fast aewertügt⁶, häd ick em min eigentlich Afficht mitdeilt⁷, he wir ni mit mi kamen. Un ick dacht so: Hest Du em man irst buten, un up dat Flag⁸, wur't los gahn fall, denn sinnt sich dat anue of all. Mi sülwst was dat eigentlich of noch nich recht flor, woanz⁹ ick em mit ehr tosam bringen sull, aewer ick dacht mi dat so un so, un wenn't so güng, as't süll, müßt't god gahn. Dorto had ick doch of schon manchen lustigen Studentenstreich utführt, de of irst ganz unmoeglich schinte, un nahsten doch glatt von'n Stapel lopen was, as dat mi nu de Gedanke kamen süll, dat sich dat nich würd maken laten.

Ich orientirte mi denn nu au'n Nahmiddag noch mal aewer dat Flag, wur ick minen Triumpf aewer Krischan sin

¹) Löffel. ²) raufen. ³) Haare. ⁴) hineintauchen. ⁵) Predigen.
⁶) überzeugt. ⁷) mitgetheilt. ⁸) Stelle. ⁹) wie.

Doemlichkeit feiern wull, un Krischan was den ganzen Dag aewer in so'n Upregung as vör sin irst Predigt.

„Oddo“, säd he so gegen Schummerabend to mi, „will'n wi nu noch nich gahn? Dat is nu wenigstens noch nich ganz düster.“

„I geht noch nich“, säd ick, „halw negen gahn wi af.“

„Aewer wat denkt Herr Bohn, wenn ick denn noch furtgah'?"

„Lat² em denken, wat he will, schuw³ Du man alle Schuld up mi, segg em man, wenn he wat seggen sull, wi wullen Wedderseihu feiern un güngen to Martens in de „goldue Süm.“

Dor hülp em nu alles Wedderreden⁴ nig, ick let nich los. Un ick wull em jo to girn behülplich sin to sin tokünftig Glück, denn wenn he sich sülwst aewerlaten blew⁵, würd he oft un folt in sinen Unverstand.

So togen⁶ wi denn beid üm halw negen af.

„Oddo, Oddo, up wat för Weg führst Du mi!“ säd he, as wi de Strat nah ehr Hus dalgüngen.

„Schapstopp, sühst Du nich, dat dat ganz de richtige is? Dor liggt jo ehr Hüschchen. Kik, dor bawen dat Gewel-sinster⁷, dat is ehr Stuw, un dor is se jo of, denn se brennt jo Licht. Un kik, dat Fenster steht noch apen⁸, se will de

¹) fortgehe. ²) Laß. ³) schiebe. ⁴) Widerrede. ⁵) überlassen
blieb. ⁶) zogen ab. ⁷) Liebelsfenster. ⁸) offen.

schön frisch Luft noch rinnehebben un sünst noch wat. Wur verstännig se is, de frische Abendluft rintolaten¹."

„Ein lütt säutes Mäten“, süßte Krischan.

„To 'ne Pasterfrn as geschaffen, Krischan“, säd ick, „dat glöw mi; aewer nu mößt Du kladdern², hier flink aewer desen Tun³.“ Un dormit was ick all raewer.

„Minsch, wat sall dit? Wur geht dit? Worüm gahn wi nich as ihrliche Lüüd⁴ dörch de Dör? Hier kam ick nich mit.“

„Jung, so red doch nich so lud⁵. De Dör knarrt so, un't brukt jo keiner to hören, wat wi hier willen; stehlen un röwern⁶ will'n wi jo nich, 't geht allens ihrlich to un nu kumm.“

„Ne, dor kam ick nich mit.“

„So schwig⁷ doch still“, flustert ick; wenn se hier so lud reden hört, makt se dat Finster noch to, un denn sünd wi üm all unj' Bött, dacht ick so bi mi.

„So kumm doch“, flustert ick wedder, as he ümmerto Sperenzen makeu ded, „dat sall jo 'ne Newerraschung för ehr fin un paß up, dat ward ehr gefallen.“

Na, so kem he denn aewer den Tun, langsam as de düre Tid⁸, aewer he kem doch.

„So, Krischan, nu töw⁹ twei Sekunden, bit¹⁰ ick de

¹) hineinflassen. ²) klettern. ³) diesen Zaun. ⁴) ehrliche Leute.
⁵) laut. ⁶) räubern. ⁷) schweige. ⁸) theure Zeit. ⁹) warte. ¹⁰) bis.

Ledder anset't¹ hew un verhol² Di ganz ruhig.“ Ick künn in'n Düstern dat Gesicht seihn, wat he upset't had; so lang trof he dat, as wull't em uteinannegleiden³, as he min Anstalten mitankiken ded.

So, nu had ick glücklich un ganz, ganz lising⁴ de Ledder anset't un grad bit an't Finster langte⁵ se. Wenn se dor haben nu man blot de Luf nich tomakte un Krischan hier unne nich wedder Sperenzen, denn was de Sak in'n Gang.

„So, Krischan“, säd ick ganz lising, „nu fix de Ledder rup! Se erwart't Di dor haben, un ick paß hier unne up de Ledder un pip, wenn wen kümmt, dat Du Di to rechter Tid ut den Stohm⁶ makeu kannst.“

„Minsch, Minsch, wur güng dat woll“, flustert he, „ick as tokünftig Paster un so wat?“

„Bangbüx, ick paß jo up. Denk man, Du stegst up de Kanzel un fih'r Di an wider nix, dat anne besorg ick.“

„Oddo, Oddo, wat redst Du, wat möt se seggen.“

„Se töwt jo up Di, ick säd ehr, Du würdst ehr mal aewerraschen“, log ick flink, as he ümmerto nich wull.

„Minsch, dat geht nich, uee . . .“

„Na, denn nich“, säd ick, un ded so, as wull ick weg-gahn.

„Ne, ne, denn lat. Ick will jo, aewer ne! Oddo,

¹) angelegt. ²) verhalte. ³) auseinandergleiten. ⁴) leise. ⁵) reichte.
⁶) aus dem Staube.

Oddo, un dormit set'te¹ he denn schon den einen Bein up de Ledder.

„So“, säd ick, „ganz lising, un wes² man ruhig dorbi, se erwart't Di jo, un ick paß up.“

„Aewer Oddo, Oddo, Herre ne.“

„So mak doch, sünt ward dat to lat³.“

„Na, denn helpt dat nich, aewer pip of, wenn wen kümmt.“

Un dorbi fat'te⁴ he sich ein Hart, wil he müßt, un steg rup.

„Aewer pip of“, flüstert he nochmal.

„Ward allens besorgen“, flüstert ick un rep em noch nah:

„Mak Dine Sak god, un ick pip.“

Dat vierte Kapittel.

Ja, nu pip! Dat Krischan as en Brümmer rinneburrt⁵, un se as Fru Lotten dorstüin; aewer dat gidwt sich. Wur Krischan „auf Freiers Füßen“ sich makt.

Eben was ick mit min Reden dörch, un eben steg Krischan in't Fenster rin, un ick dükerte⁶ mi in't Gebüsch torügg, dunn — heiliger Strohsack! kem of grad all wen achter üm't Hus rüm un grad up de Ledder to.

„Wat was dit? Hew ick recht hört? Pipen? Sak god maken?“

¹) setze. ²) sei. ³) zu spät. ⁴) faßte. ⁵) hineinfliegt. ⁶) tauchte, duckte.

Herr du meines Lebens, dacht ick so bi mi in'n Gebüsch, dat is jo warraftig de Du, möt de Deuwel den of grad hier herfaren, wir de eine Minut ihrer¹ kamen! Na, ick segg, bi all's Unglück is ümmer doch noch ein Glück bi! Se, nu pip!

„Den Dunnerwedder, wat het de Ledder hier to stahn? Hier de Ledder? Dor haben in't Fenster rin? Un denn pipen? Herr du meines Lebens! Friedrich, Friedrich! Dew², Dew, Röwer, Mörder!“

Un ludhals bölkte³ he nah Friedrichen; un ick müßt in min Bersteck fast ludhals lachen.

Friedrich kem üm de Eck gerünnt: „Wat is los, Herr? Wat sall Ehr Ropen⁴? Un baff prallte he torügg, as he de Ledder gewohrte un finen Herrn von Dew un Röwer reden hörte. „Herr du meines Lebens, wat saelen wi dohn, Herr? Sall ick nahstigen⁵ oder nah de Polezei lopen? Un dat arm Frölen dor haben, wenn se de nu wat dohn? Wenn se de berowen⁶ oder murden? Herr, bewohr uns, wat saelen wi dohn?“ Un ganz in Bertwiflung wräng⁷ he de Hän'n.

„Un wenn Du nahstigt“, säd de Du, „wat füll dat, füllen se Di am En'n of noch murden? Un min Tochter dor haben, min Döchting!“

„Herr, ick will de Ledder wegnehmen, den können de Dew nich wedder 'runne, un denn störmten wi in de Stuwendör 'rinne un faten⁸ se; wat meinen Se dorto?“

¹) eher. ²) Diebe. ³) schrie. ⁴) Ihr Rufen. ⁵) nachsteigen. ⁶) berauben. ⁷) rang. ⁸) fassen.

„Ja, ja, Friedrich, man to, nimm de Ledder furt un geh lising nah'n Bähn¹, dor haben hängt noch so'n oll Pistol, aewer ick hew kein Pulwer, Herre Gott! un mit de stell Di solang vör de Dör, bit ick wedder kam, ick lop nah de Pölezci.“

Un dormit lep de Oll af, un Friedrich schlepte mit de Ledder furt², un ick set in 'ne Hut in min Gebüsch un wüßt nich, ob ick lachen oder pipeu süll. Un schließlich dacht ick, he is jo ein Pasterkannedat, un — kann 'e dit, kann 'e dat, dorvon heit dat jo Kannedat, he ward schon 'nen Utweg finnen.

Aewer wat min leiw Fründing was, de dacht gor nich an einen Utweg. Frilich toirft, as he wi so'n dägten³ Brümmer in't Fenster rinneburrt was un nu vör sine Leiwste stünn as 'ne Mügg⁴, de sich in'n Licht de Flüchten⁵ un de Schmut versengt het, un he nich „ja“ un nich „ne“ sich to seggen trugte⁶, dunn brok⁷ em de Angstschweit⁸ ut, un he dachte, hadst du blot irst wedder Land unner din Bein, denn se stunn em of as 'ne versteinerte Fru Lotten gegenaewer; aewersten dese Verfating⁹ durte¹⁰ nich lang. De steinern Bildsäul dänhte¹¹ up un würd as lewig¹², un de Brümmer füng of an mit de Flüchten to wuppen¹³ un to burren un — woans he dat ansongen hett, weit ick hüt noch nich, denn,

¹) Boden. ²) fort. ³) tüchtigen. ⁴) Mücke. ⁵) Flügel. ⁶) getraute. ⁷) brach. ⁸) Angstschweiß. ⁹) Verfassung. ¹⁰) dauerte. ¹¹) thaute. ¹²) lebendig. ¹³) heben.

wenn ick em dornah frog, säd he blot ümmer: „Ich häd mi dat doch ganz amers dacht“ — dat kem, as dat kem, de Brümmer sat¹ nah 'ne korte Wil² de updäuh³ Bildsäul an den Münding⁴ un schlog sin Flüchten ruuding üm ehr, un se wiren jo woll beid tofamschmölt⁵, — dunn kem denn so'n follen Waterstrahl mang en.

„O Gott, Christian, da kommt jemand die Treppe hinauf!“

Un Krischan schlog noch schnell mal de Flüchten üm ehr un wuppte noch mal an ehren Mund — denn dat müßt em un doch woll klor worden sin, dat dat dorto hören ded, un he störte⁶ an't Finster un —

„Herr du meines Lebens! Gretchen, Gretchen! Die Leiter ist fort!“

Un blaß as de Kalk an de Wand prallte he torügg von't Finster un wedder in ehr Arm: „Ich bin entdeckt, verloren, verloren, Geliebte . . .“

Aewer was⁷ Krischan verluken, se was dat nich. „Still, still, Geliebter! hier schnell, schnell hinter die Portiere!“

Un blickschnell schubste⁸ se em dor achter, namm⁹ ein Bank¹⁰ in de Hand, un in den Ogenblick sat se of all up'n Sofa, un — ganz as dat 'ne tokünftig Fru Pastern tokümmet, — ganz „vertieft in Andacht“ set se dor — dunn würd de Dör apenreten¹¹, un herin störte de Oll.

¹) saß. ²) Zeit. ³) aufgethaute. ⁴) Münd. ⁵) zusammengeschmolzen. ⁶) stürzte. ⁷) war. ⁸) schob. ⁹) nahm. ¹⁰) Buch. ¹¹) aufgerissen.

„Min Kinding, min Döchting, lewst Du noch?“

In Friedrich un ein Polezist platzten of herin, as wiren se ut de oll verrustet' Pistol heruteschaten¹, de Friedrich in de Hand schwiing, as wir he ein wilden Indianer.

Kewer — as wiren se all drei gegen 'ne Gummiwand rönnt, so prallten se of glik wedder trügg, as se Frölen Margarethe so ruhig un unverehrt, blot ein beten roth — dorfsitten segen, un kein Köwer un kein Dew to sehen was.

„Wo, wo sünd de Kirls, de Dew“, repen se all drei, un se wullen jo wull all in't Schapp tokiken un hinner de Portiere un unner't Sofa, un Krijschan het mi nahsten vertellt, sin Hart häd hamert² hierbi as 'ne Schmäd³, un he wir sich as 'en Murbrenner vörkamen; — aewer de tokünftig Fru Pasteru namm de Toegel⁴ in de Hand, sprung up von't Sofa, stellte sich vör de Gardin un rep, wat se wullen un wat los wir?“

„De Köwer, de Dew willen wi.“

In ehr Vadder stürte up ehr los: „Min Döchting, de Dew, dor möten Dew in de Stuw fin; de Ledder dor unnen un pipen . . .“

Dunn was ehr, as güng ehr ein Licht up.

„Badding, de Dew, mit de hew ick mi all allein affinnen, un nu gahst mau wedder, 't is alls all in Nichtigkeit.“

„Dat verstah de Kukul“, säd de Polezist, un trof af

¹) herausgeschossen. ²) gehämmert. ³) Schmiede. ⁴) Bügel.

un Friedrich achter an, „denn sünd se nu woll in den Keller oder noch in den Goren¹.“

In warrastig güng dat Gesänk von de beiden in'n Goren los, jeder mit 'ne Lucht² in de Hand, un ick müßt mi man ut den Stohm maken, süß wiren se mi noch up de Hacken kamen.

Frölen Grete aewer hüll den Ollen fast un trof em up dat Sofa dal, — un Krijschan het mi nahsten vertellt, un hadden em binah de Ahnmachten antreden — un se säd to Badding: „Badding, wat maht ji för Upstän'n.“

„Döchting, de Dew“, fuhrwartke³ de Oll nu wedder los un kef so schulschen⁴ in de Stuw rümmen, as set in jede Eck 'n Düwel, de up em loswull — „de Dew un de Ledder un pipen, un ick hew dat doch hört.“

„Badding“, un se kef em dorbi so schelmisch un biddend an un fot sine Hand an, „Badding, ick hew mi mit Din Dew jülwst affinnen.“

„Wo? Wat?“ wull de Oll wedder los, aewer se hüll em dal.

„Badding, wenn dat nu gor keine Dew' west wiren, un Du hadst Di irrt.“

„Wa— wat?“

Kewer se let em gornich to Wurt.

„Un wenn Din Dew nu noch hier?“

In dorbi sprung se up, trof de Gardin torügg un —

¹) Garten. ²) Leuchte. ³) fuhr. ⁴) schein.

Kriſchan dukte¹ dor achter up as de Bullmand² achter 'n Buſch. Un as wir de Dll ein mandſüchtigen Pudel, jo wull hei all los up den armen Kriſchan, de „auf Freiern Füßen“ dorſtänn, aewer ſe ſot ehr Badding üm un ſäd un bed: „Badding, wes nich böß, ward nich böß, 't ſüll 'ne Aewer- raſchung ſin, un is jo of wirklich gründlich ein worden.

Un Kriſchan ſtänn dor un leckte vör Angſtſchweitz as 'ne Katt, de ut 't Water halt³ is.

„Wa— wat? Herr — Herr Kohlhaaf?“ plakte de Dll herut, as künm hei ſin Ogen nich trugen⁴.

„Ja, entſchuldigen Sie, Herr Buchholz“, bewerte⁵ dat von den armen Säumer ſine Lippen, „und ich wollte, ich möchte, ich . . .“

„Badding, Badding, wi beiden mägen uns jo jo girn, un Du ward nu man nich böß, 't is dat irſte Mal, dat wi uns jo ſpraken hebben.“

Un de Dll kem nich to Wurd. Wat he of ſeggen wull, allens würd dalſchlagen; un wil⁶ he ſülbt of gegen den Kannedaten un Freiernmann nich aſgeneigt was un ſin Döcht- ting ni nich wedder Willen ſin künm, was he denn of ſchließlich mit inverſtahn un lachte mit aewer de Geſchicht.

„Aewer“, ſäd he, un dranhte⁷ Kriſchanen mit den Finger, „Herr Paſter in ſpe, dat Se ſo'n Knepp of bi ehr Paſteri lirn'n, dat had 't mein Dag nich dacht.“

¹) tauchte. ²) Bollmond. ³) geholt. ⁴) trauen. ⁵) beſte.
⁶) weil. ⁷) drohte.

„Ja, Väterchen“, ſäd Kriſchan, de nu wedder Kurariſch kregen had dörch einen Kuß von ſine Tokünftige, „wäre mein Freund nicht dazwiſchen gekommen? Der wollte, ich ſollte überraiſchen, und nun bin ich ſelbſt überraiſcht, doppelt überraiſcht darüber, daß bei ſolch einer Ueberraiſchung jo viele Ueberraiſchungen mich überraiſcht haben. Aber nun iſt's alles zum guten Ende gekommen. Und nun gute Nacht, meine Lieben, es iſt ſchon ſpät geworden und morgen . . .“

„Na“, ſäd de Dll, „morgen feiern wir einen vergnügten Tag.“

Un dormit veraiſchied'te ſich Kriſchan lud un kräftig von den roten Mund, un alles güng ſidel uteinander, un Kriſchan güng ditmal as ein ihrlich Miñſch dörch de Goren- purt¹ un nich aewer'n Tun torüg.

Ick had jo lang up de Lur² legen hinner'n Bom an de Schoffeh.

„Kriſchan“, rep ick ein an, as he nu de Strat lang- boernte³ un mi gor nich mihr to vermiffen ſchinte, „na, Kriſchan, nu frag ick Di, wo iſt' aflopen?“

„Jung, büßt Du of noch dor?“

„Haha“, ſäd ick, „heſt mi woll ganz vergeten⁴? De Hauptperſon künmt jo woll gor to fort⁵.“

„Fründing“, ſäd he glücklich, „Du büßt doch ein Nacker un heſt grugliche Knepp in'n Kopp, aewer ditmal bin ick Di

¹) Gartenpforte. ²) Lauer. ³) lief. ⁴) vergeffen. ⁵) kurz.

doch recht dankbar.“ Un de oll Bengel fot mi ganz gerührt ün.

„Haha“, säd ick, „jo heft Du 't dor haben of woll maht? Na? Wo deht dat denn?“

„Oddo“, säd he, „ick had mi dat doch ganz anners dacht, aewer gefollen het mi dat sivr, sivr.“

„Freut mi, dat dat lütt säute Mäten Di nu doch to'n Minjchen maht het. Un wennihr¹ is Verlawung?“

„Morgen, Oddo.“

„Un bi den irsten Jungen, Krijchan, dor stah ick Path.“

„Minjch . . .“, wull he all wedder losleggen, aewer wi wiren to Hus, un nu müßt he sich man ruhig verholten, süß had Herr Bohm noch dacht, wi hädden uns in de „gold'ne Süm“ einen köfft.“

* * *

Nu sünd je beid all ein glücklich Por. Krijchan is Paster up Rügen un allgemein belewt¹, denn sin lütt Gretel het em orig tostuzt; un wenn ick em mal besäuk un em irag: „Na, Krijchan, wat maken de Newerraschungen?“ denn wißt he mi sinen irsten lütten kränjchen² Bengel un schmunzelt dorbi: „Töw noch beten³.“

¹) wann. ²) Verlobung. ³) gefaujt. ⁴) beliebt. ⁵) munteren. ⁶) bischen.



Los de Föß!





Dat irste Kapittel.

Staatsstuw un Wartelstuw. Wat von 'ne Rügenreif' aewrig bliwwi,
un wat dat Gesangbauk för ein nüglich Bauk is.

De Statishen Samtens is man 'ne lütt Statishon, aewer
je is doch standesgemäß utrüft¹ mit dat Nödigste un Un-
nödigste. Se het einen Wartejaal för de finen Lüid mit
Glaceehanschen un Zylinderhäud' un wat süß² noch all's to't
Fine gehört, un dat is „Wartejaal erster und zweiter Klasse“,
as dor mit grote Baukstawen³ an de Dör steiht. Un je het
noch einen annern Wartejaal för anne Lüid, de mit grawe⁴
Rittels kamen un ahne Glaceehanschen, un de dat in de
Gewohnheit hebben, gradto in de Stuw to spucken. Dat is
de „Wartejaal dritter und vierter Klasse“. In irste un tweite
Klass stünn ein Sofa un Stäuhl; in drüid un vierte Klass
stünnen blot Bänk ut dannen Holt⁵, wil jo'n Gefäß för jo'n

¹) ausgerüstet. ²) sonst. ³) Buchstaben. ⁴) grobe. ⁵) tannen
Holz.

Ort Lüüd, as hier kamen, woll weiß genug is. So möt't doch woll sin, worüm was süß in drüüd un viert Klass kein pulstert Sofa? Aewer 't schad't em nich. Had de Staatsstuw ein Sofa, so had de Barkelstuw¹ einen amern groten Butt², de nich to unerschägen was. Se was utrüßt mit dat Nödigere, un twors³ mit dat Büffet. Un wenn ein of noch so'nen hogen Zylinderhaut up had un noch so blanke Glacees up de Ruäwel, 't hülp em nich; wull he wat to vertehren hebben in de Staatsstuw, so müßt he doch nah de Barkelstuw herinne. Denn Kellners giwt dat hier nich, un de Wirth fihrt sich nich an de Staatsstuw, denn he säd: In desülwe Tid⁴, wur ick dor (un dorbi wiste he mit den Dumen aewer de Schuller) einen Sülvergrotschen verdein, verdein ick hier einen Daler. Wer also dor wat hebben wull, müßt sülvst kamen, oder he müßt sich an dat weite⁵ Sofa begnäugen. So kem dat, dat de Staatsstuw gewöhnlich leddig⁶ was, un eigentlich unnödig; aewer in de Barkelstuw was immer Besatzung, un dese was nödig, ick mein de Stuw un of de Besatzung; denn wat nützt mi 'ne leddig Gaststuw, un wat nützt mi ein Hümpel Gäst, wenn't keine Stuw för je hew.

Buten was dat hüt so'n recht nuschiges⁷ Weder. De Regen fiffelte⁸ so sachten in einen to von haben dal, un

¹) Werkstube. ²) Vortheil. ³) zwar. ⁴) derselben Zeit.

⁵) weiche. ⁶) leer. ⁷) nasses. ⁸) von dünnem Landregen gebräuchlich.

so'n Schmurregen künmt jo of am besten dörch, wenn Ein doch einmal natt¹ warden fall.

Drei junge Sells kemen den matschigen² Weg, de vou't Dörp nah de Bahustatschon aftwigt³, lang gealkft⁴ un treden eben in den Wartesaal „erster und zweiter Klasse“ rin.

„Na“, säd de Ein, „dit is ein netten Beschluß von unse Rügenreis, des' Regen meint dat god.“

„Je“, säd de Anne, „wenn't noch einen drögen Faden up den Luv häd, wull't 'ne Lag to'n Besten gewen. So'n Geschmur schleiht⁵ dörch, as bi mi nilich de Gruben un Zwetschen, weitst noch, Lute, wur't dornah lopen müßt?“

„Det stimmt“, säd de drüüd, so'n lütten kroetigen Kirl, „det soll un 'ne Verjuejungs-Tour sind.“ Un dorbi schnow un prußte un wischte he sich den Regen ut dat Gesicht, läd⁶ sinen Mäuzel af un set'te sich up't Sofa mit 'nen origen Nahdruck. „So“, säd he, „ick siße, un hier sib' ick besser as uf'u Hakeschen Markt; un Bier her“, un dorbi kloppte he mit den Spazierstock up den Tisch, as wir he ein Kapellmeister, un't Spelen füll eben losgahn.

„Je“, säd Lute Westphal, „hier kannst Du lang kloppen, wenn Du Di nich sülvst wat halst⁷, kannst Du hier verdösten.“

„Na, det is mir aber 'ne schöne Wirthschaft, da is ja der erste beste Budiker in Berlin 'n Förcht gegen diesen

¹) naß. ²) aufgeweicht. ³) abzweigt. ⁴) im Schlamm waten.

⁵) schlägt durch. ⁶) legte. ⁷) holst. ⁸) verdursten.

Salon.“ Inzwischen hadden denn Lute un Ede of ehr Saken aflegt¹ un sich dat Matte wat von de Kleider afkloppt, un jeder halte sich 'en Stauhl ran an den Tisch.

„Mich bisken uf't Kanapee?“ frog de berliner Korl.

„Ne, ick dank Di“, säd Lute, „dor klew² ick jo woll fast un hew nahsten de ganze grüne Plamsur von den Newertog up de Büxen, ick sett mi up'n Stauhl.“

„So, nur't Gefangebuch 'raus, Ede; Fuchs jiebt an.“

„Ja“, seggt Ede, „will'n wi denn hier drög sitten de ganze Stunn, de wi noch to luren³ hebben?“

„Totte doch, wat for'n Gequassel.“

„Sühstredend drinken wi einen, sünd wi buten natt, kün'n wi binnen nich drög sin“, säd Lute, „Foh, gah hen un hal uns drei Glas Bier, denn Bedienung giwt dat hier nich.“

„Je“, seggt Ede, „denn gewt man Geld her, ick hew noch grad twintig Penning aewer min Billet.“

Korl und Ede halten dat Portmonneh herute. Apenmaken, rinnefiken un ein deipen Süzzer was ein.

„Mensch, det Feld uf Rügen!“ säd Korl.

Lute grawwelte denn of ümmerto in dat Dings herüm, nur't was em antoseihn, wat verborgene Schätz anbelangen ded, so was sin Hart rein. Endlich säm he in de Goldtasch noch ein Tweimarkstück, un mit 'en deipen Süzzer hännigte⁴

¹) abgelegt. ²) klebe. ³) lauern. ⁴) händigte.

he't Eden in. „Mi dücht, ick had doch noch mihr“, säd he, sünd aewer nix wider.

„Hier“, säd Korl, un schow¹ Ede'n föstig Penning hen.

„Holt“, rep Lute, as Ede eben afgangh wull, „Du künnst uns glif de Billets mitbringen, denn sünd wi ut alle Sorg un kün'n in Raah vertehren, wat wi noch aewrig hebben.“

„Na denn man to“, säd Ede, „natürlich führen wi doch wedder Salonwagen?“

„Selbstredend“, säd Korl, „ümmert standesjemäß.“

So würd den Foh denn dat Vermägen inhännigt, un he güng af. De beiden ollen Semester aewer blewen as de Herren sitten und böd'ten² sich 'ne Zigarr an.

„Na, Korl, nu noch vier Stur'n, denn sitten wi bi minen Ollen in Hanshagen, dor kost't nix, un dor kün'n wi von unse Reij' vertellen.“

„Junge, wenn't man noch so lange laugt, det is doch ein barbarischer deirer Krant hier uf euer Rijen.“

„Ja, Korl, wi as Studenten müßten hier eigentlich halwe Pries hebben.“

„Ja, Lute, aber die Onkels nehmen uns als ganze Pries; ne, da lob ick mir doch mein Berlin, iberall billig un nobel.“

„Je, Korl, dorför büßt Du of up Rügen.“

„Det jlob ick un det merk ick, nich blos an det Portmonneh, och an die Stiebel, beede haben die Schwindjucht.“

„Na, wenn Du je man nich heßt, denn geht't jo noch.“

¹) schob. ²) heizten.

Dunn kem Ede denn wedder an mit de drei Seidel un mit de drei Billets för den Salomwagen. Jeden schow he ein Seidel hen un hännigte jeden ein Billet vierter Klaff in, denn dat was ehr Salomwagen.

„Ick krieg doch noch Geld wedder 'rut?“ rep Lute ilig.

„Herrjeh, denkst Du denn, ick brenn Di dormit dörch mit de por Gröschchen, dat is doch warraftig kein Depot, dat sich lohnt?“

„Pst, ümmer nobel, Lute“, säd de berliner Korl, „hier ist't Geld, zehn, zwanzig, fufzig, da, nimm se Du se Dir“, dormit schow he em de söftig Penning hen, de he wedder rutkreg¹, dat anne stof he sülvst in, 't klung man verdenwelt klapprig, as't in't Portmonneh kem. Ede kreg nig trügg, he had sin lezt' eben opfert.

„Na proft, Kinnings“, säd Lute, un stödd² mit de Annern an, „ein Schmollis der Heimath.“

„Proft, proft“ güng't, un se drünken all drei.

„So, Ede, nu raus mit's Jesangenbuch un jieb.“

Nu güng denn dat Skatpelen los, denn wat können drei Studenten, wenn se tosamfitten, woll Vernünftigers dohn, as en Skat to kloppen, noch to bi jo'n Weder.

„Se“, seggt Ede, „wenn ji mi 'rinleggen, as gewöhnlich, denn möt ji 't anfriden, ick hew keinen Penning mihr.“

„Na, wir wollen mal großmüthig sind, Fuchs, hier“,

¹) heransbefam. ²) stieß.

un dorbi wist'e he mit den Finger stolz up sich, „hier sitzt der Mann mit die Pumpe.“

„Ja“, säd Lute, „wenn Du kein Geld heft, warst Du woll wedder gewinnen, dat is gewöhnlich so mit Di; verlieren dehst Du jo blot vou'n irften bit söfteihsten in'n Mond¹; nahsteu sünd wi bor² Geld, wenn Din all is.“

„Daß das Kind“, säd Korl, „und nu los, die kostbare Zeit verjeht.“

Dat tweede Kapittel.

Dat en Zylinderhant in den Staatsalon gehört, un dat de Wirth so nich bestahn³ kann. Wer Saul un David sünd, un wat se anrichten.

So güng't Espelen denn nu los. Un as Lute prophezeit had, Ede gewünn; aewer hork⁴ an't Emm. Dat Blatt wend't sich, un eben säd Lute „Grand“ an; Ede kragte sich ganz vertwifelt⁵ hinner de Uhren⁶; wenn de dörchging, künn dat mit em schlicht warden; blot Korl satt ruhig dor un dachte, natürlich up berlinisch: na, wir wollen ihm schon kriegen. Dunn güng de Dör up, un herinne kem ein Herr mit 'nen hogen Zylinderhaut up, aewer Glaees had he nich an, un gu'n Dag säd he of nich, as all de finen Lüid in den Wartesaal erster und zweiter Klasse; dorher heit⁷ dat jo of Wartesaal, wil man dorup vergewß wahren⁸ fall.

¹) Monat. ²) baar. ³) bestehen. ⁴) horkh'. ⁵) verzweifelt. ⁶) Uhren. ⁷) heißt. ⁸) vergebens warten.

Ede un Lute kelen den Herrn an un steken de Köpp tosamem. „David Aronsohn ut Grimmen.“

De Herr mit den Zylinderhant up den Kopp will sich den Kopp nich verfüllen¹, he behüll² den Haut up, dat dat doch of to seihn was, dat he in den Staatsalon gehürte. Blot de Näs³ schnow he sich ut, un de Schnoew³ entsprok of ganz ehre Facon, denn wat vüllig⁴ was se. Dunn schüüd'te⁵ he sich den Regen von de Medaschen⁶ un kof so verlueren nah den Sofa racwer; aewer as de beset't blev⁷, as he was, plazirte he sich up den Stauhl dicht bi'n Alben⁸. Inbött⁹ was grad nich, aewer de Gedanke, bin'n Alben to sitten, warnt jo all. „Grand“, säd Lute noch mal, un as keiner em aewerbeden¹⁰ ded, spelte he den einen Buern ut.

„Raus mit Saul un David“, säd he un wij'te¹¹ mit den Finger up den utgespelten Jungen, „raus mit Saul un David.“ He meinte de beiden annern Buern dormit. Aewer Korl lachte sich wat, denn he had de beiden aewrigen Jung's. „Proste die Mahlzeit“, säd he, läd¹² den jüngsten Jung bi un säd: „Hat sich was zu faulen, hier is David.“ Un so was't, blot David, as se den jüngsten Buern nemten, füll¹³.

Aewer Lute let sich nich verfiren¹⁴, he had de Hand vull Afse un spelte fürts¹⁵ den annern Jung nah.

1) erkälten. 2) behielt. 3) Schnauben. 4) stark. 5) schüttelte.
6) Kleider. 7) besetzt blieb. 8) Ofen. 9) eingeheizt. 10) überbot.
11) zeigte. 12) legte. 13) fiel. 14) erschrecken. 15) sofort.

„Raus mit den Schächer, den letzten Mohikaner“, rep he un läd¹ mit Nahdruck den Finger wedder up sinen Buern. Un wo süll't of anners warden, Saul süll of, un Lute gewüüm sin Spill.

„So“, säd he, un namm sin Seidel in de Hand, „Prost Rest, Rinnings, wur is't, wi drinken doch noch einen?“

„Se . . .“ säd Ede wat langtoegsch².

„I was“, säd Korl, un halte dat Portmonneh wedder rute, „wenn ick in'n Sakal siße, so verzehre ick och was.“

„Natürlich“, säd Lute, „hier is Geld“, un schow³ de föstig Penning von vörhen⁴ wedder hen, „nimm för Di mit, wi können den Wirth doch nich de Stuw vullspucken, ahn⁵ wat to vertehren.“

Un Ede güng wedder af. De Herr aewer an den Alben schinte wat updäugt⁶ to sin, obglif dor, wi geseggt, gor nich inbött wir. He würd wat as lewig⁷ un schürte⁸ up den Stauhl hen un her; denn schnow he mal wedder sin staatsche Näs ut un rückte wedder up den Stauhl hen un her, as was he wat unschlüssig. Had he eigentlich recht hürt oder nich? Irst mit Saul un David un nu von nix vertehren un Stuw vullspucken? He vertehrte nix, dor kem jo of kein Bedeinung. Wat füllen de Redensorten von de jungen Lüd eigentlich bedüden⁹? Was dat up em münzt? He schnow also in Aewerlegung¹⁰ grad mal wedder un schürte up den

1) legte. 2) langgezogen. 3) schob. 4) vorher. 5) ohne. 6) schien etwas aufgethaut. 7) lebendig. 8) scheuerte. 9) bedeuten. 10) Ueberlegung.

Stauhl hen un her, dunn kam Ede wedder mit drei nige Glas Bier.

„Prost“, säd Korl, „wi det sleitet, ick könnte hier nich so drocken sitzen!“

„Ne“, säd Lute, „ick of nich, un denn denk doch blot mal an den Wirth, wur süll de Mann bestahn, wenn wi nix vertehrten!“

De Herr mit den Zylinderhaut un mit de staatsche Näs schnow wedder mal un schürte wedder up den Stauhl hen un her. Had he recht hört? Güll¹ dat em?

„So, Ede, nu frisch an die Gewehre, dreiviertel Stunnen hebben wi man noch Tid, un dat is glik düster, giv flink.“

Un 't Spelen güng wedder an. Ditmal was Ede de Glückliche. Drei Jungs had hei von haben un Affen un Leihen². „Grand, Schneider“, rep he un halte deip³ Luft. Lute spelte Krüz=Aff ut, Korl bedeinte, Ede stof mit den Jungen. „So“, säd he, un spelte den bacwellsten⁴ Buern ut, „raus mit dem Juden.“ He meinte den vierten Jungen. „Ja Scheibe“, säden de annern, „de Jud schlöppt⁵.“ Un Ede böhrte⁶ den Skat hoch un warrastig — de Herr an'n Aben stünn up, kem in grote Schritt an den Disch heran, behüll⁷ den Haut up den Kopp un säd: „Ich verbitte mir das!“ Newer de drei Studenten wiren nich so licht ut de Fatung⁸ to bringen.

¹) galt. ²) Zehnen. ³) holte tief. ⁴) obersten. ⁵) schläft, Bezeichnung für Karten, die im Skat liegen. ⁶) hob. ⁷) behielt. ⁸) Fassung.

„Irst to En'n spelen“, säd Lute, „un wenn denn wen wat will, denn kam he her.“

„Ich verbitte mir so'ne Grobigkeiten“, säd de Herr.

„Nem Bergewung, wat wünschen Se?“ frog Lute un stünn up, as de Grand to Enn was.

„Ich verbitte mir alle Anzüglichkeiten.“

„Schön“, säd Lute, „wi of. Wünschen Se uns to spreken, denn bitte, wer sünd Se? Bi uns to Lan'n stellt man sich vör, wenn man mit frömde Lüd tosamkümmt. Min Nam' is Ludwig Westphal, dor: Korl Richter un dor: Ede Ewert. Bitte, mit wem hab ich die Ehre?“

„Ich verbitte mir nochmals alle Redensarten.“

„Tutester Herr, wollen Sie vielleicht wanzen¹? säd Korl, „hier ist Platz uf dat Kanapee for de jröfste Breitseite.“

„Ich werde mein Recht zu suchen wissen“, säd de bezilinderte Mann.

„Wat will de Mann“, frog Lute, de sich wedder set't had, „wat will he sänken²? Het he wat verluren? Saelen wi em sänken helpen?“

„Freche Lait“, brummelte he för sich hen, kührte snubbs üm un 'rut ut de Dör.

„Gott sei Dank“, säd Lute.

„Weiter im Text“, säd Ede, denn dat Gewinnen had em gefallen.

„Wer is denn det Kameel?“ brummte Korl.

¹) Bezeichnung für das Zusehen beim Skatspiel. ²) suchen.

„Ja, David Maronjohn ut Grimmen, Perduktenhändler . .“
Dunn gäng de Dör up, un Herr David Maronjohn kem herin mit den Stationsvörstehet.

„Guten Abend, meine Herren“, säd de. „Entschuldigen Se, de Herr hier het sich beschwert, dat Se em molestirt hadden, bitte, laten Se dat.“

„Je“, säd Lute, un stünn up, „wenn wi hier spelen un unse Redensorten bi't Spill maken, brukt sich dat Einer totrocken?“

„Verfäihn Se, Herr Inspektor, wofor is dies der Saal? Ich maine, for welche Klass?“

„För irste un tweite Klass.“

„Erlauben Se, Herr Inspektor, fragen Se de Herren, was for 'ne Klass sie fahren.“

„Ich bitt' Sie, Herr, insultiren Sie hier nicht die Leute.“

„Herr Inspektor, brauch ich mir nicht zu gefallen zu lassen das Uzen.“

„Wi führen Salomwagen“, säd Lute, „hier“, un he wist² stolz sin Billet vierter Klass, „hier, ümmer standesgemäß.“

„Herr Inspektor, ich verlang', daß Se de Herren das Lakal verweisen; is hier for erste un swaite Klass, as Sie eben gesagt.“

„Na, mine Herren, wi wüllen hier kein Upsiehn³ maken, dohn Se mi den Gefallen, un gahn Se nah draewen.“

„Ja woll, Herr Stationsvörstehet, girn. Ede, pack' dat

¹) zuzuziehen. ²) zeigte. ³) Aufsehen.

Gefangbauk tosam un nimm jeder sin Pakenelken¹ un Seidel. Dat ward hier of all to düster un ne Lamp giwt dat hier in de Staatsstuw woll nich, also raewer.“

So süchten² se ehre soeben Saken tosamem.

„So“, säd Korl, as se reisfarig wiren, „nu, Herr Inspektor, thun Sie uns woll auch einen Gefallen“, un he plunkte Luten to un wist³ up dat Billet un denn up den Herrn mit den Zylinderhaut.

Warrastig! dacht Lute, un säd denn to den Inspektor: „Mit Berlöw, Herr Vörstehet, wenn wi up't Billet visentirt sünd, denn können wi jo woll beanspruchen, dat dat anne Lüd of warden; wat den Einen recht is, is den Annern billig; wejen Se nu doch so god un fragen Se den Herrn mit den Zylinderhaut, wat för 'ne Klass de führt³. 'T künn jo sin, dat de of nich hierher gehört, denn 't führen jo towilen⁴ of Zylinderhäud' in'n Salomwagen.“

Un dormit trocken⁵ de drei Studenten rut ut de Staatsstuw un rin in de Warkelstuw.

„Auszug der Kinder Israël aus Egipten“, säd Korl bi't Rutegahn.

„Deu Kirkl will'n wi dat aewer noch bibringen“, säd Lute, „haust du minen Juden, hau ick dinen Juden; töw, David, bei Philippi sehen wir uns wieder.“

¹) Sacken. ²) suchten. ³) fährt. ⁴) zuweilen. ⁵) zogen.

Dat drütte Kapittel.

Wur de Zylinderhaut sich in de Wartelstuw utnimmt un wur von dat dat bullert.

So kemen se denn in den annern Wartesaal herin. Ein gruglichen Tobaksqualm füllte de lütte Baud, un kum was de ein lütt Thranfunzel¹, de aewer² den einen Disch hüng un schwoelte, in'n Stan'n³, en beten Licht to maken. Widere Belüchtung fehlte, un wil dat buten all tämlich⁴ schummrig was, künm man toirst kum dörch all den Rok un all de Düsterniß dörschiken.

An den einen langen Disch, aewer den de Lamp gloeste, seten up de dammen Bänk vier Mann un qualmten ut ehre korten Pipen as 'ne Lokomotiv, de eben unuebött het. De Händ hadden se up, grad as de finen Gäst in den Herrnsalon, aewer an ehr grawen Kittels un dicken Krückstöck un all dat anne Geschirr, wat bi ehr in de Eck lagg, künm man seihu, dat wiren kein fine Herrn, dat wiren Meigers⁵, de woll irgend wurhen sich vermeid't⁶ hadden för den Lust?

„Töw“ säd Lute, as de drei rinnekemen un sich nah en Platz ümsagen, dor setten wi uns 'ran, denn mit uns Spelen is dat nu woll vörbi; lang Tid hebben wi jo of uich mihr.“

¹) Lampe. ²) über. ³) im Staude. ⁴) ziemlich. ⁵) Mäher. ⁶) vermiethet. ⁷) Ernte.

Un dormit säden se gu'n Abend un sett'ten sich bi de vier Landlüd mit 'ran.

„Herreje, dor sünd Se jo, Bierck; wo? willen Se of beten verreisen“, rep Lute to den einen von de vier Mann.

„Nabeud, Herr Westphal, wat, kennen Se mi noch wedder?“

„Wat süll ick nich? Verleben Harvst wiren Se jo bi minen Ollen fiv Wochen lang in Lohn. Weten Se noch, wur wi dohn¹ mal 's Sünndags den Foss utrökert² hebben?“

„Warrastig“, säd Bierck, „dat was en Spaf, dor hew ick noch oftmal³ au dacht. Na, wo geiht Se 't denn? Se hebben woll 'ne Reij⁴ maht?“

„Ja“, säd Lute, „acht Dag sünd w' up Rügen 'rümme ströpt⁵, nu fall 't nah Hus, un 'nen schönen Afschluß fall uns Reij⁶ noch nehmen; Bierck, wi möten hüt noch mal en Foss utrökern, denn denken S' mal, wur uns dat eben gahn is.“ Un he vertellte nu de Geschicht, de en eben passirt was.

„Dunner ja!“ repen de vier Mann up einen Hopen⁴, as se de Sak hört hadden.

„Se“, säd Bierck, „dat is so'u schulsches⁵ Dirt, de David, ümmer maht he Stänkerien, un vör 'n Wochener vier het he bi so'u Gelegenheit of mal orig Schacht kregen; dat was up'u Bullmark to Barga, dor...“

Dor ded sich de Dör up, un — herin kem David

¹) da. ²) ausgeräuchert. ³) herumgestreift. ⁴) Haufen. ⁵) hinterlistig.

Naronjohn mit sinen Zylinderhaut up. Had he vörher all schnawen¹, so giing't nu irst recht los, denn he was nich för Tobaksgeriich; he rok lewer de Fellen- und Perdnktengeriich, dat hürte to sin Gejschäft. Aewer wat hulpt, he müßt mitnehmen un set'te sich up de leddig² Bänk gegenaewer de Gesellschaft un schot³ af un an so einen Blick raewer, de grad nich von Fründjschaft red'te.

„Dor is he ok“, säd Ede, de em toirst jehn had.

„Warrastig“, säd Lute, „nu fit, wat sich nich allens en Zylinderhaut upsett.“

„Weest de, Lute“, säd Korl, „Rache muß sind, ick hab eenen Zufall.“ Un he flusterte mit Lute wat. Lute sine Dgen lücht'ten. „Jung, Du hejt Recht“, säd he, „so möt't kamen, ut ein Lock möt de Föß 'rut.“

„Bierck, Se möten uns to uns Satisfakshon verhelpen“, flustert he den to. „Seihn S' em mit den Zylinderhaut? Wat het he hier mit en Zylinderhaut to sitten? Weten Se mit so'n Stück Möbel ümtogahu?“

„Wojo meinen Se dat? Ick hew min Dag noch nich so'n Abeurühr⁴ uphad.“

„Je, dat is as mit so'n Handörgel⁵, fort un lang to maken.“

„Gaha“, säd de ein Meiger, „ick verstah mi dor up; In Bargaen was dat mal bi 'ne Danzeri, dor was so'n

¹) geschoben. ²) leere. ³) schoß. ⁴) Efenrühr. ⁵) Handharmonika.

Muschee¹ Müdlich un Regenklaut, de had grad so'n Dings up'n Kopp, un as he nahsten klaut reden wull, dunn langt em Einer von haben dor rup un heidi! jatt he em aewer de Uhren!²“

„Warrastig“, säd Lute, „Se jünd min Mann! Ede, gah hen un bestell uns — hier — jäben Kurn³, Korl, Du be-tahlst woll.“

„Woll, woll“, säd Korl, „hier, Ede, lof flink.“

De Kurn kemen. „Na proft, Kinnigs“, säd Lute un stöd⁴ mit de vier Mann an, „dit's rein Gottswurd, dat kann Ein woll verdragen, noch to bi so'n Mordsweder, as dat buten is; dat gütt jo woll mit Schepel⁵. Na, drinkt man ut, Korl giwt noch einen to'n besten, denn up en Bein kaen'n Zi nich stahn.“ Korl sprüing warrastig noch mal in de Bucht, aewer't wir em autoseihn, wenn nu de Tog⁶ nich bald kem, denn würd he pankrott.

„So“, säd Lute, as de tweit' Lag dorstünn⁷, „Bierck, de Tog hölt hier nich lang, wenn he eben inführt, rop ick: „Los de Föß“, un Zi weit⁸ Bescheid; dat aume besorg ick.“

„Je, jung Herr . . .“

„I wat, Bierck, ick will't all handlich maken.“

Kum was de tweit' Lag to Post⁹, dunn fung dat buten an to rummeln un to pipen, un de Tog kem antojusen.

¹) Monsieur. ²) Uhren. ³) sieben Korn. ⁴) stieß. ⁵) gießt mit Scheffeln. ⁶) Zug. ⁷) dastand. ⁸) ihr wißt. ⁹) zu Brust = getrunken.

Afropen was hier nich Mod, wer mit wull, müßt sülvst Bescheid weiten, un dat wüßt hier of jeder von de annert-halw Minschen, de von hier mitführen deden. Herr David Aronsohn stünn up von sine Bänk un güng hen nah de Dör, dohn — mit einen Satz was Lute up den Disch, ut was de Thranfunzel, „Loß de Föß“ schreg dat in den sülwigen Ogenblick, ein Klapp was to hören, as würd so'n holles Fatt¹ inbullert, de Dör flog up, weck² rönnten rut, rin in den Tog güng't, un heidi — fläuten güng he wedder.

Dat vierte Kapittel.

Wur ein menschlich Wesen unner Umstäm laten kam. Wur he se belangen will, un se em belangen.

„Hülfe, Hülfe!“ böll'te³ dat ut de Wartelstuw, un't was, as kem de Stimm ut den Keller, so dump klung dat. „Hülfe, Gott der Gerachte, mit will ich mit de Bahn, mit muß ich mit den Zug, Hülfe, Hülfe!“ bullerte dat holl.

„Gott bewohre Einen“, rep de Wirth, de eben von buten herinnekem, „dat is hier jo stickendüster.“

„Hülfe, Hülfe, helfen Se, ich muß mit, de verdammten Föß, de Föß“, bullerte dat wedder.

„Wat?“ säd de Wirth, „weu schadt dor wat, wur sünd Se denn? Wen röppt dor?“ Un dormit kladderte he up den Disch un stickte de Funzel wedder an. „Het mi de

¹) hohles Faß. ²) welche. ³) schrie.

Wind dat Dings all wedder utweiht.“ Als was leddig, blot in de ein Eck, nah't Finster to, stünn wat, wat em as ein menschlich Wesen laten ded, aewer he künn keinen Kopp un kein Gesicht sehn.

„Gott jall mi bewohren“, rep he un steg herunne von den Disch, „spelen Se dor Ahlenspiegel¹?“

„Hülfe, Herr Wirth“, bullerte dat wedder, un ein Bor Hän wriingen an den schwarzen Klumpen rüm, wur fünft bi anne Lüd de Kopp to fitten plegt.

„Na, sowat lewt nich“, säd de Wirth un güng ran, „Se hebben woll up den Kopp seten²?“

„Helfen Se mir, ich muß Se mit, ich muß Se mit, de verdammtigen Föß.“

„Je“, säd de Wirth, „dor möt'k woll irst 'ne Schir³ halen, dat geht so nich.“

„Helfen Se mir von den Hut los, ich stick, ich stick, Herr Wirth.“

Nu fot⁴ de Wirth an un trof⁴ un trof. „Dunner, fitt de fast⁵, wur können Se sich of den Haut so fast upsetten. Ne, so frig't em nich 'raf. Hollen S' den Kopp nah unnen, süß geiht dat nich.“

„Gott de Gerachte“, tut'te dat wedder, „was for 'n Auf-stand, was for 'ne Sach, ich muß Se mit, mit den Zug, de Memme lauert auf mir, helfen Se mir von den Hut ab.“

¹) Eulenspiegel. ²) gefessen. ³) Scheere. ⁴) faßte. ⁵) zog. ⁶) fest.

„Hup“, säd de Wirth, un trof, as süll he einen Föß dat Fell astrecken, „hup, hup.“ Un David schöw nah un nu — nochmal „hup, hup“, 'raf wir dat Dirt, un ein menschlich Angeficht kein to'n Börschin¹, un wat för ein!

„Den Dunner“, rep de Wirth, „Se sünd dat, Herr Aronsohn? Wat stellen Se för Geschichten an? Wur kamen Se up de Ort² in den Haut 'rin?“

„Nu, weuß ich's? Wollt ich gehen 'raus, ging de Lamp aus; mit mal schrigen se hier: „Los de Föß“ un mein Kopp war Se rin in den Hut. Duster war's, was weuß ich dervon? Aber de jungen Lait! Wird se verklagen, kennen Se die?“

„Ne“, säd de Wirth, „keine Ahnung, wer de wiren; aewer Aronsohn, wur seihn Se ut? De Hor stahn En to Barg, as wir En wat Grugliches vertellt.“ Un he lachte ut vullen Hals. 'T was ok to'n Lachen, dat Bild. David hüll den Klumpen von den einstigen Zylinderhaut in de Hand un tek un kleite³ em an; un up den Kopp seg he ut, as had de Balbirer em mit 'ne Horwalz⁴ ümmer von hinnen nah vör up den Kopp 'rümmewirkt.

„Was lachen Se, Herr Wirth? Der Hut is kapores, hat mich gekost't nei zehn Mark vor zehn Jahr, un mit muß ich mit de Bahn, es is der letzte Zug, und de Memme lauert auf mir.“ Un dormit wull he rut.

„Se“, säd de Wirth, „för hüt is't to lat, denn möten

1) Borschein. 2) Art. 3) strich. 4) Haarwalze.

Se achter an lopen. Helpt En nig, dat Reden un Schimpfen, Se möten in't Dörp bliwen bit morgen früh.“

„Gott der Gerachte, muß Se mir das passiren, aber de jungen Lait, ich werd se belangen.“

Na, dat was denn fin Trost. De Haut würd wedder nothdürstig beten utbullert von innen herut, he set'te em up un dat güng jo ok to Noth, denn dat was stickendüster buten un regente Bindsaden. Wat süll Ein in so'n Weder ok mit 'nen finen, schiren¹ Zylinderhaut.

„Werd ich Se müssen bleiben ins Dorf, hob ich Se fweihunuert Perzent Schaden“, un dormit trof he af un steg in't Dörp.

„Siehste“, säd de Inspekter to den Wirth, as de em de Geschicht vertellen ded, „dat het he dorför, wat let he de Sells nich ungeschuren. Je, so'n Studenten, mit 'de fang Einer blot an.“

Wat de drei Studenten aewer wiren, de führten mit de vier Meigers nah Stralsund, un nah drei Stunden seten se to Hus bi Badern in Hanshagen, denn Ede un Korl wiren Lute fin Frünn, un de had he sich för de Ferien inlad't. Un as se denn nu de Geschicht von „Los de Föß“ dor vertellt hadden, säd Badder Westphal: „Dat will't mi marken. Wur heit dat? Los de Föß? Dat ward hei sich ok markt hebben, un wenn he dat mal wedder hören süll, ward he sich bi Tiden ut den Stohm maken. Negste² Dag is Kurnbörf

1) glatten. 2) nächste.

in Grimmen, dor driwt he uns ümmer de Preis dal, töw, nu will'n wi em loswarden.

Acht Dag drup wiren in Grimm'n vel Landlud. Of David Aaronsohn lep dor rüm, ditmal mit 'nen nigen Zylinderhaut, denn de oll had doch woll to vel afkregen. Bi Willerten süll de Kurnbörs afhollen¹ warden un in den Saal krawwelte dat von Godsbesitter² un Kopherrn; of David was midden mang un notirte sich wat.

„An fik, den verdammten Jud“, säd Westphal to sinen Nahwer Sandhop, „Du fallst seihn, de driwt uns wedder de Preis dal.“

„Se, wohr is't, he köfft ümmer alls mit mal, nu denn känen de annern tokiken, nu wi krigen halwen Preis.“

„Na töw, ditmal willen wi em los warden.“

„Weiten³“, rep dat von den einen Disch, „tweihunnert-twintig.“

„Wat?“ säden Westphal un Sandhop, „tweihunnert-twintig, is dat ein Preis för unsen Weiten?“

„Los de Föß!“ rep dat mit mal, „Los de Föß!“

Un't würd ein Können un Schuwen⁴ un Stöten⁵, nu Einer namm sinen nigen Zylinderhaut unner 'n Arm un schow un schürte sich dörch den Hümpel dörch un — rut ut de Dör.

¹) abgehalten. ²) Gutsbesitzer. ³) Weizen. ⁴) Schieben. ⁵) Stoßen.

„Wat is den?“ fragen wef. „Wat is Daviden, dat de so löppt un rut ut de Dör?“

„Sühst Du“, säd Westphal to Sandhop, „ick säd Di dat jo, he het sich dat markt.“

Un David kem nich wedder to Börs; he had genug von de Föß.



Das Geburtstagsgeschenk.





Dat irste Kapittel.

Wen sin Unkel he was. Wurher de schweitzigen Fänt¹ kamen, un wat Unkel sich so dacht het un Finning dorto säd.

Unkel Kiepstahl! Thedur Bissmann sin liwlich² Unkel was he, aewer un³ Annern ehr liwlich Unkel was he nich, un doch nennte em keiner anners as Unkel. Un dat had all finen goden Grund. Wenn 's Abends de Stammgesellschaft in den Rathskeller tosam satt, fehlte Thedur un Unkel ni nich, un Thedur säd Unkel to em; un wat füllen wi Annern em anners nennen? Dat heit³ einfach Unkel; „Unkel, heit⁴ all hürt⁴?“ un „Unkel, wo geiht?“ un wenn wi von em red'ten, denn güng dat of ni anners as „na, is Unkel noch nich dor?“ oder „Unkel verspäd't sich hüt doch nich?“ So was he un³ Stammunkel, un he kennte of kein anner Anred, as Unkel Kiepstahl un wunnerte sich, wenn Einer „Herr Kiep-

¹) schweitzigen Füße. ²) leiblich. ³) heißt. ⁴) gehört.

stahl" säd. 'I kamm of blot selten mal vör, höchstens, wenn he mal 'ne Lag to'n Besten gewen had, un Einer let em hoch lewen, denn gäng dat: „Unſ' Unkel, Herr Riepstahl, fall lewen!“

„Sühst Du“, säd sine Fru to em, „alle Welt ehr Unkel büst Du, un jede Hansquast schölt¹⁾ Di Unkel; aever dat kümmt, wenn man sich so wegschmitt²⁾, as Du, un ümmer in'n Keller rümliggt mang de Supbünnen dor; ick weit nich, wat Ein dor Gefallen an sinnen kann.“

Unkel wahnte vör den Knieperdnr, dor had he sich ein lütt nüdlich Hüſchen henbngt³⁾, mit 'nen hübschen Goren dorüm. Dor satt he hüt Nahmiddag mit sin leuwe Fru in de Lauw bi'n Koffeedriuken un schmölte in Gemäudsruh sin Pip dorto. Denn en Geschäft had he nich, de Bäckeri had he an'n Nagel hängt, wil he riklich so to lewen had.

„Weitst Du, Fining“, säd he to sin Fru, „mi dücht, de lütt Stuw dor achter unſ' Schlapstuw steiht eigentlich ganz unbenüzt dor, ick mein, wi können uns dor so'n lütt Badstuw inrichten. Wi hebben de Waterleitung in'n Hus, dat kann sovel nich kosten.“

„Je“, säd Fining, „nich vel kosten; Du schmittst jo mau so mit dat Geld, un wenn ick dat nich tosamem hüll⁴⁾, denn würdſt Du dat jo woll all nah'n Keller drägen⁵⁾.“

„Ick bid Di, Mudding, dat hört jo hier goruich her;

1) schilt. 2) fortschmeißt. 3) hingebaut. 4) hielt. 5) tragen.

ick kenn jo schon dat Led¹⁾. Aever wat meinst Du to so'n lütt Badstuw, kit, Du kümmt dor denn of mal to Pohl²⁾ gahn, un Dokter Olthoff het mi noch nilich 's Abends jeggt, wur todräglich³⁾ so'n Bad mal wir.“

„In'n Keller het de Di dat woll wedder seggt, dat is jo of ein von de Kolonn dor unne. Wat dor all utheckt ward, dat fall ick hier utbaden, wat?“

„I, Mudding, red. 'I künnu doch so schlimm nich sin mit de Kosten, un de Uemstänn sünd jo of nich so schlimm.“

„Ne, för Di nich, Du rönnt ut'n Hus, un wer kann den Murerdreck⁴⁾ rutbringen? Ick un de Dirn, un dat is of so'n Gestell, wenn'k dor nich ümmer bistah, denn dröggt se mi mihr Dreck rin in'n Hus, as rute. Lat mi mit Din Badtrödel tofreden, ick bün all mein Dag ahn Bad utkamen un gesund blewen, wat süll de Trödel heiten?“

„Na, denn nich, ick dacht jo of man so.“

Unkel rokte sin Pip wider un les Zeitung, un Madamming strichte, dat dat man so klapperte, för Unkel Strümp.

„Din Strümp“, säd se nah 'ne Wil, „sünd of all näſlang entwei, ick hew denn of rein niz wider to dohn, as ümmerto för Di Strümp to stoppen.“

„Je, Fining, dat kümmt von de schweiligen Fäut, ick hew Di dat jo ümmer seggt, so'n Bad is dat einzigſt dorför.“

1) Lied. 2) Wasser. 3) zuträglich. 4) Maurerschmutz.

„Wat füll dat man nich, ick hew mein Dag kein Bad nahmen un hew keine schweiligen Fänt. Bon't ewige Gefitt¹ in den Keller kümmt dat her.“

Unkel kennte desen Refrän all to sihr utwennig, as dat he sich daran noch kühren füll.

„Süh, Fining, wenn wi nu so'n lütt Badstuw hädde, denn hadst Du vel weniger Müüh² mit de Strümp. Ick mein, Du aeverleggst Di dat noch mal, un wenn Di dat denn schint, denn künn'n wi uns jo so'n lütt Dings inrichten.“

Nu was de Sak in ein anner Johrwater³ kamen. Fining füll also bestimmen, ob dat wat warden füll oder nich mit de Badstuw, dat let sich ihrer³ hüren.

„Wi kän'n uns dat jo noch aeverleggen“, säd se.

„Ganz as Du meinst, Fining, ick aeverlat Di de Sak ganz un gor“, säd Unkel schlau, denn he wüßt to genau, wenn he wat wull, un se dat nich wull, denn had he niz to willen, wil se em dein ni to willen was.

He les also vergnügt wider un schmökte, wat de Pip hollen wull, denn he had den goden Glowen⁴, dat de Sak mit sin Badstuw nu in'n Schwung kem. Un he had so'n Stuw doch gorto girn, Olthoff had em to vel dorvon vör-makt, un't was to glifer Tid för em mal 'ne Afweslung, so'n Bad. Afriwungen⁵ freg he jo genug — von sin leiw Fru — aever so'n Bad!

1) Sigen. 2) Mühe. 3) Fahrwasser. 4) ließ sich eher hören.
5) überlasse. 6) Glauben. 7) Abreibungen.

„Ja“, säd Finning nah 'ne Wil un kef von ehr Strich¹ up, „ick hew mi de Sak dörch den Kopp gahn laten, 't will mi ok schinen. Fru Zanzel säd nilich to mi: Madamming, säd se, weiten Se, sid² de Tid, dat ick däglich so'n Bad nehmen doh — Se weiten, wi hebben uns de ein Stuw to 'ne Badstuw inricht't — sid de Tid sünd min Koppweihdag as wegblast³, 't möt doch ganz deinlich⁴ fin. Wenn de sich 'ne Badstuw inrichten kann, wat füllen wi ehr nahstahn; wat de kann, kän'n wi tweimal.“

„Woll, woll, Fining, nilich noch het Zanzel mi üm föstlig Mark anpumpen wullt, un nu süh, 'ne Badstuw.“

„Wat? un dorvon heft Du mi gornig seggt?“

„Beruhig Di, Fining, ick hew't em affschlagen.“

„Na, ick wull Di ok nich raden⁵; so'n Schnurrerpad un denn 'ne Badstuw? Wi richten uns ein in, segg ick Di.“

„Woll, woll, Mudding, ick kann jo mal bi Klempler Bleckpott angahn un mi erkunnigen, wat so'n Badwann woll kosten würd.“

„Dat lestt Du bliwen, segg ick Di, wullst Du so'n Dings anhanneln⁶? Di stecken se alls in de Hän'n un alls mößt⁷ Du dreidnwelt betahlen. Ick hew noch genug von den Disch, den Du nilich anhannelt heft, teihn Daler för so'n Schawrack⁸? Fiw Daler is he nich wirth⁹.“

1) Stridereci. 2) seid. 3) weggeblasen. 4) dienlich. 5) rathen.
6) anhandeln. 7) muß. 8) Scharbracke. 9) werth.

„Je, Mudding, dat is jo 'n Patentdich, un so'n Patent-saken sünd dürr.“

„Ach drähn un drähn, anschmert hebben se Di, as se't immer dohn; wat versteiht en Mannsmensch von't Inköpen¹; Dich is Dich, un Patentdich is Unsinn, wat? 'nen Etdich is't.“

„Je, Fining, Discher Becker säd't doch.“

„In'n Keller woll wedder.“

Unkel marckte all wedder, dat he man schwigen müßt, süß würd fin Badstuw am Einn noch to Water.

„Na, Mudding, Du meinst also, ic fall nich hengahn nah'n Klemper?“

„Dat ward ic besorgen.“

„Na, god denn, wenn ihrer² denkst Du denn so?“

„Je, wenn 't Tid hew. Wat heft Du för'n Drivwel, het dat denn so'n Zl?³“

„I ne, aewer ic dacht so: Kit, in vier Wochen is min Geburtsdag, un Du heft dat jo an de Mod, mi denn immer beten to schenken. Kit, wenn nu so to de Tid de Sak in de Gang kem, denn wirst Du glik ut de Berlegenheit, wat Du för mi utsäufen⁴ jüllst. Ic mein man so.“

„Na, wi warden jo seihn, ob't sich maken lett; ic will dat woll besorgen, un Du bruckst dor nich wider an to denken, Du weisst, mit de Geschenken mag ic dat immer girn heimlich, also vergetst⁵ Du mi dat wedder, hörst Du?“

¹) Einkaufen. ²) wann. ³) Eile. ⁴) aussuchen. ⁵) vergift.

„Woll, Fining, woll, verget ic dat wedder bit dorhen.“

Fining fängt wedder an to strichen, Unkel rokt un leßt. Aewer he had nich mihr de rechte Raub; as dat schinte Von de Stadt raewer hürte he de Tornklock eben half schlahn. Galf söß!¹ Noch 'ne Viertelstunn, denn was fin Gahelstid;² kein teihn Pird hüllen em denn mihr to Hus, süßwst Fining nich, un se had sich drin gewen. Aewer in finen Erlösungsbecker³ müßt se em immer noch so'n Druppen Warmod⁴ driuppeln, anners kem he ni nich ut'n Hus. Hüt marckte se em finen Drivwel denn of all wedder an.

„Na, dat brennt Di woll all wedder de Städ. 'T is doch nich mäglich, mal aewertoschlahn⁵. Dat weit der Kuckuf, wat Di dor hentreckt⁶ nah den ewigen Keller, dese ewige Snperi un dat Kortenkloppen, ic weit nich, wur ein Minsch dor Geschmack an finnen kann.“

„Je, Mudding, dat is doch mal, dat man beten wat het.“

„Wat het? Wat het? Hest Du mi nich, Du olle grave⁷ Kirl, bün ic Di nich 'nog? Bün ic nich beter, as Din Supkolonn dor unnen un de Hanswusten von Kirls dor?“

„Fining, red doch nich so, Du weisst, wat Du mi büst.“

„Ja, to'n Katen⁸ un Strümpstoppen un Hosenkноп-
anneihen⁹, wenn se Di bi de Snperi dor asplagt sünd, dor bün 't god genog.“

¹) halb sechs. ²) Ausgehzeit. ³) -becker. ⁴) Vermuth. ⁵) über-
zuschlagen. ⁶) hinzieht. ⁷) grober. ⁸) zum Kochen. ⁹) -annähen.

„Mudding, all Dag de süßwe Veier, lat dat doch, wat müt de Mann doch hebben.“

„De Mann! Ja! Un de Fru? Ich kann hier sitten un Strümp stoppen? Un de Mann löppt to Bier? Me nette Zurichtung dat! Verzagen künn Ein dorbi.“

„So iver¹ Di doch blot nich, Fining, Klock acht bünn't jo wedder dor, dat is doch warraftig kein Superi? Dor sit anne an, de sitten bit elben, twölben.“

„Un Du? büßt Du nich nilich noch Klock elben nah Hus kamen, un ich kann sitten un wahren² mit dat Abenbrod?“

„Je, Mudding, mal kümmt dat woll vör. Man kann bi'n besten Willen nich immer afkamen.“

„Ach wat, mi kannst Du't jo vörreden. Nu mak man blot, dat Du wegstümmst, dat brennt Di jo all.“

„Na, denn adjüs, Fining, Klock acht bünn't wedder hier.“

Dormit trof Unkel af. He kenne dat nich anners, denn anners kem he ni nich weg. Un't was em schließlich ok all to de Gewohnheit worden, un 't hülp un schad'te jo ok nich, he kem doch weg, un dat was de Hauptsak.

¹) eifre. ²) warten, hegen.

Dat tweede Kapittel.

Wat so'n Schapskopp för ein Vergnügen is. Wer de Apen jünd, un dat se wat to seggen hebben un wat asrigen. Worüm dat he nah Nidel schmeckt, un dat dat alls nig helpt. 'N kollen Pudel.

Unkel het kein Tid mihr.

Unkel brukte¹ sich nich lang to besinn'n, wecken² Weg he inschlahn süll, he kenne em jo to genau. Un uphollen³ unnerwegs was ok nich, noch to hüt Abend, wur wedder Spelabend⁴ was, un so'n Schapskopp was Unkel sin Luv- un Magenspill. Punkt söß güng't immer los, twei Null'n bit sößtig rup, so was dat Geseß. Un Punkt söß kem Unkel denn ok in'n Keller rin un tred an. De Stammdisch was all half beset't. För de Spelparthie was aever de ein Nebendisch inricht't, denn bi dat Gedraehn un Gered an den Hauptdich künn man sin Gedanken to't Spill süß nich tosamhollen. Aever trotzdem blew⁵ ein Tosamhang twischen beide bestahn dörch allerlei antögliche⁶ Redensorten, de von beiden Siden utwesselt⁷ un inwesselt würden.

„Na nu giw, Gustav“, säd Unkel, as he blot set, denn he had dat immer am hildsten⁸.

Gustav Petersen gew an.

„Fiv Kode“, säd Unkel glit an.

„Je, wur Du mit Din fiv Kode henwillst“, säd de tweit' Mann, Krishan Kieck, „schwart möten⁹ se sin, fiv Schwart.“

¹) brauchte. ²) welen. ³) aufhalten. ⁴) Spielabend. ⁵) blieb. ⁶) anzügliche. ⁷) ausgetauscht. ⁸) eifrigsten. ⁹) schwarz müssen.

„Lat Di nich afdrängen, Unkel“, säd sin Wijawi un Mitspelers Gustav Petersen, „ick help Di.“

„Holl¹ dat Spill fast²“, rep Niecken sin Wijawi.

„Söß Rode“, rep Unkel nochmal.

„Söß Schwart“, säd Nieck.

„Weiß der Demwel, dat geiht jo wedder nett an, kein Spill laten se Einen.“

„Gr'n n'abend“, säd de Wirth dormang, de eben 'ran-ken un jeden von en de Hand gaw, „na Kinnings, wedder sfitig³ bi? Wur steht't, Unkel?“

„Ne, seihn Se blot, Badding“, — so würd de Wirth nennt, un he nemte sin Gäst all Kinnings — „sehn Se blot, is dat nich 'ne Schand? So'n Spill? Un dat laten se Einen nich?“

„Söß Schwart“, freichte⁴ Nieck noch mal dortwischen.

„Se, dat ward woll nig helpen“, säd Badding, „he is En ditmal aewer.“

„Na, denn spel Din Schwarten“, schmet⁵ Unkel so von haben weg.

„Lat em denn“, tröst'te sich Gustav, „lat de Kinner eten, wi kamen ok noch 'ran.“ Un Unkel spelte ut. Nieck gewünn sin Spill.

„Kein Wunner“ säd Unkel, „se hadden se⁶ jo beid alltojam.“

„So'n Spill spelen se in Dllfähr⁷ ok“, meinte Gustav.

1) halte. 2) fest. 3) fleißig. 4) trächte. 5) warf. 6) nämlich die Trümpfe. 7) Dorf auf Rügen, Stralsund gegenüber.

„Ja, wenn se't hebben“, säd Niecken sin Wijawi, Korl Nickels, „irst hebben un denn spelen.“

„Se, wur spelen wi aewerst ok“, säd Nieck un schlog sich vör de Boß¹.

„Na, wur vel will'n ji dorför hebben?“ säd Gustav, de dat Anschriwen² besorgen ded.

„Se, drei Mateduren, ein för't Spill un — rut wir'n³ ji jo woll gornich? söß Stück.“

„So?“ säd Unkel recht spitig un mit Nahdruck, „hier, einundörtig⁴, is dat nich rut?“

„Dicke raus“, bekräftigte Gustav, „nu fik, bedregen⁵ noch haben in, wenn man nich uppast, as so'n Scheithund“. Vier Stück krigen ji anschrewen.“

„Na, lat't“, säd Unkel, as wedder geven würd, „lat en dat Vergnügen, ick mag't irste Spill gornich hebben, de irsten Blumm'n sünd ümmer madig.“

„Se, wat de Mag' het, dat het he“, säd Nickels.

'I Spill güng wedder an. Unkel in Börhand.

„Ick hew rein gornig“, säd he, „ne, ick möt passen, ick krig keinen tojam.“

„I, ümmer wat beden⁶“, müntert' em sin Wijawi up, „Du heft man kein Kurasch.“

„Se, Gustav, dat geiht nich.“

1) Brust. 2) Aufschreiben. 3) heraus, aus dem Schneider, d. h. wer 30 Augen in den Karten hat. 4) einunddreißig. 5) betrügen. 6) Schießhund, Jagdhund. 7) bieten.

„Ick paß ok“, säd Rieck.

„Na, denn het Gustav woll alls“, säd Nickels, „ick hew ok niz.“

„Forz trawallje!“ rep Gustav un boehrte² sich to Höcht un kef de Annern an, as wull he fragen, „wat kost't Stralsund?“

„Dunner ja!“ rep Unkel un fot³ sich an't Kinn.

„Na, de sitt jo lebendig vull“, säd Rieck.

„Ne“, säd Nickels, „gegen so'n Meßhümpel kann't nich anstinken.“

„Forz trawallje“, rep Gustav nochmal, „rut, Unkel, wi will'n en de Wust⁴ all anschniden.“

„Se, wat fall't utspelen?“

„Ganz igal, ick steck alls, ümmer de Assen.“

„I, dit is jo nett“, säd Rieck, „willst Du em nich leinver⁵ noch seggen, wecke Ass he spelen fall? Dat's jo gor kein Spelen.“

„Ne, so'n Besegg verbidd ick mi“, säd Nickels.

„Na“, rep Unkel, „he war⁶ doch woll von Assen reden können? Hew ick all weck? Hier, grün is die Liebe, säd Gahlbeck un strikt⁶ sin Finsterladen brun⁷ au“, un spelte Pif-König ut.

„Iß dat alls?“ frog Gustav gauz enttäuscht, „wenn Du ok gor niz heft . . .“

¹) force travaillé, das höchste Spiel beim Schafskopf. ²) hob.
³) saßte. ⁴) Wurft. ⁵) lieber. ⁶) streicht. ⁷) braun.

„Hier! wat seggst't uu von Kopenhagen?“ säd Rieck un güng mit't Ass aewer, „wenn he nu ok noch einen het, denn krigen wi em bi sinen Forz trawallje.“

„Se“, säd Gustav, „dat füll jug schmecken! wi will'n jug de Deckertähn all¹ utbreken“, un stof.

„Se“, brummelt Nickels so verluren för sich hen un kef sine Kortzen de Reih nah dörch, „dat's buten so as vör de Dör, ick hew ok niz“, un schmet² en lütten Pif bi.

„I, hadst Du nich aewerstecken³ künnt?“ frog sin Wisawi.

„Istt hebben“, säd de, „füll't mit 'n Finger stecken? Worüm gehst Du ok mit den Ass rup, Du weitst jo, he het alls.“

„Se, wat füll't dormit, he had jo doch einen hebben künnt.“

„Du hadst em jo warm stellen künnt“, meinte Unkel.

„Hew't Di dat nich seggt“, säd Gustav to Nickels, „giv den Jung de Fiedel nich? Hier, wi will'n jug de Tähn all uttreken“ un spelte de Trümpf von baben dal.

„I, so spelen f' in Zarrndörp⁴ ok“, meinte Rieck.

„Wie spielen wir aber auch!“ säd Gustav, „von uns kån'n ji wat lihren“, un schrew de twölf för'n Gewinnst an.

„Na, an wecken Schwinstaben⁵ heft Du Di vörhen schürt?⁶“ frog Nickels, dor kam'n ihrlich Lüüd⁷ nich mit.“

¹) schon. ²) warf. ³) überstecken. ⁴) Zarrendorf, ein Dorf bei Stralsund. ⁵) Schweinekofen. ⁶) geschneuert. ⁷) ehrliche Leute.

„Je“, säd Rieck, „wi warden uns woll so dörschreten möten, aewer Du hest jo ok rein gorniz.“

„Je, wurher nehmen un nich stehlen?“

„Na, nu lat man de Dodenred fin“, säd Gustav, „dat Spill is jo beirdigt¹⁾, un ick hew uns uns²⁾ twölben all an-schrewen.“

„Säd ick nich?“ säd Unkel, un gaw vergnängt Kortzen, „säd ick nich? de irsten Plumm'n sünd madig.“

Unkel had Recht, se blewen ir'n Gewinnst, de irsten Plumm'n, de Rieck plückt²⁾ had, wiren madig west.

„Na, wi krigen woll kein Bein to Erd?“³⁾ frog Rieck nah 'ne Bil⁴⁾, „wur steiht denn?“ Gustav schow⁵⁾ em de Lütt Tafel hen, „Dunnerwedder, ji hewt all achtuntwintig, un wi stahn ünner noch up teihn?“

„Je“, säd Gustav, „wi führen Biloziped un ji gah't to Fot.“

„Dat ward uns en düren Kramt waren“, meinte Nickels.

„Wenn w' man blot keinen Apen noch krigen“, säd Rieck. So würden de Tokifers⁶⁾ heiten, de ünner einen Kurn afkregen⁷⁾, wenn't an't Drinken güng.

„N' abend, Kimmings, na, wo steiht?“ frog Siewert, de beten von den Hauptdijch 'rankem, „kümmt dor beten bi rut?“ un schow sich en Stauhl 'ran.

1) beerdigt. 2) gepflückt. 3) Erde. 4) Weile. 5) schob. 6) Zuseher. 7) abbekamen.

„Na, Unkel“, säd Bruhn un rückete von dräwen¹⁾ raewer, „wur stahn de Aktien?“

„Bald in Reinbarg?“ frog Paul Lising, de eben in den Keller kem un sich glit wat 'ransette, „Lütt Pries gefällig?“

„Man her“, rep Gustav, un de Priesdos güng rüm.

„Wat ji för'n Küker²⁾ hewt“, säd Rieck to de Apen, de nu an jede Eck seten³⁾.

„Woll schöne Törwstreu⁴⁾“ meinte Nickels un langte in de Doj.

„Oho“, säd Paul Lising, „Offenbacher Kapch Nummer Null.“

„Ja — pschi! — ja — rü — pschi! — rücht⁵⁾ — pschipschi! — ok dornah.“

„Na, nu warst woll Luft krigen“, säd Lising.

„Weiter im Text“, rep Gustav dormang, „des' Apen hebben jo woll mihr to seggen, as wi hier. Giw, Unkel.“

Unkel was wedder an't Gewen.

„Je, wenn de giwt“, seggt Rieck, „denn frig'k ni nich wat. Du kannst Di de Finger man vergollen⁶⁾ laten.“

„Je, Din Mann nimmt man nich orig af“, säd Unkel, „an't Gewen liggt dat nich, dat liggt an't Afnehmen.“

„Na, wenn't nu nix ward“, säd Nickels, un boerchte⁷⁾ de Kortzen so behautsam af, as had he en roh Ei in de Hand.

„Sck hew warraftig wedder nix“, rep Rieck, as he de

1) drüben. 2) Kiecher. 3) saßen. 4) Torfstreu. 5) riecht. 6) vergolden. 7) hob.

Korten upnehm, „dat weiß der Deuwel, so as ick s' upnehm, hew ick s' in de Hand.“

„Ja“, säd Unkel, „wenn dat nich boddert¹, denn boddert dat nich.“

„Soeben Schwarte“, rep Gustav.

„Dor, segg ick nich, kreih² de all wedder“, rep Nickels.

„Na, Du heft of rein gornix“, säd Paul Vising to Unkel, „de kannst Du för Geld seihn laten.“

„Na, nu hez em noch up“, rep Nickels, „spelen dohn se ümmerto, un wi fitten hier mit de blote Mag in de bitterböse Käll³“.

„Soeben Schwart“, rep Gustav nochmal.

„Je, Du verstehst man nich to spelen“, säd Paul Vising to Nickels.

„Nu spel ut, Rieck“, winkte Gustav.

„Dorför is he jo bekannt“, rep Siewert von de aune Eck.

„Nu fik de Apen! De hebben jo woll 't Wurd?“ säd Nickels.

„Utspelen“, kreih²te Gustav ungedüllig.

„Ja, ick hew mi schön vermeid't⁴“, rep Rieck, „min Mann is so god as bor⁵ Geld.“

„Na, Du schwig man still, wat settst Du dat Pit-As⁶ vörhen rin, hadst Du dat nich uphegen künnt?“

„Zum Dunner, spel ut“, schmet⁶ Gustav wedder dormang.

¹) buttert. ²) kräht. ³) Kälte. ⁴) vermiethet. ⁵) baares^o) warf.

„Hier“, säd Rieck, un spelte Kör-As⁶ ut.

„Ja, he spelt as en Nachtwächter“, meinte Bruhn, „as ick nilich mit em spelte, verluren wi of.“

„Na, Du büßt grad so'n Happen, wenn Du nich de Hand vull Trümf heft . . .“

„Ned un red morgen wider, hier, ick hew staken¹“, säd Gustav un schow em de Korten hen.

„Dat of noch. Je nu, wat denn? Kör?“ un Nickels schmet de Teihn rin.

„Na, nu hür Einer“, rep Rieck, „hadst Du keinen annern, as de Teihn, he het jo steken?“

„Steken? Wo so?“

„Na, Du sittst woll up de Uhren², dor sall Einer of woll gewinnen.“

„Je, Nickels, Du lat Di dat Lihrgeld³ mau wedder gewen“, säd Paul Vising, wat schmittst Du nich de soew⁴ rin?“

„Je, ick segg jo, he spelt as en Noetap⁵“, rep Rieck.

„I wat, wenn't dat doch nich seihn hew, ji reden Einen jo ganz verrückt.“

„Wider“, säd Gustav, „lat doch jeden spelen, as he will.“

„Je, Du heft god Reden“, lachte Rieck, aewer⁶ so'nen Mann!“

„Nu paß up, Unkel“, säd Gustav, un spelte wedder ut, „nu will'n wi em to Alder laten.“ Hier un hier un hier,

¹) gestochen. ²) Uhren. ³) Lehrgeld. ⁴) sieben. ⁵) Aufsaße. ⁶) aber.

alls unj", un dorbi trof he de Korten rut un läd se up den Disch; „na?“ frog he dorbi, „hat noch Einer was zu haben? Acht Stück frigen wi“, un he schrew an. „Reinbarg“, rep he mit mal, „Proppen los!“

Herrjeh, wat würd't för'n Upstand an den Hauptdich; as had 'ne Bumm¹ inschlahn, so flog alls von de Stänhl up, un as wir de Speldich de einzigt sekere Punkt bi dat Bumbardement, so flog alls dor raewer. Denn „Reinbarg“ un „Proppen los“ was dat Signal, dat dat an'n Schapzkoppdich wat to drinken gew.

„Wo steiht, wo geiht?“ so güng dat mit mal fürchterlich deilnahmzvull, un so'n teihn² Upen seten³ üm de vier Schapzkoppipeler.

„Dummerwedder“, lachten Unkel un Gustav, „Niek, ji fän't woll so'neu Daler losmaken?“

„Je, mit so'neu Mann is't of kein Wunner, de spelt jo dat Blag⁴ von den Hewen⁵ dal.“

„Na, Niek, Du schwig man still mit Din Reden, Du . . .“

„So“, säd Gustav to den Kellner, de eben rankem, „hier, teihn, zwölf, vierteihn“, un dormit tellte⁶ he de ganze Gefellschaft, de mit mal üm den Disch satt, „so, vierteihn Sup, ick drink en Kurn, wer noch?“

„Ick nehm leinwer 'ne Zigarr, Gustav; Du weißt, de oll Kurugeruch, dat is naher, wenn ick to Hus kam . . .“ säd Unkel.

1) Bombe. 2) zehn. 3) saßen. 4) Blauc. 5) Himmel. 6) zählte.

„I wat, also vierzehn Körner, aewer von den Barg'schen, auf Rechnung, den es angeht.“

„Wer is denn de Glückliche? darf man fragen?“ säd Otthoff.

„Nemmer zu“, säd Niekels, „wer fröggt, ward of woll Antwort frigen.“

„Ah“, güng dat im Allgemeinen, „mein herzlichstes Beileid.“

„Wat'k dorför hew“, kreichte Niekels argerlich.

„Traurig für die Hinterbliebenen“, meinte Paul Lising.

„Si had't ruhig dorbliven künnt, wur ji seten“, säd Niek, „wie kän of ohne jug Biled¹ bestahn.“

„So, hier“, säd Gustav, as de Kurn ankemen, „an die Gewehre!“

„Mi den Groten“, rep Niek dortwischen, „wenn'k bezahlen sall, will'k of wat för min Geld hebben.“

„Mi dücht, de Gläy warden ümmer lütter“, säd Niekels.

„Na proßt, der Gastgeber soll leben“, güng dat mi.

„Schmeckt de sänt²“, säd de Ein.

„De schmeckt billig“, säd de Aune.

„Dat deiht he“, meinten mihrere.

„De schmeckt nah mihr“, säd Gustav.

„Mi schmeckt he verdeuwelt nah Niek“, meinte Niek.

„Je, kan'k 't of wagen?“ säd Unkel.

„I, mak man de Dgen to un denn runne dormit.“

1) Beileid. 2) süß.

„Na, auf Wiedersehn“, säden drei Mann un trocken wedder nah dräwen, „dat is hier to eng.“

„Besten Dank, Herr Gastgewer“, säden wedder drei. Un't durte¹ nich twei Minuten, wir de Schapzkopp wedder allein, un an den Hauptdijch güng dat los von: „Noble Lente, das“ un „dat se Einen doch wat afgewen.“

„Passirt mi dit noch einmal“, säd Nickels, „denn betahlt ick dat nich. So'n Genassauer!“

„J“, säd Unkel, „wenn Du mau einen askrigen kanst, denn nimmst Du em of, wur Du em frigen kanst.“

„Je, Du büst of von den Stamm Rimm“, säd Paul Vising, „verschmaden² deihst Du so licht of nix.“

„He lett warraftig nix anbrennen“, säd Gustav.

„So“, meinte Rieck, „nu hebben wi beting³ schmert, nu ward dat woll beter gahn.“ Un dormit gaw he wider, un't Spill güng wedder los. Newer de Utsichten beterten⁴ sich nich, un nah 'ne korte Tid rep Gustav: „Nu noch twei, denn sünd wi in Gripzwold⁵.“ Un't kem so, Unkel un Gustav kemen eben in Gripzwold an, denn se benemten de Statschonen up den Weg von ein bit söftig nah de Statschonen up de Schasse von Stralsund bit Gripzwold. Dor liggt Reinbarg in de Midd⁶.

„So“, säd Gustav, „un de sünd nich ut Brandshagen rutekamen; dor hebben ji jug woll vör Anker leggt in den

¹) dauerte. ²) verschmähen. ³) bischen geschmiert. ⁴) besserten.
⁵) Greifswald. ⁶) Mitte.

Schassegrawen? Na, de irst Kurn heit¹ nah jug, Rieck, 't Kind möt doch einen Namen hebben.“

„Ja, dor hew ick lang wat an“, säd de, „vergewis het mi de Kurn vörhen of nich nah Nickel schmeckt.“

„Ick nehmi mi 'nen annern Stanhl²“, säd Nickels, „des' dögg³ nich.“

„Sett Di man stillschwigens von links rup“, rad'te⁴ em Gustav, „denn helpt dat.“ Un Nickels ded dat.

„So, nu nimm noch 'ne frische Pries“, säd Paul Vising, un langte em sine Schnuwtobacksdof hen, „un weunt denn nich helpt, denn weit ick Di nich to helpen.“

Newer hüt Abend seten Unkel un Gustav in'n Gewinnst, un de annern beiden kregen kein Spill torecht. Nickels was argerlich, as dat jo of erklärllich is, wenn Ein den ganzen Abend bi't Schapzkoppspill as so'n Schapzkopp sitten möt.

„Dor sitt ick nu mit min Kenntniß⁵ un kann se nich verwirthen⁶“, säd he.

„Na, so wid sünd de of nich her“, säd sin Mann.

„Du möst Diuen Mann de Worten mau beter toschneiden⁷“, rad'te Vising em, as he wedder afnehmen müst.

„Ick will't mal mit de linke Hand probiren“, un dormit ded he dat.

Newer 't hülp alles nich. De Annern wiren all wedder dicht vör Reinbarg, dunn was Nickels un sin Mann noch nich nah Brandshagen hento. De Utsichten stünnen sihr schlicht.

¹) heist. ²) Stuhl. ³) taugt. ⁴) rieth. ⁵) verwerthen. ⁶) zuschneiden.

„Mi dücht, mi ward de Buckel wat frieren“, säd Nickels, un schüdt¹ sich, as de Gegenpartei wedder ein Spill gewonnen had, „ick glöw, dat tüht² hier wat. Lising, Du kümst eigentlich min Parthie aevernehmen, ick möt³ nah Hns.“

„Wat süll dat man nich mit mal teihn?“ säd Unkel.

„Wur süll⁴ Di de Buckel von frieren warden?“ frog Rieck.

„Worüm süll mi de Buckel nich frieren warden können? Tüht jug dat nich of towilen?“

„J, dor is jo gor kein Dör apen“, säd Gustav.

„Spel Du man Din Spill to Einn“, säd Lising, „ji kânt noch god en inhalen⁵, je süng all oft nog vör Gripswold bi hacken blewen, drink man mal, denn ward Di de Buckel all wedder warm.“

„Wat süll Lising sich denn of up Dinen Platz setten, wenn dat dor tüht“, meinte Unkel, süll de of noch en kollen Buckel frigen?“ He had Nickels leiwere to’n Begner as Lising, wil de em to geriewen⁶ was.

So hülp dat denn nix. He müßt mit sinen kollen Buckel man to Einn spelen un warrahtig füllen⁷ Nickels un Rieck bi den tweiten of rin.

„Dat’s ’n billigen Abend west“, säd Unkel.

„So?“ frog Nickels spiz, „mi is’t en düren west.“

¹) schüttelte. ²) zieht. ³) muß. ⁴) ziehen. ⁵) sollte. ⁶) zuweilen. ⁷) offen. ⁸) einholen. ⁹) gerieben. ¹⁰) fielen.

„As man’t nimmt“, säd Gustav, „den Einen sin Schaden is den Annern sin Buttel¹.“

„Na“, tröstte Rieck sich un sinen Mann, „dat is blot geleiht², wi willen en dat all wedder afnehmen. Wi seihn uns wedder.“ Un dormit was denn de Schapskopp för hüt³ to Einn.

„Na“, frog Badding, de eben mal wedder ranke, „is’t Geschäft all schlaten?“

„Je“, säd Nickels, „de hebben jo mihr Glück as de Polezei erlaunt.“

„So?“ säd Badding, „na, denn maht man noch Einen, un ward sich dat Blatt doch mal wennen. En god Pird treckt⁴ tweimal.“

„Ne, ick hew kein Tid mihr“, säd Unkel.

„Un mi ’s de Buckel all kolt worden bi dit Geschäft.“

„Oh, dorför is en lütten Warmod⁵ god“, säd Lising, „Du kümst jo’n lütten utgewen, mi is de Sid⁶ hier nah Di hen of ganz kolt worden, ick glöw, Du heft mi austickt.“

„Na, denn warm Di man allein up, ick ward all warm warden“, säd Nickels un stünn up; „gu’n Abend“, un he güng af.

„De ’s wat fuchtig⁷“, meinte Unkel.

„Je, wenn he nich gewinnt, is he nich to brufen“, he spelt blot ün’t Gewinnen“, säd Gustav.

„Je, dat geht mihr Lüüd so“, säd Rieck.

„Na, ick gah“, säd Unkel, „de Klock is acht, ji bliwt

¹) Vorthail. ²) geliehen. ³) heute. ⁴) schon geschlossen. ⁵) zieht. ⁶) Vermuth. ⁷) Seite. ⁸) feucht, ärgerlich. ⁹) gebrauchen.

woll noch en beten sitten, wat?" Un dormit langte he sich den Haut.

„Unkel“, rep Olthoff von den annern Disch, „noch ein Wurt. Wnr is dat mit Din Badstuw? Ick hew dor mit Klemper Bleckpott mal red't, wat so'n Inrichtung kost't, he säd mi, so gegen . . .“

„Ja lat man, ick will woll mit em sülvst reden.“

„Ick säd em, Du hadst Lust, Di so'n Stuw intorichten, he will mal 'rutkamen nah Di in des' Sak.“

„Lat em man, lat em man, ick kam all sülvst, segg em man, ick kam sülvst, he brukt¹ sich nich to bemäuhn.“

„Je, ick dacht süß².“

„Ne, lat man, de Sak künmt all in Gang, blot nich so ilig³ dormit; na, gu'n Abend.“

„I, sett Di doch noch en Ogenblick dal, wi hebben jo noch gornig von Di hüt Abend hat.“

„Ne, ne, ick hew hüt kein Tid, gu'n Abend.“ Un dormit güng he af.

„Vör sin Dilsch het he doch bannig⁴ Manjchetten“, säd Gustav, de an den Hauptdisch ranken; „de Ein het en kollen Puckel un de Anne het en Grugel vör en natt Johr. Je, wat nich alls jung ward in de Welt.“

„In vier Wochen het he Geburtsdag“, säd Olthoff, „denn dörrvt⁵ ji em nich wedder jo lopen laten.“

¹) brauch't. ²) sonst. ³) eilig. ⁴) tüchtig. ⁵) dürst.

„Je, wenn he denn man den Abend vörher künmt“, meinte Gustav, „de oll Foh is to klaut¹, un sin Respekt vör Mudder is to grot. He ward denn woll wedder Schnuppen hebben.“

Das drütte Kapittel.

Dat kein Ros ahn Durn is, un wat de Herr „Gemahl“ to willen het. Ob Klemper Böthkohn of „Unkel“ heit. Wnr god dat is, dat Janzelsch ein het.

Unkel aewer stürte² rut ut den Dur mit dat erhebende un berauhigende Bewußtsein, dat he hüt to rechte Tid kem, un dat dat hüt ahne Ausringung³ aslep⁴.

Aewer, aewer, so geiht dat in de Welt. Nix is jo vullkamen, un keine Ros ahn Durn. In den klorsten Freudenbeker möt ümmer wedder en Druppen Warmod fleiten⁵, un as Fritz Tredup nilich mit en nigen Zylinderhaut un en nigen Kammgoruaewertrecker⁶, de so recht blaue in de Sünn spelte⁷, buten den Knieperdur güng un sich freugte, wur de Lüid em anfeken un sich aewer finen Staat freugten, un he sich in de Bost schmet un to sich säd: „Hüt geltst⁸ Du wat“, dunn flog so'n lütten unschülligen Reifig em aewer den Kopp un let em of so'n lütten Warmodsdruppen in finen Freuden-

¹) zu kurz. ²) stürzte. ³) Abreibung. ⁴) abließ. ⁵) fließen. ⁶) überzieher. ⁷) spielte. ⁸) heute giltst.

beker — wat ditmal de nige Zylinderhaut was — fallen, un von dor noch up den nigen Kammgornaewertrecker gliden¹ — un de Freud un dat stolze Bewußtsein was knickt, un he müßt man irst in en Hus flüchten un mit de Promenad was't all. So süll dat Unkeln hüt of gahn. He had gewonnen — ein Grund to Freud un sich in de Post to schmiten — he kam to rechte Tid nah Hus — noch mihr Grund to stolzes Sülvstbewußtsein, un — he had Olthoffen Bescheid seggt, blot Klempler Bleckpotten to stür'n², dat de sin Fining nich vorgrep³ — he schwevte⁴ man so in de Husdör rin, so wollgemaud was he selten nah Hus kamen un had de Stuwendör selten so licht apenmaakt as hüt.

„N' Abend, Fining!“ säd he so recht glücklichstrahlend.

Klack! süll⁵ em so'n Druppen up den Kopp, as nilich⁶ Treduppen.

„Dit is mi jo 'ne nett Dräweli⁷ un en nett Heimlichdohn! Irst pumpt Zanzel Di an un ick krig nix nich von to weiten⁸, wenn't dat nich so biweg'lang to weiten krig, wat brukt de Fru of to weiten, de kann jo Strümp stoppen un Hosenkноп anneihen⁹, dor to is s' god genug, un nu? Nu möten¹⁰ mi de Lüüd dat Hus inrönnen, un ick weit von nix? Von gor nix weit ick un stah dor as Trumf söß?¹¹“

„Wo so? Fining, wo ans?¹²“

¹) gleiten. ²) steuern, abhalten. ³) vorgriff. ⁴) schwebte.
⁵) fiel. ⁶) neulich. ⁷) Lauferei. ⁸) wissen. ⁹) annähen. ¹⁰) müssen.
¹¹) sechs. ¹²) wie?

„Wo so? Wo ans? Hahaha, dit is nett.“

„Ick weit warrachtig nich, Fining, warrachtig nich.“

„So? Na, denn frag man Din Supfrünn¹ dor unneu in den Keller, de warden dat woll weiten, dor ward dat woll all nog döörnahmen sin, un ick? Ick bün jo aewerflüssig.“

„Warrachtig, Fining, ick weit nich, wat Du meinst.“

„So? Du weitst nich? O, Du büst jo de wohre Unschuld, Du oll Klactertasch², en Waschwif büst't, en Schnackfatt . . .“

„So iver³ Di doch nich, Fining, wat is 'e los?“

„Dat Hus hebben se mi inrönn't nah Din Badstuw, un ick weit von nix, weit reinen⁴ von nix, dat Du dat all tosam drämmelt⁵ heft. Mi ward seggt, ick fall mi dat aewerleggen, un Du rönnst in de Stadt rünn un drämmelst Di hier wat an un dor wat an, un maakt Di ut den Stohm⁶, wenn't losgeiht, un ick weit von nix, reinen von nix?“

„Olthoff!“ dachte Unkel, un ein Grund to sin Beruhigungsgesühl süll em ün, „möt de of so ilig dormit sin.“ „Kewer Fining“, säd he, „ick bün warrachtig unschüllig doran, Olthoff säd mi, he had mit Klempler Bleckpotten spraken, un ick säd em . . .“

„Olthoff, ja, de weit jo of, wat sich för Di paßt, hahaha, ja de Supfrünn, de maken dat jo all recht, de goden Frünn, un Din Fru — he? Un ick segg Di nu, hausten⁷ kannst Du

¹) Saunfreunde. ²) Klappertasche. ³) eifre. ⁴) weiß rein. ⁵) gelaufen. ⁶) Staub. ⁷) husten.

Di de Badstuw, ick segg Di nu, hausten kannst Du se Di, kein Klempner kümmt mi wedder aever den Dörenfüll¹."

"Aewer Fining, ick bin warraftig ganz unerschuldig; Du füllst de Sak in de Hand nehmen, warraftig."

"Nett, sühr nett, hahaha! Un de näswatrigen² Bleckschosters³? Wer het mi de in't Hus schickt? Eben büßt Du rut, kümmt Bleckpott of all an — Du hadst de Sak mit em jo of all so nett infädelt — un seggt: „Gu'n Abend, seggt he, un mit Berlöw, ick wull mal fragen, Ehr Herr Gemahl — „Gemahl“ säd he, hahaha! — Ehr Herr Gemahl wull sich jo woll 'ne Badstuw inrichten, un ick wull mal fragen, ick hew dor 'ne nette Utwahl⁴ von Badwannen un legg of de ganze Inrichtung sülvst an.“ „So?“ frag ick, „also min Mann, wull ick seggen, min Gemahl wull dat? Is jo sühr nett, Herr Bleckpott, he is ogenblicklich in'n Keller . . .“ „Dor?“ fröggt he, un wist⁵ nah de Kellerluk, „denn kann ick jo mal nahstigen un em glük sülvst fragen, ob ick de Arbeit nich krigen . . .“ „So?“ frag ick, „het he dat Bestimmen? Un dor? wat süll he dor in den Keller, dat is min Revier, in den Rathskeller is he, wur süll he sich amers uphollen⁶, to Hus is dat jo to langwilig, in'n Rathskeller bi de Snpokolonn . . .“ „Na, denn entschulligen Se, Madamning, ick kam mal wedder to gelegene Tid vör“, seggt he. „Is gornich nödig?⁷“, feg ick, „un mit de Badstuw,

¹) Thürentritt. ²) nasewässrigen. ³) Bleckschuster, Klempner.

⁴) Auswahl. ⁵) zeigt. ⁶) aufhalten. ⁷) nöthig.

ick will dat nich“, un dormit güng he af; de kümmt nich wedder nah mi.“

„Aewer Fining, de Mann dörf doch woll mal anfragen, e het dat woll hört¹, dat wi uns so'n Stuw . . .“

„Het dat hört? Het dat hört? Wat het he to hören, wenn ick dat noch gor nich mal weit? Bün ick nich Din Frn?“

„Ja, Fining, aever wat iverst Du Di dorüm so?“

„Iwerst bi? Dat fall mi nich ivern? Bün ick so'nen tagen² Hund as Du, den nix rührt? Iweren? Kum is de Ein ut den Hus, dunn kümmt noch so'n Kirl? Klempner Löthkolm! Wat weit de dorvon? Weit de dat of all?“

„Gu'n Abend, seggt he, mit wohlwollender Bewährung³, seggt he, un ick hätte gehört, daß Herr Dunkel Reiffstahl -- hört Du? „Dunkel“ säd de, hahaha! Büßt Du den sin Unkel also of? Ja, Du büßt ein netten Gemahl un Dunkel, Dunkel!“

„Aewer, Fining, wat kann ick dorför, wenn mi alle Welt Unkel nennt?“

„Ick dorför? Ick dorför? As man in't Holt⁴ röppt, kümmt dat wedder rut, un wer sich wegschmitt, as Du, as Du bi de Supbünnen dor unne, ein Abend un alle Abend, de is bald rüm in de Stadt.“

„Leives Fining, so lat dat doch, dat Abendbrod . . .“

„Mi is de Appetit vergahn. So wat möt ick von den Bleckschoster hören? Von Löthkolm möt ick dat hören? — „Un, säd he, ick hätte gleich zur Ansicht zwei emilirte⁵ Wannen

¹) gehört. ²) zählen. ³) = Gewährung. ⁴) Holz. ⁵) emailirte.

auf meine Handwag mitfahren lassen, un wenn Sie jo freundlich wären un bekukten die mal, die Eine gefiele Sie schon. Schön, segg ick, Herr Vöthkolm, oder — heiten Se of Unkel? Ne, säd he, ick heit Meister. Schön, Herr Meister, un wenn dat sowid' is, denn kam ick dorüm an, hören Se, Se verlöwen² dat woll, ick kam drüm an. Denn könnte ich selbige gefälligst woll bitschen gleich zur wohlwollenden Ansicht hier lassen? Hollen Se sich jo nich länger dormit up, säd ick, Se hören jo, ick kam dorüm an, oder hebben Se dat Bestimmen?"

„Na, Finiug, nimm mi nich aewel³, wenn Du de Lüd of so anfohrst⁴.“

„Aufohr? Aufohr? Kem he nich toirst antofohren mit sin Trüdelkrant, un rutlücht't⁵ hew ick se all beid, as sich dat gehürt, de kamen nich wedder. Wat? Ick möt mi jo wat fragen laten un stah as Trumf söß dor?“

„Newer, Finiug, dat lat Di nu doch nich mihr argern, Du weist jo, Du füllst dat bestimmen. Dat Abeudbrod . .“

„Un dat sull mi nich argern, dat ick hier stah as en Mulap⁶ un von nix weit, dat Du all alls tofandräwelt⁷ un astort't⁸ heft? Ne, mi is de Apptit weg. Un mit de Badstuw, för min Part kannst Du Di in Dinen Supkeller ein anleggen, hier in den Hus kümmt mi kein rin.“

Süh dor! Dat had Unkel nu. All de schöne Freud

¹) soweit. ²) erlauben. ³) übel. ⁴) anfährst. ⁵) hinausgelenchtet.
⁶) Maulaffe. ⁷) zusammengelaufen. ⁸) abgewartet.

was hen. Un had he de beiden Nullen bi den Schapstopp verlurn, de Arger wir noch 'ne Hoeg' west gegen dese Afriwung. Had he doch blot Othoffen vörher dat iremst², he füll dor jo von schwigen, aewer wer dacht of, dat dat so kamen müßt; de hakermentschen Klempters, de verdammte Brodneid, de Konkurrenz. So dacht he, as he sich nu to't Abeudbrod dalsert³; aewer 't wull nich recht krupen⁴. Sünst fall jo nah 'ne kolle Afriwung dat Eten⁵ beter schmecken, aewer des' was doch to stark west un had em aewernahmen⁶.

Un wenn dat of noch wat mit dat Bad un de Badstuw mal warden füll, dacht he so bi sich un kaute so hoch dorbi, ick hewt wedder düer⁷ genug betahleu müßt. „So kumm doch wat 'ran, Finiug, de Wust⁸ schmeckt süperb“, säd he wat benaut⁹ to Finiug. Newer Finiug blew stur⁹ up den Stauhl bifitten, den se eben innahmen had.

„Ne“, säd se, „mi is de Appetit vergahn un de Badstuw, de lat Du Di of man vergahn.“

Un dermit namn se de Zeitung un les so iwrig¹¹, as müßt se von Ur¹² to Emm noch dörch, un dor stünn all wen, de dor blot up lurte¹³, dat se dor mit dörch was. Newer au Fru Zanzel dacht se doch so'n lütt Happing¹⁴. Un des' Gedank was dat denn of, au den mit de Tid un mit de Wochen de Badstuw sich wedder so bi lütten anfäng ruptoschlängeln, as

¹) Lust, Freude. ²) ingerammt. ³) niedersehte. ⁴) kriechen.
⁵) Essen. ⁶) übermamt. ⁷) theuer. ⁸) Wurft. ⁹) Kleinlaut. ¹⁰) steil.
¹¹) eifrig. ¹²) Anfang. ¹³) lauerte. ¹⁴) Klein bischen.

de Epheu an de Eif. Un wenn of de Storm ut de Klemptner-
richtung ehr noch af un an mal in de Kron schot¹, de Stamm
stünn fast;² un dat was de niederträchtige Gedank, de de
Wörtel³ von de Badstuw'eik⁴ fasthüll: „Wat d e kaun, dat
kaun i e tweimal.“ Uem sinetwegen nich, säd Fining to sich,
he het dat all wegen sin ewige Loperi⁵ un Sitteri⁶ in den
verdammten Keller nich verdeint; of üm minetwegen nich,
denn ick hün nu so olt worden un ui nich to Pohl gahn,
wat fall ick mit 'ne Badstuw; aewer üm de ehr willen. Un
wat Zanzelsch kann, kann i e tweimal.

Dat vierte Kapittel.

Worum Fining to Nagel geht, un dat he de Uterwählte bliwt.

Bier Wochen wiren förre⁷ de Tid in't Land gahn. De
Stormflot⁸, de de hackermentschen Bleckschosters mit ehre raffige⁹
Gewinnucht anricht't hadden, had sich leggt, un ut 'ne aune
Eck spelte en bestännigen Passatwiind raewer in de Badstuw'-
eik un küfelte¹⁰ dor manchmal in rüm, un alle Telgen¹¹
weigten¹² sich denn hen un her un flusterten sich to: „Het
Zanzelsch ein, het so'n Schnurrerpack ein, denn können wi
tweimal ein hebben.“ Un so'n lisen bestännigen Wind, de

¹) schoß. ²) fest. ³) Wurzel. ⁴) -eiche. ⁵) Lauferei. ⁶) Sitzerei,
Sitzen. ⁷) seit. ⁸) Sturmfluth. ⁹) gierige. ¹⁰) wehte. ¹¹) Zweige.
¹²) wiegten.

in de Kron von den Bom spelt¹, fastigt² de Wörtel, dat
de Bom nich wedder uttoriten³ is. Un Fining begot⁴ em
dorto recht flitig⁵. Aewer dat Water dorto halte se nich von
Klemptner Bleckpott un of nich von Klemptner Löthkolm; de
hadden sich den Verdeinst nu ein för allemal verscherzt.
Wat? säd Fining to sich, süll ick de Kirks noch nahlophen?⁶
Un denn des' näf'watrige Löthkolm, de mi hier mit „Unkel
Reisstahl“ kümmt? dat süll woll so recht vertrulich kling'n;
aewer ick will em, wat gölt⁷ mi so'n updringlich Gesellschaft
an? Wi kän'n uns jo woll noch nah unsen Belewen de
Lüd utsäufen. Un dormit was Fining nah Koppmann Nagel
gahn. De güll twors as ein von de Düren⁸. Lat em, säd
Fining, wi hebben dat jo. Bleckpott un Löthkolm, de dat
bald utfinnig⁹ maht hadden, säden: „Se het jo en Nagel
in'n Kopp, dormit geht se of to Nagel.“ Aewer dat künn
jeder seihn, dat was de reine Ungunst von dese beiden. Un
Fining häd en schön Bescheid seggt, wir¹⁰ ehr dat to Uhren
kamen, aewer de beiden leten sich of gornich wedder bi Fining
seihn. Unkel hadden se twors mal up de Strat ankeilt, wur
dat nu mit de Badstuw stünn, un se können doch woll up
de Arbeit hoffen, se wiren jo so bekannt mit em, aewer
Unkel was nich to spreken up dit Flag¹¹ und säd, he häd't
in sin Fru ehr Belewen¹² stellt, he wull't ehr seggen un se

¹) spielt. ²) festigt. ³) anszureißen. ⁴) begoß. ⁵) fleißig.
⁶) nachzulaufen. ⁷) gilt. ⁸) Theuern. ⁹) ausfindig. ¹⁰) wäre.
¹¹) Stelle. ¹²) Belieben.

empfehlen. Newer dat was man 'ne Utsucht west, un he het mein Dag niz von des' Backermentsche Geschicht seggt in de vier Wochen. Dat kamen, as't will, sad he to sich, ick fang dor mein Dag nich wedder von an. Un he was de vier Wochen lang um de Sak 'rümghahn, as de Katt um den heiten¹ Brei; einmal had he sich verbrennt, aewer nich to'n zweiten Mal. „Hangen un bängen in schwebender Pein“, dat was sin Verfatung bit² to sin'n Geburtsdagsdag.

Un Fining? De rührte of den Brei nich um, dat he dat seg. Se had dat mit de Heimlichkeit kregen. Un red'te Unkel af un an mal mit sin Frumm in den Keller dorvon, so was Fining ehr Aflagerungsstädd ehr oll Husinfentor, ehr Deinstmäten Dürten. Mit de würd de Sak dörschned't³, bit de Teig⁴ orig⁵ dörschüert wir, dat de Badstuw-Kringel nahsten⁶ up de blanken Platen siz un farig man so dorlagg. „Denn“, sad Fining to ehr, „wenn uns ein Mannsmensch dormang künmt, denn geht dat Gearger wedder los, dit ord'niren wi an.“ Un so was denn de Sak in'n Gang, ahn dat Unkel sin Fingern dortwischen mengte un sich wedder to klemmen brukte. Un he stümm sich dorbi of ganz god, denn he had Rauh. Newer wat de arme Kopmann Nagel was, de de Uterwähltte was, de Badwaun to lifern, de had schlimme vier Wochen. Jeden Dag sprok Fining vör un beket⁷ sich de un denn mal wedder 'ne anner. Un immer

¹) heißen. ²) bis. ³) durchgeknetet. ⁴) Teig. ⁵) ordentlich.
⁶) nachher. ⁷) besah.

ging se af un wull't sich aewerleggen. Un denn was an des' dit un an 'ne anme dat uttosetten¹, un Nagel had sich all en half Duzend niz² to Prow³ kamen laten un immer was't noch nich ganz nah Fining ehren Geschmack. So ein had Zanzelsch nahmen. Wat de had, wull se nich. Finer süll se sin. Un Kopmann Nagel lawte⁴ all sinen ganzen Badwannenhannel in'n Stillen af. „De maht einen mör⁵“, süßte he oft, wenn se eben wedder gahn was, um sich 't noch mal to aewerleggen.

Newer jede Sak het jo en Emm, un as Fining alle Badwannen de Reih nah tweimal dörschnäfelt had, dunn würd se sich schlüssig un namm de irst. Un Nagel süll se ehr henschicken, genau to de Tid⁶, de se em noch würd seggen laten, un wenn he draewer reden ded, denn nehm se se gornich.

„Gott sei Dank“, sad de plagt' Mann, as de Sak endlich sowid was, „wenn se sich nu man nich noch mal besinnt to gode leht un noch nah en annern löppt, un ick hew mi vergew's afmählt.“ Newer he blew de Uterwähltte, un Bleckpott un Löthkolm hadden dat Nahseihn, wil se sich nich vörseihn hadden.

¹) aussetzen. ²) neue. ³) Probe. ⁴) gelobte schon ab.
⁵) mürbe. ⁶) Zeit.

Dat söfte Kapittel.

Wat Unkel för en goden Minsch is, un worüm he von de Wupp fallen deht, un dat mit den Imperator döbri is. Unkel friert un de Latern brennt em.

„So“, säd Fining an den Dag vör Unkel sinen Geburtsdag to Dürten, „nu gah hen nah Nagel, un hüt Abend Klock soeben sall he hier sin, hürst Du? Klock soeben. Un nah den Murer¹ geihst Du of un bestellst em to Klock soeben, dat Nagel dat nich vergett;² he het mi twors seggt, he wull of henschicken, aewer ick trug em nich, Mannslüd sünd mi to unsäker³ in so'n Sak.“ Un Dürten güng.

Unkel aewer ahnte nich, wat alls hinner sinen Rüggen vorgüing un verthannelt würd. He satt hüt Nahmiddag as de unschülligst Minsch von de Welt in de Stuw un rokke sine Pip, denn to'n Butensitten in de Lauw was dat mit de Tid all to kolt worden. He satt aewer nich blot as de unschülligst Minsch von de Welt dor in de Sofaect un les de Zeitung, so genau un pinlich as süß selten un mit grugliche Andacht, he satt of dor as en goden Minsch un had wedder ein stolzes Süüwstbewußtsein in den Boffen⁴. Un dat mit Recht. He had en Sieg aewer sich süüwst gewonnen un had sich anlavt⁵, hüt nich uttogahn; he wull de Freud an den morgigen Geburtsdag vull un flor geneiten⁶ un sin

¹) Maurer. ²) vergift. ³) unsicher. ⁴) Busen. ⁵) angelobt.
⁶) genießen.

leiw Fru ehr Stimmung gollen¹ un rosig för morgen maken un ehr jeden Stein ut den Weg nehmen, an den se anstöten² künn, dat ehr morgen de Müüz schew³ satt. So les he denn de Zeitung un tek af un an mal aewer't Blatt raewer, bald nah de Stuwenklock, de so ungedüllig nah halw söß henlep, un bald nah sin Fining, de in den Lehntstuhl satt un wedder Strümp stoppte, ditmal aewer ehr eignen. Un dorbi schmunzelte he so stillvergnäugt un säd to de Klock, natürlich in Gedanken un mit Süüwstbewußtsein as so'n Imperator: Könn du man un schlah⁴ du man, hüt bün ick de Herr aewer di. Un to Fining säd he — irst recht in Gedanken un in ganz lise, denn se verstünn manchmal fogor sine Gedanken — Süü, Fining, dat doh ick Di to Gefallen, nu verdarw⁵ Du mi of nich de Freud morgen an den Geburtsdag. So genot⁶ he de Börfreud för sich. Un wenn de wirklich Freud un de Nahfreud so utfüll as des', denn würd dat morgen heile Seligkeit. Un dorbi satt he so ranhig in sin Sofaect, as had de söfte Klockenschlag em ni nich bezaubern künn. Markwürdig! As was all de Hibdel⁷, den Unkel sünsten had, wenn de Klock up söß güng, un den he hüt aewer Burd⁸ schmeten⁹ had, nah sin Fining raewer draewen¹⁰ un von ehr an Burd nahmen. Was Unkel sin Schipp hüt licht un danzte man so up den Strom, ehr Schipp lag scheiw hüt Nahmdag un had up de ein Sid to

¹) golden. ²) anstoßen. ³) schief säße. ⁴) schlage. ⁵) verdirb.
⁶) genosß. ⁷) Eile. ⁸) über Bord. ⁹) geworfen. ¹⁰) hinübergetrieben.

vel Ballast in un wuppte von de ein Sid nah de anne; dat was kein eben Stür'n; de Stürmann stünn nich rauchig an sin Rad, he tek ümmerto nah den Rumpfaß, dat was de Stuwenklock, un wenn he nich bald in den Hawen kem, denn müßt he ümschmiten¹. De Klock schlog dreiviertel söß.

„Dat weiß der Demwel“, säd Fining to sich, „un he matt noch gor kein Anstalten? Süll he an'n Emm?“ se wagte gornich uttodenken. „He ward mi an'n Emm nich gor min Spill verdarwen?“ Un se stürte² wider un tek ungedüllig bald nah den Rumpfaß un bald nah de Klippen raever up den Sofa; süll ehr Schipp dor ümschmiten? So was dat nu wedder. Künn Unkel dat woll mal treffen? He ahnte jo noch niz; he dacht blot an de Freud, de he sin Fining hüt maken wull, un had he ahnt, wnr schlimm he wedder mit sin Freudemaken anwas! Ne, ne, sin Sülwstbewußtsein had he an 'ne verkehrte Sid sitten un schrägelte³ dormit hen un her as 'ne Wupp, wur up de ein Sid tweihunnert Bund un up de anner söftig Bund sitten. Ein Schupp⁴, ein Wupp von de tweihunnert Bund, un he flog runne von de Wupp, un sin Sülwstbewußtsein lag in'n Dreck. Un Fining fatt bi de tweihunnert Bund un wuppte — nu noch sachten un eben — aever, aever — ein Wupp, un . . .

De Klock schlog söß. Fining ehr Fohrtüig⁵ was nipp⁶ an de Klipp, un wenn se nich knaß⁷ biläd⁸, denn müßt ehr

¹) umwerfen. ²) steuerte weiter. ³) taumeln. ⁴) Stoß. ⁵) Fahrzeug. ⁶) dicht. ⁷) sofort. ⁸) belegte (Schifferausdruck).

Schipp strannen un all de Heimlichkeiten, de se in den Rum jo schön in Kisten un Kasten un Badwannen upstaut¹ had, kemen to Dag un drewen apen² up't Water rüm. Un se läd knaß bi. Dat Stüern verstünn³ se.

„Wat is dat mit Di hüt? Du sittst jo, as wirst Du fastklewt⁴ up dat Sofa.“

„Wo so? Fining.“

„De Klock is jo all söß.“

„Dat ehr, Fining. Wat scheert mi dat?“

„Na, dit verstah Ein, de 't kann. Sünst geht de Driweli⁵ all Klock füwen los un nu rögst⁶ Du Di noch nich Klock söß?“

Dat Wupp = Em'n, wur Unkel up set, boehrte⁷ sich to Höcht, aever he set fast, he fot⁸ mit beide Hän'n dat Wupp = brett an.

„Fining, ick gah hüt nich ut.“

„Du geihst hüt nich ut?“

„Ne, Mudding, ick wull Di ok mal to Gefallen fin un Di wat Gesellschaft leisten; ick gah hüt nich ut.“

Sin Wupp Brett was wedder unnen, de tweihunnert Bund hadden em nich rutkregen.

„Du geihst hüt nich ut? Wur fall ick dat verstahn?“

„Je, Fining, ick bliw bi Di hüt Abend, Du weitst,

¹) aufgestapelt. ²) trieben offen. ³) verstand. ⁴) festgeklebt. ⁵) Drängen. ⁶) rührst. ⁷) hob. ⁸) faßte.

morr'n is min Geburtsdag, un dor will ick Di doch 'ne sütt
Börfreud maken."

„Na, dat's jo 'ne narr'sche Idee, so lang heft' nich an
dacht, mi 'ne Freud to maken, un nu mit mal büßt Du
so zort?"

„Ja, Mudding, ick dacht mi dat so, ick wull hüt Abend
hier bliwen un Di beting¹ Gesellschaft leisten."

Unkel, Unkel! De Wupp geht up de anne Sid to Höcht!
Woher¹ Di, woher Di!

„Na, denn segg ick Di, Du geihst ut, hörst Du, Du
geihst ut. Süll ick dat Geräkel² up den Sofa den ganzen
Abend mit ansehen? Mak mi kein Unordnung in de Ord-
nung, wat süll dat mit mal heiten? Ich kenn dat nu all
nich anners, as dat Du utrönmst; von söß au will ick min
Kauh hebben, hörst Du, Du geihst mi ut!"

„Wat was dat? Sew ick recht hört, Du willst, dat ick
utgah? Du willst dat, Fining? Du drinwst sülwst?"

„Ja, ick mag dat leiwer, de Gewohnheit wegen."

Wupp! De tweihunnert Pund stödden⁴ eben an de Erd⁵
un mit so 'nen Wupp, dat Unkel runflog. Dor lagg he denn,
dor lag siu Sülwstaewerwinnung⁶, worup süll he nu noch
Sülwstbewußtsein hebben."

„Du willst dat, Fining? Du wünscht dat sogor? O,
Du büßt jo ein Säuting⁷, ein Säuting büßt Du jo." Un

¹) bischen. ²) hüte. ³) Gerange. ⁴) stießen. ⁵) Erde.
⁶) Selbstüberwindung. ⁷) Säuting.

Unkel spring von dat Sofa up un wull Fining för Freud
un Glück aewerstrafen¹.

„Dat dat, Mann, ut de Johr sünd wi rut."

Aewer Unkel had sich den Kopp stödt², as he von de
Wupp flagen³ was, he wüßt kum, wur em de Kopp stüun:
„Fining, leiweß Fining, lat Di küssen."

„Dat dat, Du weißt, för Zärtlichkeiten bün ick nich,
man blot kein Rührbrei. Un wenn Du hüt wat later⁴
kümmst, ick erlanw Di dat."

„Fining, säute Fru, wur kaun dat sin!"

„Nu mak man; hörst Du, wat later schad't hüt nich."

Had Unkel eben noch up den Siegeswagen stahn as
so'u Imperator, nu was he run. Gegen so'nen Machtpruch
un Zanverbanu was he nich geseit. Em was, as was de
Sieg, den he eben fiert⁵ had, blot en ingebild'ten wesen, un
dat Gedankenwolk, aewer dat he eben noch had triumphiren
wullt un dat he had dacht besiegt to hebben, dat had sich
sülwst unner sin Botmäßigkeit stellt ahn sin Todohn⁶. Ne,
sin Sieg was en ingebild'ten, en falschen west. Un run was
he von den Siegeswagen un stünn wedder dor as Unkel
Kiepstahl von gistern un vorgistern üm Klock dreiviertel
up söß.

Nun mit den Haut von den Kleiderhaken, rin in den

¹) überstreicheln. ²) gestoßen. ³) geflogen. ⁴) später. ⁵) gefeiert.
⁶) Zuthun.

Neuertrecker! „Adjüs of, Fining, leiwes Fining!“ un rut ut den Hus.

Wur schef¹te¹ Unkel de Strat entlang, as müßt he de Viertelstunn wedder inhalen.² De Lüüd, de em begegerten, blewen verwunnert stahn, wat mit em los was.

„Gu'n Abend, Unkel Kiepstahl,“ rep em Ein an, de ut den Dur rutgäng, „wat is Se? Is bi En wen³ krank, dat Se nah en Dokter lopen oder brennt dat bi Se?“

„N Abend, Schwuchow! Ne, ne, ick, ick frier wat, ick will man beting warm warden.“

„So so; na, denn gu'n Abend“, säd Schwuchow un gäng af.

Ne, dacht Unkel, so geiht dat nich. Stopp de Maschin. Newer wur is dat blot maeglich, wur is dat maeglich! Ja, ja, ein Mal möt dat irst sin. Sühst du, dat künmt, wil ick de lezt Tid so still west bün, sühst du, sühst du, dat het ehr led dahn⁴. Ja, se het doch en godes Hart, un ick, ick hew dat bi ehr to'n Utdruck bröcht⁵. Un Unkel schmet sich wedder in de Post. Warrastig, ja, so is dat, dat het ehr jammert, ganz gewiß. Dat het doch sin Godes dahn, dat ick't mal versöcht hew. Hahaha. So prächtig had't mi de Börfreud nich dacht, dat's mi gelungen, schön gelungen. Un wupp, satt he wedder up den Siegeswagen. Wider gingen sin Gedanken nich. Dat se wat vörhäd⁶, dat se em deswegen

¹) eilte. ²) einholen. ³) Jemand. ⁴) leid gethan. ⁵) gebracht.
⁶) vorhätte.

had ut den Hus hebben wullt, doran dacht he nich in'n Ge- ringsten, dat was noch ni nich vörkamen. So lep¹ he denn hen nah den Rathskeller, heile Seligkeit in dat Gesicht un heile Seligkeit in den Harten. So was dat nu all vör den Rathskeller, wür müßt he irst selig sin, wenn he wedder rutkem. Un wo säd se? Wenn dat wat later ward, denn schad't nich? Herre je! Wo was dat maeglich. Unkel schwemnte man so in Wonn.

„Den Dunner, Unkel! Du rönnt jo woll Dinen liw- lichen² Newöh ün mit Dinen Liw. Künnt Du all rut ut den Keller oder willst Du irst 'rin?“ rep em Thedur Zill- mann an fort³ vör den Rathhus un rönnte em baff gegen de Mag.

„Thedur, wat? Wo is't maeglich, nich woher, min Jung?“

„Wat denn, Unkel?“

„Ach so! Ja, na, ick mein man, de Latern'n, de blennen Einen so, wenn man von den Dur ut dat Düstre 'rin- künmt.“

„Na, Unkel, Du heft woll all einen nahmen, wat?“

„Bewohre“, säd Unkel, „ick bün blot wat lopen.“

„Na, denn kumm man dal.⁴“ Un dormit stegen se 'run, un Unkel behüll sin Geheimniß bi sich.

¹) lief. ²) leiblichen. ³) kurz. ⁴) genommen. ⁵) nieder.

Dat söfste Kapittel.

Dat sich Unkel eigentlich in teihn Deile¹ had deilen müßt, un dat he hüt spezielles Erhalungsbedürfniß het.

Unnen in den Keller was de Sizing all in vullen Gang. De Hauptdijch was nahto² beset.

„Si soellt seihn“, säd Gustav, „he kümmt hüt Abend nich. De Klock is all söß, un wenn he Klock söß nich hier is, denn schütt³ he aewer.“

„Maeglich wir 't“, säd Olthoff, „un wunnern süll mi dat gornich, denn vör sin Fining het he wat Respekt, un wenn de de Müz nich sitt, nochtu wur he morgen Geburtsdag het, denn bliwt he säker⁴ leiwer, üm sich de Freud för morgen nich ganz to verdarwen.“

„Ja“, säd Paul Lising, un namm 'ne Preis, „wat möt he ehr jo of beiden⁵, wenn se morr'n früh to spreken sin fall, wenn wi to'n Gratuliren kamen; sünst matt se't wedder so as dunntomalen, wur se de Proppens up de Winbündeln set'te un säd: nu wir't woll genog för ditmal.“

„Ja, 't ward woll jo sin“, säd Olthoff, „ick had mi dat süß so nett dacht, wenn wi em hier in de Mat⁶ hädde un bit⁷ Klock twölben fasthollen deden, denn hier unnen is de Geburtsdagsfier nich so beklommen as to Hus bi em, wur Fining mit de Fuchtel ümmer to Hand is.“

¹) zehn Theile. ²) nahezu. ³) schlägt. ⁴) sicher. ⁵) bieten.
⁶) Mathe. ⁷) bis.

„Ja“, säd Gustav, „wat beklommen is dat bi em, aewer sitten let sich dat bi em jo of; blot den negsten Dag hew ick ümmer noch mit den Kopp to dohn.“

„Na“, säd Lising, „Unkel het noch vier Wochen naht dormit to dohn, denn de Kopp ward em noch mihr wuschen as uns, wenn wi weg sünd, un he in sin Nahwehdag dorfsitt.“

„Ja, 't is en Jammer, en dunwelten, von buten un binnen“, säd Gustav; „na, dat fall uns nich afhollen, vertrauensvoll in die Zukunft zu blicken, prost, Kinnings, prost Blume.“

Se set'ten dat Glas an den Mund, aewer — zwischen Lipp' und Kelchstrand — dukte¹ mit mal unvermod't² Unkel up.

„N Abend, Kinnings!“

„N Abend, Unkel, wat? Büst Du dat wirklich? Wirklich? Hier sett Di ran, hier kumm, plaz Di.“ So güng't von alle Siden an den Dijch mit mal los. Un't würd dat reine „Sett Di bi mi-Spill.“ Un Unkel had sich in teihn Deile deilen müßt, had he all de fründlichen Inladungen nahtamen wullt. He set'te sich denn bi Olthoffen hen.

„Dat is brav von Di, dat Du uns nich vergewß hest luren laten³. Du kümmt hüt jo so lat?⁴“

„Ja, ick had mi denn doch rein so in de Zeitung verfeken, dat ick sülvst en Schreck freg.“

¹) tauchte. ²) unvermuthet. ³) lauern lassen. ⁴) spät.

„So, so, na, denn nimm man irst 'ne lütte Pfiß“, säd Bising.

Unkel verschmad'te¹ sinen Offenbacher Kapel ni nich, aewer he had doch so'nen lütten Twiweel² ümmer, wat dat of der reine Kapel wir oder nich so'ne lütte Mischung von Kapel un Törwstreu.

„Na, wo is't mit en lütten Schapskopp, Unkel“, säd Gustav, „Du weitst, wi sünd Niecken noch von nilich wat schüllig.

„Woll, woll, will'n em Rewansch gewen.“

„Na, denn rüber“, säd Gustav, „un dormit gäng't au den Speldisch.

„Aewer“, säd Nieck, „mit Nickels spel ic' nich wedder tosam.“

„Un ic' mit Di nich“, freihete Nickels, „Du büst jo god as bor Geld.“

„Geiht dat Gefiew³ all wedder los?“ säd Gustav, „hier, utraden⁴, wer tosamspelt, denn is alle Strid ut de Welt.“

„I Utraden mit de Kortou gäng los. „Da, treck⁵“, säd Gustav, „Kod un Kod un Schwart un Schwart spelt tosam.

Alle trocken.

„Ic' hew Kod“, säd Unkel.

„Ic' of“, säd Gustav.

¹) verschmähte. ²) Zweifel. ³) Gezanf. ⁴) ansrathen. ⁵) zieh, nämlich die Karten.

„Se, ic' hew Schwart“, rep Nieck un tek ahnungsvull nah Nickels raewer.

„Warrastig, ic' of, na, denn kann'k man glif betahlen“, säd Nickels, „dit's wedder 'ne schöne Zurichtung“ un dormit set'te he sich von links up den Stauhl rup, wil dat jo god sin sull.

„Du schleihst¹ woll glif Börpahl?“ frog Unkel em.

„Se, wat helpt dat all denn“, süfzte Nieck, „Unglück schlöppt nich, denn möt'k mi man bequenen.“

„Du hadst uns hüt Abend of hier beten Gesellschaft leisten künnt, Unkel“, rep Olthoff raewer.

„Nahsten²“, tröstete Unkel em, „irst möt'k beting warm warden, irst dat Geschäft, nahsten dat Vergnügen.“

„Wat?“ frog Gustav, „Du hest jo grote Rosinen in den Sack, nahsten löppst Du jo ümmer glif weg?“

„Na“, säd Unkel, „hüt hew'k spezielle Erlauw . . .“ Dunnerwedder, füll em in, blot nich verraden — „wull ic' seggen, spezielle . . .“

„Na, wi weiten³ all“, säd Paul Bising, de wedder as truge⁴ Ap au sine Eck set, „spezielles Erhalungsbedürfnis nah Din Zeitungslesen, wat?“

„Ja woll, ic' hew wat nipp⁵ lejt.“

„Na, nu geht Scheiten⁶ los“, säd Gustav, de Kortou gewen had.

¹) schlägt. ²) nachher. ³) wissen schon. ⁴) treuer. ⁵) eifrig. ⁶) Schießen.

„Du, Dithoff“, flüsterte he nah den raewer, „hüt möt he ran, de Sak möt hüt to'n Schwur kamen, heft Du den Stävel besorgt?“

„Als in Ordnung“, flüsterte un plinkte de vergnängt.

Unkel marckte niz. He schwümm noch in dat säute¹ Gefühhl, dat em to'n irsten Mal hüt aewerkamen was: he had Erlaunniß kregen, Erlaunniß — von Fining — to'n Utgahn un, wo had se doch noch seggt? „Wenn't of wat later ward, 't schadt hüt nich.“ Dat Wurt, dit Erlösungs-wurt stierte em noch so vör de Dgen, dat he kum sin Kortten aewerseihn künn.

¹ I Spelen güng los.

„Unkel, wat spelst Du hüt för 'ne Naht torecht?“ müßte em Gustav en por Mal toropen², wil he hüt so vel Fehler makte, as süß ni nich.

„Se, ick möt noch ümmerto an min Zeitungslesen denken.

Aewer he log. He log hüt Abend sine Frümm ebenso wat för, as vörhen Nahwer Schwuchow'n un sinen Neffen Zillmann. Sin Gedanken lepen em ümmer wedder weg un nah Fining hen. Ein Säuting is se, ein Säuting, as ick dat ni nich dacht hew, so dacht he nu üm so mihr un vergew ehr all de Afrivungen un all de Stichelien, denn wo säd se? „Wenn't hüt of wat later ward, 't schadt nich.“ Un later süll't hüt warden.

¹) süße. ²) zuzusen.

Dat soebente Kapittel.

Voriim Unkel binah Spillsverdarwer worden wir. Wat Fining för Arger het, un wur Unkel dat utnügt.

Wildeck¹ dat Unkel in'n Rathskeller sinen Schapskopp spelt un sich dörch keinen als blot dörch sin „Fining-Gedanken“ un „Säuting-Gedanken“ doriu stören lett², will ick em of nich mihr in de Kortten kiken un kiz leinwer mal beting bi Fining in, wat de wildeck mit ehr Heimlichkeiten het.

„Gott sei Dank“, süßte se licht up, as Unkel rut was, wat se süß ni nich ded, „Gott sei Dank, dat he ut den Hus is. He had dat jo woll fatig³ kregen un mi min ganzes Spill verdorwen. Viertel up saeben is dat all? Wur de Dirn woll bliwt. Het sich woll wedder fastschnackt unnerwegs. Se, dat is dat Leiden, wenn man nich alles sülwst aslöppt; ick segg jo, Toverlaten⁴ is up keinen Menschen.“ Se knüt'te wider. Halw soeben schlog dat, un de Dirn kem noch nich. „Na, de möt ick of wedder en Marsch blasen. Ick segg jo, Toverlat is doch up keinen Menschen, sülwst up em nich. Pünktlich as de Klock is hei doch süß mit sin Utgahn, un all min Neden hölt em nich. Meindag is he nich up de Idee versollen, to Hus to bliwen, un nu hüt? Ick segg jo; sülwst up em is kein Toverlat. Dat ganze Spill had he mi doch verdorwen, un ick hew doch nich in'n Ge-

¹) während dessen. ²) stören läßt. ³) fertig. ⁴) Zuverlässen.

ringsten an dacht, dat he mi Umstän'n maken würd. Aewer de Sak möt inricht warden, as ick dat will; wat süll he of hier?"

Dreiviertel up soeben wiste¹ de Klock. „Wat? Un de Dirn is noch nich hier? Dit verdammte Geschluder² up de Strat, ick will ehr aewer.“ De Stricknadeln roesterten³ man so gegen einanner. „Ne, nu segg mal Ein, hierbliven wull he! Hierbliven! Un kein teihn Pird hollen em süß. Un all min Gered was süß ümsünst. Wo säd he: mi to'n Gefallen wull he dat dohn? Worüm hüt graden? Süll he weiten, dat ick . . . I, kein Minsch weit dat bit jikt un Nageln hew ick dat inremst, he süll dat nich Indbor⁴ warden laten, de schwiggt, ick nehm de Wann sünsten nich. Ne, he weit dor nix von af, un doch wull he bliwen? Nu süh, he het doch of noch sin zorten Unwanlungen. Na, ick will em dat of all nah Gefallen maken, freugen sall he sich doch mal un seihn, wat he för 'ne gode Fru het. Aewer dit verdammte Gelop in den Keller! Na — lat em, von de Schlimmsten is he jo noch kein. De weck⁵, de sitten jo bit in de Nacht, lat em denn, aewer ümmer de Toegel⁶ stramm! He nützt dat sünst ut, to dull ut. — Wat, de Klock is glik soeben?"

Dor güng de Dör up un Dürten kem rin.

„Gah man glik wedder hen, wur Du herkömmst, dit is mi denn doch to müdlich.“

¹) zeigte. ²) Gerede. ³) klapperten. ⁴) laut. ⁵) manche. ⁶) Zügel.

„Se, Madamming, Nagel säd, ick süll man glik toewen¹, bit de Badwann mitkem, dat se doch of säker² henkem, un denn lep ick nah den Murer, un de kann hüt Abend nich, he is utwärts³ up Arbeit, un en Stellvertreder is dor nich, un dat ward nu woll nix.“

„He kann nich? He kann nich? Sädst Du em nich, he süll? Ick wull dat? Ick?"

„Se, Madamming, he is gornich to Hus; aewer ick kann jo mal nah Klemperer Bleckpott lopen, villicht . . .“

„Schwig mi still dormit. Bleckpott? Hew ick s' dorüm bi Nagel köfft⁴, dat so'n uäswatrigen Kirl nu de Sak noch in de Hand kreg? Denn bliwt dat nah, aewer de Murer kümmt mi blot. Säd ick em nich, he süll sich farig⁵ hollen, un nu? De kriggt de Arbeit nich; Dürten, morgen löppst Du nah en annern, un nu helpt dat denn nich, nu lat man de Wann denn up den Flur bistahn⁶, denn wur saelen wi allein se dor rin krigen.“

Un Dürten lep af. De Badwann würd afladen, Dürten müßt mit anfaten, denn de Fuhrmann allein künn se nich regieren. Dat de verdammte Murer of en so in'n Stich let.

„Hier man in de Eck up den Flur“, säd Madamming, de rutkem, „dat de Herr sich dor nich an stött⁷, wenn't düster is. Un dat is nu doch of de, de ick utsöcht⁸ hew?"

„Genau de, Madamming. Un gu'n Abend.“

¹) warten. ²) sicher. ³) auswärts. ⁴) gekauft. ⁵) fertig halten. ⁶) stehen. ⁷) stößt. ⁸) ausgesucht.

Fining güng wedder in de Stuw. So, dor stümm de schöne „emilirte“ Wann nu up den Flur un mit de schöne Zurichtung in alle Heimlichkeit was dat vörbi. „De Murer, de hackermentsche Murer kümmt mi to Gesicht!“ säd Fining to sich. „Ne, wat ick nu doch nich all vör Arger üm dese Badstuw hat hew. Newer ick jett dat dörch. Krigen dohn wi ein. Wat? Zanzelsch het ein un ick jüll ehr nahstahn? Un to'n Geburtsdag fall he se hebben. To'n Geburtsdag! Dat fall nahsten heiten: Kit, wat de all för Geburtsdagsgeschenk maken kann. Ja, so fall dat heiten, denn wi können dat. Wat jüll'n wi dat nich können?“

„Madamming“, säd Dürten, de eben rinkem, „Madamming, ick hew man eben in de Stadt hört, de Waterleitung würd morgen affstellt, de Ketel in de Anstalt jüll morgen wedder reinmaakt warden. Se weiten, dat was nilich of so, dat dürt immer so 'nen Dag.“

„Na, dit wir jo nett, un morgen seggst Du? Löw¹ mal, steiht dat in de Zeitung? Ick will doch mal nahseihn.“

Un Fining namm de Stadtzeitung un warraftig: „Dor steiht dat, warraftig, „wegen Kesselreinigung bleibt die Wasserleitung morgen bis Nachmittags 4 Uhr geschlossen; es wird ersucht, sich mit Wasservorrath zu versehen.“ Na, dit paßt jo nett, dit is jo noch dat Allerbest! Nu sitten wi dor mit unse Badwann, un nu grad, wur morgen alls farig sin jüll, un min Mann glik to'n Geburtsdag dat irste Bad

¹) warte.

geueiten full¹, nu ward dat nix? Ne, ick segg, wat het man för Arger!“

„Se, Madamming, ick künn se jo vulldrägen², denn hebben wi jo mornn dat Water wenigstens, un denn künn dat jo noch wat warden, wat meinen Se?“

„Na, Dürt, ja, dat doh, man möt sich to helpen weiten; Du möfst dat denn morgen wedder rutdrägen, denn wur saelen wi sünften mit all dat Water bliwen. Doh dat, dat geiht. Un schuw de Wann ganz in de anne Eck von den Flur, dat se nich in'n Weg steiht un nu ma.“

Dürten besorgte dat denn. De Badwann würd irst in de üterste³ Eck bngsirt un denn vull Water dragen. Dor stümm denn nu dat heimliche Geburtsdagsgeschenk in de heimliche Eck. Dor künn keiner ehr gewohren, in de Eck had keiner wat to sänken⁴. Un morgen bi Dag let sich dat denn jo wider besorgen.

„Newer“, säd Fining to sich, „Arger hew ick nu nog wegen des⁵ Geschicht hat, un wir dat nich, dat Zanzelsch ein häd, meindag had ick mi nich dormit afargert.“

Se set'te sich denn nu to't Abendbrod dal. „Güt kann't woll allein spisen, un wedder mit dat Abendbrod bit in de sünkende Nacht wohren; negen⁶ is dat jo all; ick segg jo, giwvt man em mal de Erlamvniß, dat he beting späder kamen künn, denn ward dat of glik jo utnützt, dat ick mi

¹) genießen sollte. ²) volltragen. ³) äußerste. ⁴) suchen. ⁵) neim.

vör't tweede Mal lang händen¹ doh. Un den annern Dag? Wer het dat Gestähn denn mit antohören?² Jek. Denn krüppt³ dit nich un dat nich; aewer ick segg jo, he nützt dat glik orig⁴ ut, dat ick un he genug het.“

Un wur süll dat denn ok anners kamen. Jek had't Unkeln sihr verdacht, wenn he dat nich orig utnützt had. Un Fining müßt sich dorin ok schicken. As Unkel Klock teihn noch nich to seihn un to hören was, schickte Madamming de Diru to Bed, makte de Lamp ut un krop sülvst in de Posen. Aewer in den Drom was se ümmerto mit de Badwann in de Gang, allens was all in de Badstuw in Ordnung, un se sülvst steg ok mal to Pohl, un denn kem Unkel un steg ehr nah — dat heit⁵, as se mit dörch was. So schlep Fining denn sachten in mit dat beruhigende Bewußtsein, dat Banzelsch ehr nu kamen künn, se künn ehr nu ok kamen. Un wat süll ick Fining ok noch wider stören⁶, ick lat ehr nu schlafen, sanft un rauhig, bit — je, bit se woll von sülvst wedder upwaken⁷ ward, un stig mal wedder nah den Keller dal.

¹) hüten. ²) anzuhören. ³) kriecht, = schmeckt. ⁴) ordentlich.
⁵) heißt. ⁶) weiter stören. ⁷) aufwachen.

Dat achte Kapittel.

Worum de Gausbrad¹ so langsam un de Kransvögel so slink kamen. Unkel ward belagert un Nickels fängt ümmer twei Tön to hoch an. Worum de Mart² to lütt is, un Unkel de Hüser bitoschwen³ will.

Hier was de Klock mit de Wil⁴ ok all teihn worden, ebenso as bi Fining, blot mit en Unnerscheid: Fining had all Dgenblick nah de Klock kelen un sich wunnert, dat he noch nich kamen ded, in den Keller kelen de Frünn ok all Dgenblick nah de Klock un wunnerten sich, dat he noch nich gahn ded. Un wüßt Fining nich, wenn ihre⁵ he woll kamen ded, so wüßten de Frünn all ganz genau, vör wenn ihre he nich gahn dürt; wenn ihre dat he kamen würd, dat wüßten se aewer ok nich, dorin also wiren se mit Fining in glite Bisterniß.

De Schapskopp was to Enn. Nickels had Newansch kregen, he had de irst Null gewonnen, de tweit aewer had Unkel un Gustav sich wedder halt⁶, aewer ditmal wiren de beiden annern en dicht up de Hacken west un Rieck säd: „Had Nickels bit letzte Spill to rechte Tid Trumf spelt, denn hadden wi de Null ok noch gewonnen.“ Aewer Nickels let dat nich upkamen?: „Jek had jo blot man einen Trumf, wat süll ick also Trumf spelen? Du redst, as Du't versteihst, un nahspelen is kein Kunst.“ Un Rieck let't ok nich upkamen un schließlich säd Unkel, üm den Strid⁸ to schlichten: „Na,

¹) Gänsebraten. ²) Markt. ³) biszuschieben. ⁴) Zeit. ⁵) wann ehe. ⁶) geholt. ⁷) aufkommen. ⁸) Streit.

Nickels, „denn will ich, wil dat hüt is, einen utgewen, denn lat't man de Kiweri¹.“

Un so würd einer drunten un all de Arger dalspäult². Un dorup tog de ganze Schapskopp-Gesellschaft mit de Apen, de nu jo niz mihr to verdeinen hadden, nah den Stammdisch raewer, un't Klautschnacken güng los.

„Weiß der Kuckuk“, säd Gustav to Olthoffen, „he maht hüt jo gor kein Anstalten to'n Gahn? Süll he dat sülvst vergeten hebben, dat morgen sin Threudag is?“

„Je“, flüstert em Olthoff to, „sowid ich mi de Sak denken kann, möt dor to Gns wat besonneres mit em vör-gahn sin; ich hew mi of all ümmerto wunnert.“

„Jek hew of all min Deil dacht“, säd Gustav, „aewer, is he solang blewen, denn kümmt he of vör twölf nich weg. Hest Du den Stäwel³ besorgt?“

„Alls in Ordnung. 'N schönes Dirt is dat un finw Liter gahn dor rin. Paß jo up den Klockenschlag un denn präparir Di man up 'ne Red.“

„Je“, säd Gustav, „halw elben is dat all, un Unkel het noch nich einmal nah de Klock kelen, he kümmt unse Wünsch nett entgegen.“

„Badding“, säd Unkel eben to den Wirth, „ich häd woll Aptit up beting wat, wat giwt dat to eten?“⁴

„Je, wat Koll's⁵ oder wat Warm's?“

¹) Zankerei. ²) heruntergespielt. ³) Stiesel. ⁴) essen. ⁵) Kaltes

„Unkel“, rep Gustav, „de Gausbrad is hüt ganz delikat, den kann't Di empfehlen.“

„Ja“, säd Olthoff, „schönern find'st in ganz Pommern nich, Badding sin Raek' fall gellen².“

„Na, denn will't em mal prowen“, säd Unkel.

„Badding“, flüstert Gustav den Wirth to, „laten Se dat wat toegern³ mit den Gausbrad', Se weiten.“

„Soll gemacht werden“, säd Badding un kloppt em up de Schuller.

Un so kem dat denn, dat de Klock all nah elben wir, as Unkel sine Potschon Gausbraden freg.

„Na“, säd Unkel, „de Gaus is woll irft schlacht⁴ worden? Dat het jo 'ne Ewigkeit wohrt⁵.“

„I ne“, säd Badding, „dor is woll beting vel⁶ to dohn in de Raek, dat is hüt wat hild⁷; he schmeckt nu ün so beter.“

Un dat ded he denn of.

„Unkel, Du mölft wat bedächtig kau'n“, säd Gustav, „dat Du of den vullen Genuß hest, schmeckt he wick süperb?“

„Delikat“, bestätigte Unkel un lickte sich de Finger man jo.

„Weitst Du, Unkel, Badding het hier hüt famose Krams-vögel, de süllst Du of mal prowen“, säd Olthoff, as Unkel

¹) Kücke. ²) gelten. ³) zögern. ⁴) geschlachtet. ⁵) gedauert. ⁶) bischen viel. ⁷) eilig.

mit sin Gausbraden dörch un de Klock halw twölben was,
„de kün't Di noch mihr empfehlen.“

„Ne“, säd Unkel, „nu biin't satt.“

„Du füllst se mal prowen“, rad'te¹ Gustav, „dat is so'n beten to'n Schnabuliren.“

„Herre jeh“, rep Unkel mit mal, as he eben to'n irsten Mal nah fin Klock tek, „glif dreiviertel twölw; Kinnings, nu möt'k aewer nah Hus, ick dacht, dat geiht up teihn.“

„So'n Kramsvagel is ja man blot so'n beten för 'ne holle Kus?²“, säd Olthoff; „Badding, bringen Se mal twei Stück, Unkel möt se doch mal prowen.“

„Keinen Ogenblick hew'k mihr Tid“, rep Unkel un wull upstahn.

„So täuw³ doch noch ein Sekund, he bringt se jo all, wat Du för'n Drinwel⁴ hejt“, rep Gustav un stutke em dal.

„So jung kam wi nich wedder tosam“, säd Lising, „da nimm man 'ne lütte Pries.“

Unkel künn aewerall nich recht wedderstahn un bi dit Genödig⁵ irst recht nich, noch to hüt. „Wo het se noch seggt?“ sumnte em dat wedder vör de Uhren, „wenn't hüt of wat later ward?“ Aewer, aewer, morgen? . . .

„Ne, ne, Kinnings, dat ward to lat, to lat; ick möt furt“, säd he un wull wedder up.

„Dör sünd de Kramsvögel jo all“, säd Olthoff, „Du warst se jo woll mal prowen können. Du wardst se mi doch

¹) rieth. ²) hohler Zahn. ³) warte. ⁴) Gile. ⁵) Nöthigen.

nich verschmaden¹, ick spendir se Di.“ Un he schow se em hen.

„Ne, ne, ick biin satt, dat ward to lat, ick hew kein'n Apptit mihr.“

„Na, Du warst dat Olthoffen doch nich affschlahn?“ säd Lising, „da, nimm noch 'ne Pries.“

„Ne, ne, ick biin satt un nu adjüs.“

„Na, Unkel“, säd Gustav, „nu sünd se einmal beid hier, denn nimm se Di doch to'n wenigsten mit, morr'n to'n Frühstück is dat so'n beten för de Leckertung?²“

„Ne, ick frag dor nix nah.“

„Na, denn nimm se för Din Fru mit, denn bringst Du ehr doch mal so'n lütt Delikateß mit.“

„Süh, Unkel, dat's so'n Vörschlag“, säd Gustav, „wenn Du so seggen kannst: „Schau, Weiberl! Hew Di en Kramsvagel mitbröcht“, denn fallst mal seihn, se ümarnt Di.“

„Na, denn mak, un wickel se mi beting in, aewer flink, dat ward mi to lat.“

„Fritß“, rep Gustav den Kellner to, „flink 'ne rein Papiersalwjet³.“

Aewer wiren de Kramsvögel man so 'ranlagen⁴, mit de Papiersalwjet güng dat bedächtiger. Dat is jo of man ümmer so'n Sak mit de Popieren, wenn se besorgt warden soelen, noch to, wenn't ilig is, denn het dat gode Wil.

¹) verschmähen. ²) Leckerzunge. ³) Papierserviette. ⁴) herangeslogen.

„Na“, säd Unkel un stünn up, „dat wohrt woll bit morgen; ne, mi ward dat to lat, adjüs.“ He stünn up.

Bumm, bumm, sumnte dat buten von den Miklakirkthorm. Un as wir dat de Stormglock west, so güng mit mal de Storm los, un alls fohrte up Unkeln in: „Prost, Unkel!“ „Gratulir, Unkel! Hurrah, dat Geburtsdagskind sall leven, hoch, hoch un nochmals hoch.“ So schallte dat mit mal dörrch den Keller. Un de reine Belagerungstostand würd aewer Unkeln verhängt. Un woll he nah rechtsch en Utsfall maken, denn stünn dor Gustav un füll em in de Flanken: „Gratulir Di, min oll Herzensjünging“, un de Utsfall was torüschlahn. Un schlek¹ he sich nah links mit 'ne Newerumplung, denn legen dor de Schütten² in den Loppgrawen un schoten up em los: „Min herzlichsten Glückwunsch“ un „Da, Unkel, 'ne Pries, de irst in't nige Johr, un magst Du noch vel, vel ut min Dos nehmen; je bringen Luft, dat heit, in den Kopp.“ Un nah vör künn he den Utsfall of nich wagen, dor stünn de Disch vör, un von hinne hinnerte³ em de Wand, un ut den Loppgrawen unner den Disch dörrch, dat güng of nich, dor hadden se em jo glük gefangen nahmen. So müßt he denn nu man dohn, wat jeder verstännige Kommandant in sine Lag of dahn häd, he kaptulirte. Un sin Belagerers wiren jo of kein Barboren un wiren mit de geringste Kontributschon tofreden. Un dat kein Marodiren in de eroberte Festung vörkem⁴, dat verhäute⁵ Unkel sülvst,

¹) schlich. ²) Schützen. ³) hinderte. ⁴) vorkam. ⁵) verhütete.

he bestellte sofort 'ne Lag. „Newer Echtes, Pschorr“, rep he den Kellner nah.

So güng denn nu de grote Siegesfeier an, un de oberst Festungskommandant was, ümgekehrt as bi anne Eroberungen, de Held sülvst. Un nu, wur't doch einmal so kamen was, as't kamen was, was Unkel denn of mit ganze Seel dorbi, nich blot, dat he sülvst doran Gefallen fiünd an so'n Lütt Kneiperi, ne, vör allen, he künn sich in sin Gewissen berauhigen un up Fining ehren Paß beropen¹. Un nu würd dat jo of nich mihr lat, nu würd dat tidig² fogor, dat he nah Hns kem.

„Na, denn prost, Unkel“, säd Olthoff, as de Lag Pschorr up den Disch stünn, so'n teihn Seidel, „unse Geburtsdagskind un Gastgewer, uns' Herr Unkel Niepstaht sall leven hoch, hoch un nochmal hoch.“

„Un noch ünmer höger“, kreihete Nickels mang dat Hoch mit mang, denn dat Pschorr stof³ em in de Dgen un set'te em in gehaw'ne⁴ Stimmung; dat was för em nich Alldagskost. Un nu würd anstött un drunken un wedder drunken un wedder anstött, un dat eigentlich Gratuliren güng nu irst los — denn vörher was't man blot blinues Scheiten⁵ west — mit Handgewen un Rüssen un Nemarmen, un Paul Bisping set'te Unkeln einen unner de Näs, dat dat man so knallte, un nahsten satt Unkeln 'ne ganze Ladung updäuheten⁶ Schmw-

¹) berufen. ²) zeitig. ³) stach. ⁴) gehoben. ⁵) blindes Schießen. ⁶) aufgethauten.

tobak unne de Näs, as had he sich to sinen eignen Schnurrbort noch einen to anset't.

„Ah, sieh da!“ güng dat mit mal, as Gustav mit 'nen hogen Glasstängel¹ ankem, de bit babeu ran vull Pichorr was, un an den he mit beide Hänn to hollen² had. He müßt em man up den Tisch setten un säd denn nu to dat Geburtsdagskind: „Hochgeehrtes Geburtsdagskind! Sintemal un allbieweil dat dat an so'ne hoge Festdag, as de hütige, Brud is, sine Geföhle Utdruck to gewen, hebben wi of nich dorin torüstahn wullt. Wenig, aewer herzlich und passend. Schon von jeher heft Du eu Stängel verdragen kümmt, un dorüm hebben wi dat Resultat von unse Beobachtungen in dit sichtbare Sinnbild utdrückt un verihren³ Di dit nu mit den uprichtigen Wunsch, dat Du noch recht, recht oft desen Stängel in unse Gesellschaft verfahren⁴ magst. Wi helpen Di girn dorbi, dat brukt nich ümmer 'ne Pichorr-Sahl⁵ to sin, de Du dor inlegst. Un nu, proßt, Geburtsdagskind! Unse Herr Onkel Riepstahl sall lewen hoch, hoch un zum dritten Mal hoch!“ Un dormit langte he Onkeln den Stängel hen, un as de drunken had, makte he de Runn un wedder de Runn, un alle drünken up't Mahdrücklichst up Onkel sin Woll.

„Mensch“, rep Gustav Nickels to, „Du schluckst ja so nitsch⁶, dat Di dat up beide Siden dallöppt.

¹) Glasstiesel. ²) halten. ³) verehren. ⁴) verfohlen. ⁵) Sohle. ⁶) gierig.

„Je“, säd de, „dat fohrt einen jo mit sonen Wupp ut den Stängel an de Schnut.“

„Du heft de Balanz man noch nich rut“, säden weck.

„I, Du kannst man nich genug kriegen“, meinte Rieck.

„So?“ säd Nickels spiz, „fat¹ Di man sülwst an de Näs.“

Up des' Ort un bi so'n fründschafftlich Unerhollung was denn dat Geburtsdagsgeschenk bald leddig², aewer Onkel was in Gesmack kamen, as se alltosamen, un he let sich nich lumpen un nödigen. De Stängel würd noch mal füllt un noch mal, un Onkel säd, dit wir vörlöpig³ de Dank för dat Geschenk. Un as de Stimmung denn nu geburtsdäglich worden was, dunn güng dat mit dat Singen los; Olthoff stimmte an: „Heil sei dem Tag, an welchem Du bei uns erschienen.“ „Dideldum, dideldum, dideldum, es ist schon lange her, es freut uns um so mehr“ stimmten de Annern mit in. Un kum was de irst Vers to Em, dunn füng Gustav den tweiten an: „Heil sei dem Tag, an welchem Du bei uns erschienen, dideldum, dideldum, dideldum“, un alle stimmten wedder mit in: „Es ist schon lange her, es freut uns um so mehr.“ Un dunn kamm de drüdd un viert Vers, ein as de amne, aewer all würden se mit de glife Begeistrung jungen. Un as't to Em was, füng Nickels wedder von vör'n an: „Heil sei dem Tag.“ Aewer he kem nich

¹) faß. ²) leer. ³) vorläufig.

recht mit to Gang, denn he was nich recht up dat Singen toschueden¹ un füng ümmer twei Tön to hoch an.

„Verschon uns blot mit Dine Arie“, rep Rieck em to.

„Dor mößt 'ne Ledder² ansetzen, so hoch kamen wi nich mit“, säd Gustav, „de Kunst is uns to hoch.“

„Nu kennen wi dat woll“, säd Bising to em, „da, nimm man 'ne Preis.“

Na, he let sich begäuschen³, namn 'ne Preis un drümk mal wedder; dat güng jo för ümsüß⁴. Un't durte⁵ nich lang, dunn rallögte⁶ he denn of ganz nett.

Un de Geburtsdagsunkel? De was de heile Seligkeit. „Dat em doch drinken“, säd he ein aewer't anne Mal, „he meint dat god mit mi.“

„Na, Unkel“, säd Olthoff, „dat is brav von Di, dat Du so tapfer hüt uthollen heft, de Börfreund hier in den Keller is doch ümmer dat best, man nich?“

„Dat sall gellen, Olthoff“, säd Unkel un lachte so recht vergnügt dorbi, „noch to so as hüt.“

„Ja, Unkel“, meinte Gustav, „oft hebben wi des' Börfeier nich hatt, Du kregst gewöhnlich iim des' Tid Schnuppen.“

„Miß woll wohr“, säd Unkel, „aewer ick was of ümmer wat verschumppt, hüt bün ick't nich.“

„Na“, säd Olthoff, „ein Geburtsdagsgeschenk heft Du

¹) zugeschnitten. ²) Leiter ansetzen. ³) beruhigen. ⁴) umsonst.
⁵) dauerte. ⁶) die Augen verdrehen. ⁷) nicht wahr?

nu all, wat ward dat morgen nu noch gewen, ick mein, wo vel Geschenken.“

„I, dat find't sich jo“, säd Unkel, as mügg't he an morgen doch noch nich so recht denken.

„Wur is dat denn nu mit de Badstuw? Süll dat uig to Din Geburtsdag warden?“

„Dunnerwedder“, blygte dat mit mal in Unkel finen Kopp up, de nu dörch dat Pschorr all wat illuminirt was, „Dunner ja! nu geht mi en Licht up“, dachte he un läd den Wissinger¹ an den Doek², „dorher of, dat künn an'n Emm stimmen.“

„Wat grüwelst Du, Unkel?“ frog Gustav.

„Ick, je, na, ick dacht man so.“

„An Din Badstuw?“ frog Olthoff.

„Ja un ne, na, wi warden jo seihn, proft Kimmings!“

„Proft, Unkel, proft, proft.“

So würd denn mal proft't un denn mal wedder sungen, denn Nickels let sich dat Anstimmen nich nehmen, wenn he einmal in de Sangstimmung kamen was, aewer de Annern müßten fin Gesangschep³, de he von den Stapel let, ümmer irst in't rechte Fohrwater⁴ bringen. Un denn güng dat jo of.

Na, un bi disse Abwesslung lep denn de Tid jo of heu, dat keiner wüßt, wur se blew⁵. Un Unkel sorgte of ümmer för den nödigen Stoff, denn he had den Kellner Bescheid seggt. „Dat lett sich drinken“, würd ein aewer't

¹) Zeigefinger. ²) Kopf. ³) Gesangschiffe. ⁴) Fahrwasser. ⁵) blieb.

anne Mal veräekert! „So'n Glas Pichorr hier bi Badding dat is dat reine Labfal.“ Un keiner dacht an't Gahn. Un se hadden jo woll bit aewermorgen seten, wenn nich Nickels had anjongen schließlich intoschlafen² un sin Gefangbof to-makt had.

„Se, Kinnings“, säd Olthoff, „dat is woll Tid?“

„I, wat Du för'n Driwwel heft“, säd Bisping, „da, nimm man 'ne Pris.“

„Dunnerwedder“, rep Unkel, de eben mal nah de Kloek feken had, „halwe drei! Na, nu möten wi de Sizing woll schluten.“

„Dunner ja! all so lat?“ säden weck.

„All so tidig“, meinte Gustao, „je, wat helpt dat all, einmal möt doch dat irst sin, proft Rest.“

Na, jeder had denn of sine Ladung in, un de Weddersprich⁴ was nich grot; so würd denn upstahn un nu irst wiste⁵ sich ut, wur god dat dat Pichorr dahn had.

„Nickels, wak⁶ up, kumm, nah Hus“, rep Gustav un schüid'te⁷ em.

„Lat mi in min Bed liggen“, brummelte de, „wat sall't nu all upstahn.“

Zwei Mann grepen⁸ em denn nu unne de Arm un läd'ten⁹ em, as was he so'n tweijährig Kind, dat dat Lopen lihen sall.

1) versichert. 2) einzuschlafen. 3) schließen. 4) Widerspruch. 5) zeigte. 6) wache auf. 7) schüttelte. 8) griffen. 9) leiteten.

„Schock schwere Noth“, säd Unkel un wull sinen Haut upsetten, set'te em aewer ümmer bi to von sinen Kopp, „ick weit¹ jo woll kum, wur mi de Kopp steiht.“

„Toew² Unkel, ick help Di“, säd Gustav un stülpte em den Haut up, dat he aewer wat in den Nacken set.

„So, nu los“, rep Olthoff, un stimmte an: „Nun ade, Du mein lieb Heimathland.“ Un de Tog³ güng los, Nickels mit twei Mann vöran, de den Takt to den Gefang mit de Beinen schlog⁴, denn mit de Stimm wull dat nich mihr gahn, aewer musikalisch was he doch to sihr. Gustav had Unkeln unner den Arm, un de anne Trupp, de anne „Supkolonn“ folgte in den Hinnerholt⁵. Aewer männig Discheck würd noch astött⁶, un männig Stohl füll noch up de Näs, wat hadden se of in den Weg to stahn. So schrägelten se denn nu de Kellertrepp to Höcht, wat en tämlich⁷ Stück Arbeit was, aewer as se nu irst in't Rolle⁸ kemen un up den Mark sich gode Nacht säden, dunn güng dat Gewackel an, un de Mark was kum grot nog.

„Na, gu'n Nacht, Unkel“, säd ein Deil, „wi willen man mit Nickels nah Hus läden“, he het de Balanz ganz ver-luren.“ Aewer en sülvst güng't nich vel beter.

„Gu'n Nacht“, säd Unkel; aewer de Lung schlog em of jo an den Boehn¹⁰, dat dat man schwor¹¹ mit't Reden güng.

1) weiß. 2) warte. 3) Zug. 4) schlug. 5) Hinterhalt. 6) abgestoßen. 7) ziemlich. 8) Kalte. 9) leiten. 10) Boden, Gaumen. 11) schwer.

„Wi begleiten Di nah Hus, Unkel“, säd de anne Deil von de „Supfollon“, „de frisch Morgenluft deht uns god.“ Un so güng dat denn aewer den Mark. Na, dat güng jo noch, un se verfehlt en wüchlich nich de gegenaewer liggende Straat, wur se dörschmühten. Aewer hier was dat nu mit den Rumm¹ man knapp, de Hüser² stünnen so verdenwelt eng, dat Unkel se ümmer bitoschunwen³ wull, un bi dit Gedoh⁴ kreg he de ganze Farw up sinen Aewertrecker, denn de Hüser wiren mit Linfarw⁵ — leider Gottes! — aewerstrecken⁶.

„Hest Du de Kramsvögel in de Tasch?“ frog Gustav, as se eben ut den Dur⁷ schrägelten.

„Ja, ja“ lallte Unkel, „Du—Du--Dunnerwedder, ick kann jo woll ku—kum aewer den Rö—önstein kamen; Gu—Gustav, dat giwt en natt⁸, natt Jo—Johr.“

„Wat?“ säd Gustav, „wil dat Du nich aewer den Rönstein kamen kannst?“

„Ne, ne, i—ick mein to—to Hus.“

„I wo, dor warst Du woll in de Klapp sinnen, un de nödige Beddschwer heft Du hüt, so as Du liggst schlöppst Du un hörst nix mihr, un morgen heft Du jo Geburtsdag un de Kramsvögel dorro.“

„Ne—meinst Du — na, de—denn man to.“

So kem de Tog denn an Unkel sin lütt Hüschchen an. Dat lag so still un friedlich dor; innen was alls düster, kein

¹) Raum. ²) Häuser. ³) biszuschieben. ⁴) Thun. ⁵) Leimfarbe. ⁶) übergestrichen. ⁷) Thor. ⁸) nasses.

Licht to seihn; alls schlep dor schon lang den Schlap des Gerechten.

„Fine is woll all lang to Bedd“, säd Olthoff.

„Da—lat er blot“, säd Unkel.

„Is ok beter“, säd Olthoff, nu wif¹ man den Hus-schlöttel² her, ick will Di upschluten³.“

Dat was aewer lichter seggt as dahn. Unkel müßt irst alle Taschen nahfutrashiren un sünn em schließlich in de lehte. „Aewer blot sachten, Gustav.“

Na, Gustav besorgte denn de Sak ok; ganz lising stof he den Schlöttel in dat Schlott, aewer as he nu upschlot, denn knallte dat up den Flur, as wir en Schuß losgahn. He bet de Tung⁴ twischen de Zäh⁵ tosam un horkte. Ne, alles blew still, alles blew stickendüster in den Hus.

„Gott sei Dank“, säd he, „so, Unkel, nu gu'n Nacht, un morgen seihn wi uns wedder.“

„Ja, ja, we—wer weit, na, gu'n Nacht.“

„Gu'n Nacht“, güng dat nu.

Unkel würd rinbuggiert in de Husdör. „Schurr Di mau ümmer an de Wand lang, Unkel, denn findst Du all t'recht“, flüstert em Gustav noch to.

Baug! schlog Unkel dörsch sin eigne Schwer de Dör von binnen to un dat roesterte⁶ man so, as so'n Bor Reswolwerschüß as se nu toschnappte.

¹) zeige. ²) Hausschlüssel. ³) aufschließen. ⁴) biß die Zunge. ⁵) Zähne. ⁶) rumorte.

„So“, lachten de Süpfrümm, as se afgangen, „in is he nu; aewer wat nahkümmt, bit¹ de Wulf;“ un dormit boedelten² je wedder trü in de Stadt.

Dat negte Kapittel.

Wenn Unkel blot ein Nitholt³ hat had. Zining sohrt in de Tüffel, un Unkel treckt sich buten dat Hemd an. Dat sall en Watertuppen⁴ sin!

Unkel aewer — ach du leiwer Gott! — stümm dor nu up den stickendüsteren Husflur mit den Rücken an de Husdör lehnt, denn ahn Stützpunkt schlog he aewer⁵, dat marckte he. Wenn't doch blot en Nitholt had, en Nitholt, dacht he so bi sich un grawwelt in de Taschen rüm. Aewer to'u Glück för de heimliche emilirte Badwann, de dor in de heimliche Eck stümm, had he kein bi sich, de Heimlichkeit wir jo jünst vörbi west. „Ze, denn helpt dat nich, helpt da—dat nich“, jäd he vör sich hen un füng denn nu au, in'n Düstern sich an de Wand entlang to fänhlen⁶. Aewer, aewer, bi dat Umdreihn⁷ an de Husdör was he ut de Nicht kamen un stats nah links, schurrte he sachten, ganz sachten nah rechtich herüm. „Dunner ja“, jäd he bi dit Stück Arbeit nah 'ne Wil, „mi dücht, ick — ick müßt doch all an de Dör sin! Wat, wa—wat is dit hier in de Eck? wa—wat steiht dor?

1) beißt. 2) eilten. 3) Streichholz. 4) Wasserfaß. 5) überschlug er. 6) fühlen. 7) Umdrehen.

dor kann't nich vörbi.“ He klappte mit den einen Bein dor gegen einen Gegenstand, un dat hullerte man so dörch den düstern Flur. „Dit weit't doch nich, do—dor steiht doch jüß nig? Mö—möt rein mal henfänhlen¹.“ Un dormit namm he de ein Hand von de Wand, un — Unkel, Unkel, de Balanz! — un bog sich wat vöraewer — Pladanz! de anne Hand rutschte em au de Wand lang dal, de Bein wiren wat dicht an desen obsternalischen Gegenstand un können nich nah vör — rutsch, gleden² je em nah himmen weg, Unkel grep üm sich un — klatich — platisch — spritzte dat Unkeln üm de Uhren, un verquer lagg he in't Water, mit't Achterdeil nah unnen. Herre jeh, wat würd't för'n Spektakel, klatich, platisch wuppte dat Water ut dat Dings rute, un Unkeln würd de Puckel un dat Achterdeil un de Mag allmählich wat kolt, de Bein aewer bammelten noch herute. „Hülp, Hülp“ bölkte he in sin bedrängte Lag un boehrte³ sich wat to Höcht, dat de Kopp em nich unner kem, „Hülp, Hülp, ick verjup⁴ jo woll, Hülp;“ aewer he kam nich hoch, 't wull nich gahn, he künn sich in'n Düstern nich recht begripen⁵ un wüßt nich, nah wecke Sid he heufaten⁶ süll. „Klatich, platisch“, wuppte un schülpte dat Water ümmer to aewer. „Hülp, Hülp“, boelkte Unkel ut vullen Hals, „Dicht, Dicht, ick verjup hier.“ Un dat würd en Larin in den Husflur, as spelte de Dünwel dor Versteck.

1) hinfühlen. 2) glitten. 3) hob. 4) verfaufe. 5) begreifen, d. h. wonach fassen. 6) hinassen.

Fining lag grad in den depsten¹ Drom. Ehr drömte, se namm grad ein Bad in de nig inrichte Badstuw, un dor wölterte² se sich man so in rüm in de fine „emilrte“ Badwann, dat dat Water ümmer so to beide Siden rntespülkte. Brrr, schlog ehr so'ne Well in't Gesicht, dat se orig utspuken müßt un sich to Höcht boehrte, un, as dat lewhafte Minschen jo dohn, dat se in den Drom bi Gelegenheit sich upboehren, fohrte Fining in En'n, as kem se wirklich ut't Water, grad in den Ogenblick, as Unkel in't Water fohrte. Se besünn sich en Ogenblick un wull sich eben wedder dal leggen, dunn — wat is dat? wat was dat? So'n dunpe Lud³ driingen⁴ an ehr Uhr — nu wedder, ümmer düller, ümmer luder⁵ — wat süll dat sin? Un wupp, was se rut ut dat Bed, rin in de Lüffel, makte Licht an un schmet sich en Unnerroef aewer, dat se doch nothdürftig 'en Stück Tüg⁶ an den Liw had. „Süh“, säd se bi alle Il, as ehr Blick up Unkeln sin leddig Bedd füll, „süh, dit is jo allerlewst, noch nich to Hus? Un — Gott in den hogen Himmel! all glik drei? glik drei? Na, dit is mi nett“ un dormit namm se dat Licht un güng nah de anne Stuw un horckte an de Stuwendör, de nah den Flur ruteführte. Aewer den Bewer⁷ kreg se, as se den Larm up den Flur hörte; bang was se nich, aewer ick weit nich, was dat doch Bang ditmal oder was dat, dat se wat in ehren korten Tüg⁸ frür⁹, se kreg den Bewer, as se dat Han-

¹) tiefsten. ²) wälzte. ³) Laute. ⁴) drangen. ⁵) lauter. ⁶) Zeug. ⁷) Bitteru. ⁸) kurzen Zeug. ⁹) fror.

tiren hörte. „Hülp, Hülp, Licht, ick versup“, so brüllte dat up den Flur un klatsch, platsch güng dat ümmerte. Un grad in densühwigen Ogenblick, wur Fining de Stuwendör upmakte, makte Unkel en leyten Versänk¹, ut sine bedrängte Lag fri to kamen un wupp, wupp, kippte de Badwann üm, un Water un Unkel un Badwann, alls schwümm tosam as so'n Klumpen Unglück up den Flur rüm un Fining entgegen.

Klapp! schlog Fining de Dör wedder to un sackte² up en Stohl dal. „De Ahnmachten treden mi jo woll an, de Ahnmachten.“ Aewer se had 'ne stark Natur un was en stark knumplete Person, de sich von de Ahnmachten nich so licht krigen let, as se meinte. Aewer des Unblick was doch wat stark west. „Gott bewohr ein, wat was dat? Is he dat oder is he dat nich?“

„Fining“, rep dat un stähnte dat dor buten, „Fining, mak Licht, ick bin dat, ick, mak Licht, ick schwemm weg.“

„Ja, he is dat, he is dat warraftig“ un dormit stünn se up, namm wedder dat Licht von den Tisch un makte de Dör up. Aewer wur seg³ dat dor ut!

„Fining, leiwes Fining, wur geiht mi dat, wur is mi dat gahn?!“ jammerte Unkel kläglich.

„Schwinhund, Du!“ Un se had de Dör jo woll wedder toflappt.

„Fining, säute Fru, Fining“, stamerte⁴ Unkel wedder un roesterte⁵ sich to Höcht, „wur geiht mi dat, wur geiht

¹) Versuch. ²) fiel. ³) sah. ⁴) stammelte. ⁵) raffte.

mi dat, ick schwemm jo woll weg.“ Un dat schinte of war-
rastig so, denn Unkel let grad, as wull he von unnen to
uteinanne sleiten¹.

„Du Rümmerdriver, Du Snpbütt Du . . .“

Dunn ded sich de anne Dör, de nah de Kaef² gäng,
up, un mit Licht in de Hand dukte³ Dürt dor up as ein
Geist ut de Gruft, aever in sihr twivelhafte Bekleidung.

„Fru, Madaming, wat is los, ick hört . . .“

„Wat hörst Du, gornix heft Du to hören, mak de Dör
to un gah to Bed, hörst Du?“

„Ja, aever, Madaming, fall ick of helpen?“

„To de Dör, hörst Du? Nix heft Du to helpen.“

Un Dürt schlog de Dör to, denn Fining künn dörch de
Schwemm up den Flur nich dörch, süß had se ehr se woll
jühvst vör de Näs toschlahn.

„Fining“, jammerte Unkel wedder los, „lat mi blot
rin, ick frier, mi ward dat hier to kolt.“ Un dormit wull
he sich rin in de Stuw schüern⁴. Aewer schwabb, flog em
de Dör vör de Näs wedder to.

„Süll mi de Stuw of noch versaut warden dörch so'n
Supbütt, so'nen Rümmerdriver?“

„Fining, säutes Fining.“

„Buten treckst⁵ Di ut, natt is jo doch alls un ver-
dorwen dor to de ganze Kledasch, un bit up't Hemd büßt Du
jo woll dörch un dörch natt.“

¹) fließen. ²) Kutsche. ³) tauchte. ⁴) scheuern, drücken. ⁵) zieht.

„Fining, mak up.“

„Schwinegel Du, en Hemd lang ick Di rut, aever so
kümmt Du mi nich hier rin.“

Un wat hülp dat alls. Se had de Dör wedder af-
schnappt, un Unkel, de bi sin Bad ganz un vollstännig
nüchtern worden was, müßt sich man wedder gegen de Dör
lehnen un irst de Stäwel, denn de Büchsen un denn de ganz
Kledasch uttrecken.

„Schmit de ganz Bescheerung man dor buten hen, 't is
jo egal, to Eunn is dat jo doch, un hier is en Hemd, un de
Beinen wischt Du of irst orig af, dor is en Handof¹. Un
dormit langte se em beides rut. Un Unkel alkste² denn nu
in de Supp dor buten un in den Düstern rüm, rew³ sich
mit dat Handof wat af, trof dat Hemd aever un makte de
Dör up.

„Dat Du Di de Beinen orig afwischst“, kreichte⁴ dat
hinnen ut de Schlapstuw rute.

Unkel besorgte alls pünktlich un vörschriftsmäßig, makte
dat Licht ut un schow to Bed.

Markwürdig. Keinen Ton säd se mihr, un Unkel had
doch noch so vel to fragen un to seggen.

„Fining“, rep he nah 'ne Wil ganz sachten, schlöppst⁵
Du all, Fining?“

Keine Antwort.

¹) Handtuch. ²) trampelte. ³) rieb. ⁴) krächte. ⁵) schlüpfte.

„Fining“, säd he nah fin Minuten in lewrikste¹ Tonort:
„Fruing, segg mi blot, wat was dat dor buten up den Flur
för 'nen Watertuppen?“

Keine Antwort.

„Leiwes Fining“, füing Unkel noch mal an, wur kümmt
de Watertuppen dor hen?“

„Watertuppen?“ sohrte dat mit mal ut Fining ehr Bed
los, „Watertuppen? Ja, för Di Schwinhund wir ein Water-
tuppen god genug. Me Badwann is dat, de best, de Nagel
had, aewer ick legg mi dor nich mihr 'rin, wur so'n Schwin-
hund, so'n Supbütt dor in rümmealkft het. För mintwegen
steht se, bit se schwart ward.“

„Badwann also?“ säd Unkel. „Fining, leiwes Fining,
dat was so düster up den Flur, nimm dat nich wider² aewel,
ick kann dor warraftig nich vör.“

„Nich vör? Nich vör? Wat hadst Du in de Eck to
sänten?³ Besapen⁴ büßt Du wedder west, un nu schwig.“

Wat hülp dat alls, Unkel müßt man schwigen; so girn
he noch einen Versäuf matt had, fin leiwes Fru glik to be-
gäuschen⁵, dat was vergewß. En schönen Anfang för en Ge-
burtsdag, dacht he, un nu morgen früh irst. He schudderte⁶
sich, 't kem aewer woll von dat kolle Bad her. Wel het he
nich schlafen, aewer he drusselte doch so'n beten un em was
dat ümmerto so, as satt he noch in de Badwann.

¹) Liebreichster. ²) weiter. ³) suchen. ⁴) besoffen. ⁵) beruhigen.
⁶) schüttelte.

Dat teigte Kapittel.

Worüm Fining de Föhnen tofambitt¹ un de Hän'n tofamschleibt².
Unkel friert de Nag. Wat dat för Kramsvögel sünd, un worüm
Unkel in de Eck kamen is.

Klock söß, as dat buten eben so'n beten an to schummern
füing, stünn Fining up. Un as ehr Blick bi't Antrecken³ up
Unkel füll, de irst grad beting indruffelt was un nu as en
unschüllig Worm, bit aewer de Uhren todeckt, in de Feddern
lag, dunn was des' Blick grad nich de fründlichst von de
Welt. „Dat Undirt“, säd se, „dor liggt dat nu mit de un-
schülligst Mien von de Welt; irst besüppt sich dat un nahst
ward Einen sin Nachtrauh stürt un nu irst nachher dat Ge-
stähu, wenn dat upkümmt. Verzagen künn Ein. Aewer ick
kat⁴ em hüt Melkries⁵, dat krüppt ümmer so schön bi so'ne
Verfatung. Un nu irst buten up de Del⁶, wat dat woll för'n
Anblick fin ward. De verdammte Keller un de verdammte
Superi. Na, fin Runforten kamen mi hüt, ick will en Be-
scheid seggen.“ Un dormit was Fining farig⁷, dat heit mit't
Antrecken; mit den Arger noch lang nich, de füll irst angahn,
as se nah buten kem.

Dürt was of all in de Gang un had eben Koffewater
upset't.

„Morgen, Madaming“, säd se, as Fining nah de Kael

¹) zusammenbeißt. ²) zusammenschlägt. ³) Anziehen. ⁴) loche.
⁵) Milchreis. ⁶) Diele. ⁷) fertig.

rinfem, „na, up de Del süht dat jo ut, as wenn de Düwel dor aewer Nacht Drivjagd afhollen had. Du leiver Gott! De schön Badwann is ümstülp, alls schwemmt vull Water un midden mang driven den Herrn fin Klebaschen. Weih¹ dohn deht Ein dat, wenn man dat süht.“

Fining säd niz, se bet² de Tähn tosam, se had jo all aewer Nacht 'nog seihn. Aewer nu, as se de Raefendör upmafte un de ganze Plamsur up de Del gewohr würd bi Dagslicht, dunn schlog se de Hän'n tosam.

„Ne, Dürt, de Düwel kann nich düller husen as so'n besapen Minsch. Dor kann't ja goruich raewer gahn, dat driwt jo alls man so un dat schöne, diere Tüg.“³

„Ja, Fru, en Cleud is't, en Jammer; un de arme Herr, dat dat den of so mallären müßt, he kann dor jo of niz för, düster was't, un wi hadden dor wat aewer leggen sullt.“

„Schwig mi blot von den Herrn still. Dürt, dat segg ick Di, redst Du mi hieraewer, dat Zanzelsch dat gor to weiten frigg, ick jag Di ut den Hus.“

„Ne, Madaming, ick holl reinen Mund, wat hew ick to reden, aewer beduren⁴ möt ick Se.“

„Ja, Dürt, dat mi de Schlag aewer Nacht nich rührt het?“

„Ick kreg of en schönen Schreck, aewer so schlimm had't mi dat doch nich dacht.“

„Se, wat maken wi nu?“

¹) weh. ²) biß. ³) theure Zeug. ⁴) bebauern.

„Upwaschen, Madaming, upwaschen, aewer twei Stunden ward't woll brufen.“

„Ne, ick segg, des Badgeschicht! In't Graw¹ bringt f' ein noch. Wat möt de verdammt Waterleitung of affschlotten² warden, un wat mößt Du mi of hierto raden hebben.“

„Se, Madaming, wer denkt of glik so wat.“

„I, dat hadst Du bedenken müßt, Du büst of so'n gedankenloses Minsch.“

„Madaming, ick bid En.“

Ein Glück was't för Dürt, dat se Stillschwigen bewohren jüll, sünt häd se jo woll noch düchtig Schell³ kregen. Aewer Fining besorgte, dat se denn nich dicht hollen würd, un so kreg se kein; aewer Schuld had se in ehr Dgen, se un he un de Suptolonn, Fining was de einzigst Unschüllig.

Na, wat hülp dat all. Dürt makte sich denn doran, de Del wedder menschlich to maken, un nah twei Stunden was se denn of mit dörch.

„Den Herrn fin Klebaschen lecken woll noch acht Dag, ick hew se all beting utwungen un up de Lin⁴ schlagen up den Baehn⁵, aewer ick möt dor Schöttel⁶ unnerstellen, süß drüppt⁷ dat dörch. Un dit hew't in de eine Tash summen.“ Dormit reifte se de Fru en lütt Packet hen, dat of ganz klitschen natt was un wat fettig.

„Wat 's dat?“ säd Fining un makte dat up. „Dat

¹) Grab. ²) abgeschliffen. ³) Schelte. ⁴) Leine. ⁵) Boden. ⁶) Schüsseln. ⁷) tropft. ⁸) reichte.

sünd jo woll Gausknaken?¹ In sin Taseh heft dat funnen?“

„Ja, Madaming.“

„Na, dit is jo nett, dit is jo allerleiwst. Dor hebben se em jo woll de Knaken in de Taseh staken², dit befanne³ Schwinn, ne, nu segg ick nix mihr. Un so ward dat Geld wegschmeten. To Hus Gausbrad un in'n Keller of noch. Dit is jo nett, sihr nett is dit.“

So was dat, ja, so wat. Gustav had Unteln stats de Kramsvögel de Knaken von sinen Gausbraden in de Taseh praktisirt. Ja, ick segg, dese Supfrinn; had Fining jo ganz Unrecht?

Ja, ja, Fining was in schöne Stimmung hüt morr'n. Erst de Geschicht mit de Badwamm un nu noch dit. Uhlen-
spiegel was also ehr Mann för der Gesellschaft. Dat wir jo nett, sihr nett. So kem se wedder mal nah de Schlafstuw
'rinne.

„Dat Undirt dat“, jäd se. Se freg en Schreck, as he all up was, aewer as Waddik un Weihdag⁴ satt he in den Lehnstohl.

„Ach Fining, mi is gor to schlicht to Weg“, stähnte he.

„So?“ frog se spitz, „so?“

„Mi ritt⁵ de Kopp, ick segg Di; heft Du nich bald Kaffee farig, de Mag will mi gor nich warm warden.“

„Du Uhlenpiegel, Du, nah den Keller gah man un ett⁶

¹) Gausknachen. ²) gesteckt. ³) besoffne. ⁴) Schmerzen und Wehen. ⁵) reißt. ⁶) is.

wedder Gausbrad, de Knaken heft jo noch in de Taseh, de warden Di hüt morgen woll gaud dohn.“

„Knaken seggst Du? Zwei Kramsvögel hew ick Di mitbröcht, de sullst Du hüt morgen to't Frühstück . . .“

„So, Kramsvögel? nette Kramsvögel dat. Sünd dat Kramsvögel?“ Un dorbi hüll se em de Bescheerung vör de Näs, de Dürt in den Newertrecker funnen had. „Sünd dat Kramsvögel, frag ick Di? Dit is woll god 'nog för Din Fru, un dat Fleisch friggst Du, nich woht?“

„Ja, Fining, dat weit ick doch warraftig nich, Kramsvögel hew ick doch instaken¹, ach min Kopp, mine Mag.“

„In nette Verfattung mötst Du jo west sin, wenn Du dit all för Kramsvögel anjühst. So kamen de Sünden to Dag.“

„Denn möten se sich verpuppt hebben; ach, min Kopp, Fining, bring mi blot beting Kaffee, recht warm un nimm man 'ne Bohn mihr.“

„Dat ward ick bestimm'n.“

Dit was nu Unteln sin Geburtsdags-Anfang. „Herre jeh“, dacht he, as he nu as so'n Zammerbild up den Sofa satt, „wenn dat ganze Johr jo utfüllt², jo klaetrig as de Anfang, denn ward dat noch nüblig.“

„Fining, segg mi blot einmal, wur kem de Badwamm mit all dat Water dor up de Del hen“, frog he bi't Koffe-
drinken sin Fru nochmals.

¹) eingesteckt. ²) ausfällt.

Un Fining let sich endlich erbarmen un vertellte em den Tojahang. „Newer üm Dintwegen hew ick s' nich anköfft, un ick gah dor nu of nich mihr 'rin, denn in Zhren¹ künn't dat doch warraftig nich mihr nah desen Vörfall. Newer Zanzelsch will ick utstecken dormit. Wat? So'n Schurrerpack? Se het ein un wi füllen kein hebben? Un Du füllst se to'n Geburtsdag hebben un dat süll heiten, fik, wat de sich all to'n Geburtsdag schenken.“

„Na, denn dank ick Di of, Fining, aever up de Del?“

„Wat hadst Du in de Eck of to sänken, wur sünst kein Wünsch nich hentümmt?“

„Je, Fining. dat was doch to düster.“

„Besapen wirft Du, dat Du nich mihr ut noch in wüßt, un nu heft Du jo Dinen Geburtsdagswünsch erfüllt kregen, glif dat irste an Dinen Geburtsdag wir jo dat Bad, lang 'nog heft jo von utschmeten.“

„Ach, Fining, so had't mi dat nich dacht, un en Schuppen ward't woll dorbi wegkregen hebben.“

„Von dat Bad nich, dat schad't keinen Besapnen, aever von dat Supen, dat ward Di un woll den Dampf dahn hebben, un kümmt Din Snptolonn hüt morgen noch an, ick will en Bisched² seggen.“

„Ja, doh dat man, Fining, mi is of gornich geburtsdäglich to Weg.“ Un dorbi läd⁴ Unkel sich beting up't Soja un stähnte, dat dat en Stein erweifen⁵ künn.

¹) Ehren. ²) ausgeworfen. ³) Bescheid. ⁴) legte. ⁵) erweichen.

„Dat hebben wi un wedder dorvon“, säd Fining.

„Je, Du sädst jo doch“, stähnte Unkel wider, „wenn dat of beting later ward, dat schad'te nig nich?“

„So? Also ick krig de Schuld? Nennst Du dit later? Klock drei? Ne, jo'n Rümmegebrüw würd mi nich in den Sinn kamen sin. Is dat wat för anstännige Lüd? För de Snptolonn dor unne mag sich dat passen, aever för en verfrigten¹ Kirl as Du büst! Schimp un Schann möt ick an Di erleben.“

„Ja, ja, Fining, ach min Kopp, mine Mag, ni nich gah ick wedder ut. Rak² mi blot beting Kamellenthee.“

Dat elb'nte Kapittel.

Wat Unkel all to Geburtsdag kregen het, un dat Gustav mit den Rothspohn blot spaßt had. Nur dat sich mit de Tid verblüt³ un alls noch in de Nicht kümmt.

Dit was nu Unkel sin Geburtsdag. Erst en Stävel, nahst noch en Bad, en kolles tworz, denn en Schuppen un un de Afrüwung von sin leuwe Fru. Prächtige Geburtsdagsgeschenke, dacht he so bi sich, aever min Kopp, min Kopp un de Mag, de hackementische Mag, de krig't jo woll ni wedder in de Reich. Un dorbi got⁴ he ein Tass' Kamellenthee nah de anne dal. „Wenn't dat blot bi mi behüll⁵, denn güng

¹) verheiratheten. ²) kochte. ³) verblutet. ⁴) goß. ⁵) behielt.

dat noch“, süßte he dorbi. „Nu wenn sich blot keiner hüt morr'n sehn let, se schnitt se jo woll rut.“

Aewer de leiven Früinn hadden ok all genug mit sich süßst to dohn. Denken deden se woll all an Unkel, aewer se hadden all gistern wat wegkregen. Nickels am mirsten; de had so'n Afschwung von sin Fru kregen, dat he dat Utgahn aßlawte¹, ebenso as Unkel. De annern wiren mit 'ne gelinnere Predigt aßkamen, aewer utgahn ded keiner wedder de irsten drei Dag. Blot Gustav, de leddig un los was, un den de Kneiperi an'n wenigsten wat ded, „wil he jo ok utglasirt is“, as Fining säd, de dacht an den annern Morgen: „Sallst doch mal rutgahn nah den Geburtsdagsunkel.“ Un he ded dat jo gegen Kloß elben.

Fining was grad in de Stuw un boernte² Unkeln wedder mit 'ne nige Uplag Kamellenthe, dunn kloppte dat.

„Haha“, säd Fining, „un treden³ se woll an.“

„Großer Göthe“, süßte Unkel.

„Na, röppt hier keiner herein“, säd Gustav un kem rin, „denn möt ick as oll Bekannter man so rinkamen. Gu'n Morgen, Madaming, gu'n Morgen, Unkel, wat is dit?“

„Ach“, süßte de.

„Ja“, säd Madaming, „ja, dit is Geburtsdagsfeier; netting, nich wohr, Herr Saußbruder? So 'nen Utglasirten, den deht dat nig, aewer he.“

1) abloste. 2) tränkte. 3) treten.

„Mudding“, woll Unkel ehr stüren. Aewer Gustav had en tages¹ Fell un was schon up so'nen Empfang vorbereit't.

„Nette Saken dat, Herr Petersen, nich wohr?“ frog Fining recht spit, „un ick kann hier sitten un boernen em as en frisch gebnr'n Kalw?“

„Aewer, leives Madaming, Unkel het sich woll verfüllt², he was doch gistern noch will un woll, Se hadden em man orig beting todecken³ jullt aewer Nacht.“

„So? Will'n Se mi ok noch gode Rathschläg gewen? Erst ward rinsapen, dat ein vull is as 'ne Watertunn, de unne de Düll⁴ steiht un nahsten noch gode Rathschläg? Wur wir dat, de Superi künn hier jo glik wedder beting angahn?“

„Je, Madaming, so'n lütt Glas Nothspohn to'n Geburtsdag?“ säd Gustav ganz unschierit.

Schwubb fihrt Fining em den Rücken un güng af.

„Ne, Madaming, ick hew jo man Spaß maft, maken Se keinen Ernst⁵ mit den Nothspohn“, rep Gustav ehr nah.

Schwubb fihrt Fining sich ün un schmet⁶ Gustaven einen Blick to, de mihr säd, as sich beschriwen let un säd blot dat eine Wurt dorbi: „Hausten!⁷“ Weg was se.

„Na“, säd Gustav to Unkel, „tröjt Di man mit Nickels, den geiht' t hüt grad so as Di.“

„Ach, min Kopp“, stähnte Unkel, „dor sitt jo woll 'ne ganze Schmed⁸ in.“

1) zähes. 2) erkältet. 3) zudecken. 4) Regentrause. 5) Ernst 6) warf. 7) Husten. 8) Schmiede.

„Alls en Newergang, Unkel, vergnügt sünd wi doch west.“

„Newer blot mit de verdammten Kramsvögel, dor het se sich an'n meisten aewer lost¹⁾, wer het mi blot de Gausknaken in de Tassch steckt.“

„Je, Unkel, worüm letst Du of anne Lüüd bi Din Lüg kamen? Du hadst einen verdammten Zopp²⁾ weg. Na, tröst Di, dat hadden wi all, aewer de Fier was doch prächtig. Un nu adjüs, ick will nah den Keller un en Frühjochoppen drinken.“

„Ach, wenn't dat of künn.“

„Je, kumm mit, treck Di de Stäwel an.“

„Nem Gotteswillen, wat red'st Du.“

„Na, denn adjüs, Unkel, gode Bett'ring.“ Un dormit güng he af.

„Na, is de utglasirte Supbütt nu weg?“ frog Fining, de irst wedder rinkem, as Gustav lang all in'n Keller satt, „hadst jo beten mitgahn künn.“

„Ach, Mudding, ick bliw bi Di“, stähnte Unkel un driint wedder 'ne Tass Kamellenthee, „dit's en schlimmen Geburtsdag, wir ick blot nich geburen.“

„Ne, warraftig“, säd Fining, „beter wir't.“

So kamellenthee'te Unkel sich denn den Dag hen. Men Schnuppen had he kregen, en dägten³⁾. Newer as jo allens vergänglich is in de Welt, so vergüng of de, un Unkel fähulte

¹⁾ geärgert. ²⁾ Zopf. ³⁾ tüchtigen.

sich allmählich weder as Minsch. Un Gras wuß¹⁾ aewer dese Begewenheit. De Badstuw würd trotz alledem nah Fining ehren Geschmack inricht, un Janzelsch künn nu kamen; un as se eins Dags of richtig kem un de Badstuw seg un so vel ohte un ahte, dunn was Fining of mit de Geschicht utföhnt un güng of sülwst mal to Pohl. Un as se dormit dörch was, kem se to Unkel un säd: „Süh so, nu kannst Du't dor of mal prowen. Kolt heft Du't jo all prow. Newer ditmal rad ick Di, treck de Kleidaschen vörher ut.“ Un Unkel güng of to Pohl un streckte sich mit Wollbehagen in dat Warmbad un säd: „Ja, dit's en annern Schnack.“

Un as he nah vele, vele Wochen wedder to'n irsten Mal in'n Keller satt, un de Früinn wedder von de Geburtsdagsfeier hier unnen anfängen, dunn säd Unkel: „Ja, de Börseier hier unnen was nett, sihr nett, aewer wat nahkem, dat had de Wnlf beten²⁾.“ Un dorbi vertellte he denn, wo dat all kamen was, un ick hörte dat von em sülwst, also is dat 'ne wöhr Geschicht. Un mi het se Spaß makt, Jug of?

¹⁾ wuchs. ²⁾ gebissen.

14743





In demselben Verlage ist erschienen

Otto Wendler

Rügensche Rinner 

 un Nahwerslüd

Plattdütsche Rimers

in rügensch-vörpommersche Mundort.



27 8 10

Biblioteka Główna UMK



300047219173

nd A

II

3311

~~Pm 311~~

BIBLIOTEKA * * * * *
UNIwersytecka
14743
* * * * * W TORUNIU * * * * *

27

Biblioteka Główna UMK



300047219173